

CHINESE - JAPANESE
HARVARD - YENCHI
INSTITUTE
AT HARVARD UNIVERSITY
NOV 30 1940

T 3204/4331.81

松江府志卷之二十五

冢墓

賢其人者於其所止舍而興思焉况體魄衣冠之藏乎
志之有冢墓者以此然其詳略蓋有幸不幸於其間矣

顧志

過墟墓而生哀其人之德澤于斯係焉故考封域者隨
其賢之大小而識之不勝餘愾矣雖世有先後地有遠
近勿敢或闕若夫子孫之興廢則無擇也至可疑者附
後以示別云

漢廬江太守陸康墓在府西北二十里

吳丞相江陵昭侯陸遜墓去府二十三里

選曹尚書陸瑁墓去府三十二里

大司馬荊州牧江陵侯陸抗墓去府二十二里

左丞相嘉興侯陸凱墓並去府三十二里 蘇志云凱墓在長洲縣鳳凰山

會稽南部都尉陸宏墓去府四十里 蘇志云在平門西北

長水校尉陸叡墓去府十九里

征北將軍海鹽侯陸禕墓在崑山 墓碑 吳郡吳人也昔龜鳳啓

符嫺考吳故左丞相之胤世為諸侯或于陸鄉因氏姓焉顯考吳故左丞相聲聞于海內若繫遠祖之懿緒承洪族之清高嶽降其神淵瀆協其氣是以景靈咸贊奇姿挺桀合九性聰苞五行瞰雲霄而厲峻節若大業經好古玄圖則思之入幽苾之夫敦經好古玄圖則思之入幽苾之

而失其機苞萬品而其指也爾乃被褐林遲養真值求士匪幽澤無散髮之君斂節降志從時赤烏六年徵宿衛郎中遷左郎中治書執法中校尉立義都尉五官郎中騎都尉遷黃門侍郎君克明憲允亮納言封海鹽侯加禕將軍行左丞相鎮西大將軍事于時基辰御江河異宗皇晉藩平南境有則儒色溫武弁則氣莊爾乃撫戎廟算量敵則儒色溫武弁委戈執人賓皇儲若珍在席講道論也及其而君恥寤武之詳愚厲祖考之烈與邁貝錦疾合采受侮以遐遷永蕭於積祀到大康之蟠奮朝陽之羽栖箕之入周陳洪謨於晉字享年不永春秋知命而君德銘大勳之通義人道之事也君元子西曹章安縣令奉車都尉衡仲

子□□□大夫□□□子散騎□□郎前將軍歷
陽宣威二郡內史階仰堂構之遺蔭蒙析薪之□荷詠
□□承思感蓼莪□□□山以代君命執翰以
袞德庶同輝於日月垂永照於罔極也乃作頌焉其辭
曰□□□煌煌南基敵輝北辰桓桓□□命作□龍
肅江□威響北振運否承泰六合□一帝鑿海嶽求其
隱逸將彈南冠入亮皇室我翼未揮□□折何用不
德命此執翰縷金作頌億載不刊泰寧二年歲次乙酉
十二月壬戌朔一日壬戌立□通志云墓碑村人疲于
征索遂碎其半今文
雖不全而龜趺尚存

晉左光祿大夫贈侍中大將軍江陵穆公陸曄墓去府四
十四里

後將軍司馬西陽亭侯陸監墓去府十九里

安吉太守陸景文墓去府三里

唐黃州司馬陸元感墓在崑山

墓志銘 君諱元感字達禮吳郡吳人也昔者舜嗣

堯曆協□初以闢門田育姜姓賓王終而有國其後俾
侯于陸開錫氏之源作相於吳纂承家之秘玄德之緒
莫京於代曾祖慶梁官至婁令入陳三辟通直散騎侍
郎皆不就祖士季陳桂陽王府左常侍隋越王府記室
皇朝太學博士弘文館學士父謀道皇朝周王府文學
詳正殿學士竝茂稱奕代餘慶資身擢慧葉而增芳飛
靈波而益濟去官辭辟語默稱賢函席曳裾文儒繼美
君生而敏慧長而溫良識聰朗而惟深體矜重而不野
宗族愛而加敬鄉黨狎而愈恭始以資宿衛解褐韓王
府參軍事以丁憂去職服闋值國討狄軍出定襄戎幕
擇才君為從事文武吉甫斯之謂歟尋為婺州龍丘丞
贊貳有能風俗時變遷睦州建德和州歷陽二縣令育
人去殺訓物齊禮子游絃歌武城歎其焉用仲康鳥獸
中牟稱其仁及尋加朝散大夫除黃州司馬到官未幾
以神龍三年七月二十日遘疾而卒春秋七十有五
不與善神無福謙不其悲哉粵景雲二年三月初一日
葬于崑山禮也初文學府君以檀班固漢書敕授舒王
侍讀君少傳其學老而無倦此易所謂幹父之蠱詩所

謂聿修厥德者也嗣子南金等哀號弗及孝思率至十
北是營封樹特永憂陵谷之變託詞頌休銘曰蕭韶儀
鳳觀國賓王我祚光兮東有齊土南入吳鄉我族昌兮
自君嗣業履素含章我譽臧兮內游藩邸外掃戎場我
才揚兮為丞與令化洽三方我人康兮天子命我我朱
孔陽佐于黃兮美志未極盛圖云人訴穹蒼兮頌德休
問地久天長永無疆兮
朝議郎行右拾遺斬翰誤

朝散郎貝州宗城縣令顧謙墓在北亭鄉崧子里 墓志銘 公諱

謙字自修其先吳郡人季歷丞相肅公之後也漢魏以
降蔚為茂族史傳詳載比得略而述焉大王父諱希揚
登州軍州事衙推王父諱彭堯州司戶叅軍先府君諱
行大宣州寧國縣丞先太夫人吳郡陸氏公即家子也
體質魁梧風神朗秀溫其珪璧凜若松筠粵在綺紈資
性端敏卷舒進退逾于老成早歲舉明經三禮二科洞
達微言貫穿精義獨行不合時流所排晚節以談笑曳
裾歷諸侯上客魏帥何公一兄若平生交表公高才請
宰劇郡繇是褐衣拜貝州宗成縣令公以邊陲之地民
俗驕悍非鳴琴可齊實展驥仍乖理張翰之扁舟企陶

公之遐躅浙有勝地雲間故鄉豹隱鴻冥韜光晦迹其
有巖廊彥士山島逸人每披霧見天開雲睹雉莫不高
山仰止如不及焉噫人皆知麟鳳之為瑞而不知善人
為瑞也不使公執政當路於時元龜不泯於將來盛德
必鍾於後嗣非造物者大悞彼蒼生之不幸乎嗚呼夢
感兩楹孳生二豎以咸通十三年歲次壬辰六月二十
八日丁卯啓手足于蘇州華亭縣北平鄉崧子里之私
第享年六十有七先是公于第之南隅列植松楸有公
叔之想焉明年歲在癸巳十一月二十四日乙卯灼龜
析著如遂先志窆于茲原禮也夫人弘農楊氏貞順婉
約閨門楷儀精爽撫孤罔不適禮俱滁州全椒縣尉女
一人適明州象山縣令張夔男六人長曰寰杭州鹽官
縣尉次曰台常州晉陵縣尉次曰占旁州館驛巡官試
左武衛兵曹參軍次曰寔鄉貢明經次曰滔次曰潛皆
在嬰幼唯寔與滔公之胤咸能處人接物弄弟持身動
惟直方靜必溫克奉詩禮之明訓在邦家而有達是使
聯榮清塗列羽霄漢有後於魯斯其北歟女二人長適
吳郡張聿之明經出身解褐蘇州華亭縣尉次許嫁吳
興姚安之登童子學究二科再命為東宮舍人率禮樂
名儒簪纓盛族公之中外姻表輝映當代不可一二言

也嗣子寰欲嗣續之不限感靈谷之或遷泣血哀號請
銘幽后恭為銘曰登第君子今如珪如璋鳳鳥不至兮
麟出雁殃彼蒼不仁兮曷為其常甘泉忽竭兮匿焰摧
光孤憐洒血兮行路悽傷青鳥告吉兮寧神高岡

宋贈太子少保朱承進墓在佘山普照院西

按朱氏家譜承進本汴人

五代時避地吳越三遷至華亭積德行善生子六人皆
訓以儒術族遂以大迄宋以仕宦不絕墓地乃林秀才
業少保與奕棋勝而得之仍以五十千酬其值歿因葬
焉孫諤既執政賜葬平江陽抱山與蘇志合當以
諤墓按譜諤賜葬平江陽抱山與蘇志合當以
為正承進墓至今猶存上有垂絲栢一株甚鉅

尚書朱端常墓在橫雲山

將仕郎揚州助教衛公佐墓在佘山

張修墓志在府學先賢祠

進士詹奕墓在佘山

詩人儲泳墓在上海東南長人鄉

樂靜先生曹澤之墓在小蒸

方回銘樂夫樂以有守靜而樂所以壽諡不以爵以德

齒是之謂不朽

樞幹杜九成墓在杜村

正獻公五世孫也

孫青龍直學可久曾孫

容州教授英發並附

英發墓楊維禎為銘

直殿將軍姚世榮墓在橫山之麓

世榮汴人扈宋南渡而葬于松子孫遂家焉

張澄墓

澄號斗山先世留侯裔扈宋南渡徙居華亭之砂蕩里即今十五保三區五亩斗山遂易學負奇抱

陳策政府弭寇減稅海鄉至今賴之歿葬所居吳隅子孫七世附焉贈兵部主事熊應即南安守弼之父弼自

為記

鄉貢進士謝國光墓在五保胥浦鄉墓有安節亭

附京兆宇文公諒安節亭記安節亭者晉太傅文靜謝公廿六世孫節齋先生之所作也先生之六世祖隱

居華亭之南曰立極子孫因家焉先生諱國光字觀夫有雅量夙敏于學十三能屬文宋咸淳癸酉領鄉薦明年上春官策問求賢所對剴切時賈似道柄國忌直言主司畏禍不敢取以例補太學生天朝一海宇遂潛德勿耀至正廿三年治書侍御史程公鉅夫承詔搜遺逸或以先生薦輒杜門稱疾且曰吾與其榮於身不若無媿於心乎日以經史自娛而已卒于至正乙酉遺命葬先塋之西名祭享之亭曰安節蓋其志也嗚呼宋社既屋文武遺臣位卿相者不可一二數獨文山文公疊山謝公起身科第知萬死不顧一生以全大節凜凜如秋霜烈日而天朝特寵異之以風厲天下或官其子孫或立書院以奉祀非後代之所能及也先生一布衣諸生矢不踰節其亦可敬也已矧不沽不激得大易安節之義今其諸孫多好修力學將復有以科目顯者是又安節之享也其孫質晉與其弟良貞請發名亭之義刻石以垂永久且懼亭之久而或廢乃相與割田五十畝以規塋繕故為之書復效小山招隱悲歌以祀先生其辭曰若有人兮谷之陽蘭為佩兮蓉為裳聲獵獵兮擅名場縱六轡兮馳康莊文八音兮五色進治安兮長策披淫歷兮忠肝橫流涕兮太息事既謬兮時又異遺紛萃

兮若蟬蛻苟容身兮變初志寧安節兮內無愧體肥兮胥浦撥秋英兮汎芳醕尚友兮淵明微夫人兮孰伍松楸兮青青歸來兮斯亭節旣安兮不朽仰百世兮儀刑

元護軍鎮國上將軍福建宣慰使都元帥江夏榮敏公費

窆墓在鳳凰山陸寶原 子平江等處運糧萬戶拱辰

孫世萬戶雄並附

山齋衛謙墓在佘山 子德嘉附 楊維禎

悅道處士陸怡墓在佘山

三教遺逸趙孟頫墓在府城本一院

兩浙都轉運鹽使瞿憲發墓在上海下沙鎮 墓志略并銘 皇慶元年

二月二十六日兩浙都轉運鹽使瞿公卒于松江上海下沙之里第得年六十二明年四月二日葬于祖塋之

東至正七年去公之卒三十五年矣而墓無文字子時
舉大懼先德之遂泯始以故浙東廉訪副使臧夢解所
為狀屬同會太史院事楊瑞來請銘乃為銘曰海隅選
兵執杆以禦鹽民破業孰莫以生公既靖之復還定之
我食我木歲或荐饑出粟賑乏哺餓以廉遂肉我膏孰
不惠懷廷臣林公導之以見再叩天陛渥恩錫羨皇帝
有旨碑護而家汝知鹽策往乘副車海多大風潮水暴
溢鴻離魚潰莫保家室公力拯之皇褒以秩正持使節
有赫其光浙河以東天雷札荒公時推擇出資散給拊
匪萃邁歲賦兼集民有頌言微公曷粒德孔厚矣神之
勞之宜爾耄期以祈以頤公不少留廷命來下夙悟禪
理無但于化若堂之墟龜時鳴蟠追刻穹石百世永傳
應奉翰林文字登仕郎同知
制誥兼國史院編修官張翥撰

義士夏椿墓在細林山

墓志略并銘 松江故華亭邑其地多上腴自鴟夷子皮浮游江湖

以善居積致累貲鉅萬故俗喜矜富邇歲夏氏以義聞
于鄉御史周君景遠為作義士碑徵其文而君之為義
尤信去年春予以臬事之松江甫識君益魁然無他崖
異者及今而其孤世澤等以吳興李道坦之狀來請銘

予遂矜而銘之銘曰是為義士夏君之藏君非能梯榮
弋譽垂組銀黃而豆區之入惠周翳桑彼仕者之於民
若越視秦人之肥瘠者亦獨何心哉故為義者恩常施
於不報名益遠而彌彰雖死猶不亾也嗟嗟夏君歸安
于神岡垂慶于祀過者尚勿毀傷 承德郎僉
江東建康道肅政廉訪司事鄧文原撰并書

夏世澤墓在集賢鄉

學士虞集志銘

蘭溪知州飛騎尉武義縣男章夢賢墓在崧宅里

墓志略并銘

江南章氏系出浦城居松江之上海青龍崧宅里者自
宋秦國莊敏公柩始秦國之孫曰登仕郎惟聰登仕生
宣義郎知秦州如臯縣瓊如舉生迪功郎溥迪功生夢
賢字思齊是為義士君義士者以至順元年浙西大水
朝廷募民能賑粟五百石以上者爵有差君出粟二千
餘石而不受爵故以旌其門也君弄友通練儀觀偉然
而敦詩書好施惠重賓客至元中用論薦起家歷襄陽
等處營田提舉建康等處財賦提舉以父母俱喪惟兄
儲用使文又多疾乃棄官終身不仕事其兄如父遂白
兄買田置義莊以給宗族隣里之不能婚喪及窮乏者

建義塾以教鄉黨子弟之賢者其兄歿撫其孤如子闔門二百餘口未嘗有短長之言泰定三年以子貴授忠顯校尉大都宣課提舉元統三年進奉直大夫婺州路蘭溪州知州飛騎尉武義縣男配楊氏封武義縣君至元四年正月二十七日無疾而卒春秋七十有二四月甲申其孤奉政大夫江浙等處財賦都總管府副總管元澤江浙財賦副提舉振孫嘉興路海鹽州儒學教授裕孫和寧路儒學正容孫及定孫寧孫斗孫陵孫女四人孫男九人女八人奉柩葬里之西浦原先營之左六年冬以書幣至京師請銘銘曰世為相族家本德門門旌義士爵列封君宗族稱孝鄉黨推仁有子振振有孫誥同修國史揭傒斯誤并書

浙東宣慰副使任仁發墓在駱駝墩 即今青浦新江鄉

湖廣等處泉貨少監陳勇墓在青龍南 紫陽蒼蒼道久彌光葉

朱柯墓在華亭橫涇 貢師泰銘 大枝蕃散于四方華亭之裔實當四

世潛德弗耀蔚有奇氣如彼榎楠弗棟弗梁如彼椅桐弗徽弗張天賦之秀宜畀之厚胡嗇其祿又微其壽子孫訖訖戩穀爾臻我銘有徵視此刻文

貞素先生曹知白墓在干山 貢師泰志銘 子永祔

澤張氏墓在通波塘上 通波阡表 張氏出青陽歷漢魏晉唐為顯官甲族代不乏人

朱為三葉衣冠者曰士遜稱橫浦居士曰九成無盡居士曰商英商英拜相後子孫渡江遂居杭之菜市有八世祖某游松愛干山之櫻珠灣為隱地因結廬居之六世祖某號八七居士又自櫻珠灣遷鳳凰山陽之祥澤雁與其子通號干一居士開坵鑿井以養其親遇冬雪掃涼地散粟以食凍禽居士往來慈烏或有翼而隨者年九十有三終娶華亭陸氏生男顯築草堂號隱菴博涉書籍尤精梵典及星曆陰陽風水之術攻苦食淡如父風與儒釋唱和有詩偈若干首傳于鄉壽八十四終娶夏氏生男俊字晉卿其為人廣額大耳美髭髯其聲如鐘自幼機警通史傳學尤長於法律中慈而外剛鄉閭以其弗諾為曲直人負不平不之邑而之公鄉稱張

片言性好施賑貧周急鑿義并勸義舟建大石梁三壽七十終娶同里孫氏生三子長信次梯次瑄瑄之子曰龍曰鳳梯之子曰宗仁宗禮女曰淑清鳳之子曰宗義女曰淑寧與之子曰英麟之子曰彬曰桓麒嘗從予游每恨先裔成譜未修三祖之石未立大懼喪亂之餘彌遠彌失招致予過其家上其積善之慶流及五世至麒而業益修三祖阡表予以其積善之慶流及五世至麒而業益修門益大張氏子孫食其報者未艾也於是屬比其事書之于石而又繫之以辭曰張氏得姓出自青陽助之顯者曰韓之良柱下相君彌壽有蒼八世貴盛莫過乎湯茂先仕晉博洽是長商英子姓扈駕在杭實為鼻祖由杭徙松五世載德地淮其祥仁孝授受本固源長五世既昌八世莫京刻辭阡表用昭後慶

素書

松江府學訓導王文澤墓在橫雲山

秦裕伯銘 吁嗟王氏世篤吾仁紹樹儒

術厥志彌敦為善弗報天道無聞天匪無聞享有後人

錢塘錢大有墓在佘山慧日院

大有錢袞父也通志有碣題曰錢氏祐之墓

孝子徐誠墓在長人鄉

貝瓊志

三高士墓在于山東麓三高者楊維禎陸居仁錢惟善也

維禎墓金華宋濂志銘 按志作于洪武三年正統五年巡撫侍郎周忱始刻石樹之府學講堂西夾室萬曆甲申華亭知縣泰和陳秉誥封土修墓立三高士碑于其上

邵氏世墓在秋涇里墓有敬思亭

附元安陽韓性記略 敬思亭者邵君子猷之所建也邵氏家洛陽康節先生六世而南由丹徒徙雲間族葬于秋涇里至子猷四世矣子猷即先塋為丙舍以奉祀其祖父構亭扁之敬思子聞而嘆曰善矣夫邵氏之名其亭也二壟者先世遺體之所托望其連岡觀其峯隧風樹寒泉之思自不期然而然者嗚呼人孰無是心哉而世之人乃有厚于奉養而薄于坟墓者吾不知其何心其或過于華侈觀世示富而心寔不在其先人者亦

豈足為孝哉邵君于先塋為之室廬嚴其守護勤其展省奉祠之禮歲時不怠揭敬思之名于亭因名以表其心余知邵君之能孝也

府學訓導胡存道墓在府學明倫堂後

處士顧友實墓在陶蕩浜 墓碣陸深書

處士殷澄墓在華亭胥浦鄉 澄號殷佛子卒年七十七子四人曰實曰厚曰誠曰謹孫

男五尚質尚節尚白尚功尚賢曾孫八

處士邵天驥墓在璜溪同安村 楊維禎碑銘

義士呂良佐墓在瀝瀆之北原 楊維禎銘

周之翰墓在神山西 邵亨貞銘

姚氏墓在佘山之陰 姚本汴人徙于杭至有元海鹽學諭

子碩字實甫于延祐甲寅春抵越訪得曾祖承宣公諱日起葬所并祖保義公諱銘之幣函由是悉遷佘山之

陰元統初考妣沒遂耐藏云

鎮守松江萬戶府李將軍墓在西林塔院之左 祠涇李氏之始

明華亭縣儒學教諭曹宗儒墓在集賢鄉橫雲原 陶宗儀銘生

不必究厥施死不必膠厥居運化莫詰式還其初橫雲之岡有鬱者坟吁嗟乎先生豈止於斯也邪而善慶貽於後

國子司業孫作墓在漢成里平巷村

孝子金子安墓在會仙浦西

松江府學訓導邵亨貞墓在佘山 邵氏世墓在柳濱至亨貞遷此歿因葬焉

戶部侍郎贈太子太保僖敏公王鍾墓在佘山洪熙元年

賜葬

鄜州同知李整墓在余山之陰 子禮部尙書知興化府

至剛孫陝西參政源曾孫汀州知府桓並附至剛墓廬陵楊士奇

表源墓碑南

陽李賢撰

靜鑑張麒墓在余山西北陳璧銘

解州判官陳璧墓在余山西北

苦節先生沈易墓在薛山西麓苦節先生墓表 沈氏世家華亭先大父諱德輝號

竹庭嘗為郡史申理冤滯鄉人德之稱長者是生我先人諱易少受經于鄉先生舉道源教學者務力行而本於忠孝先人感激奮勵稍出仕為祿養計會張士誠據浙右省屬有史文炳者義圖匡復事未成而遇害先人嘗預其謀欲為史報讐遂北奔中原以策干擴廓帖木兒于軍中甚見獎重從定額高還表為諮議參軍已而

視元政日乖慨然去之是時張寇勢盛不可歸往來河洛間有權以制先生廬陵碩儒教授於衛先人往從卒業作心法二箴以貽先人益刻苦自勵客淇六年中心未嘗不在親側衣食不求溫飽隆冬祈寒單席木榻或謂何自苦若是輒潛然曰親在不獲奉養朝夕而敢求自安邪國朝既平士誠始歸養家貧甚滌澹旨甘極力承歡而恒蔬食自甘號蔬食野人翰林學士詹公同奉詔求賢至郡郡首以先人為言公自手書專使詣先人先人謝曰僕匹國之賤也將焉用之且父母皆老方資不肖以畢餘年惟仁人終憐之乃已後縣數奉詔舉孝廉舉秀才皆引疾辭村門二十餘年衣冠危坐終日弗懈為文章根柢六經實而不華善獎迪後學講下生如龔氏子始七歲奮欲求父屍于千里之外姚氏張氏子皆十二三能伸其父冤于官經先人之教者後多致通顯春秋六十以洪武癸酉終鄉先生錢慶餘顏近仁任季倫張孟經相與言曰沈君明性命之微秉忠孝之誠教清苦之行勵堅貞之操翹翹乎流俗之表而不為一毫死生利害之私計豈非特立不羣者哉遂私謚為苦節先生先妣顧氏元淄州尉思忠先生之子令德賢範表于族姻前先人卒孤兄弟二人長度次粲先人沒將

十年兄弟前後被召度自翰林典籍三遷今為侍講學士粲自中書舍人再遷今為翰林侍讀並明禁近日承寵遇之隆實我先考妣茂德深仁毓慶垂祚之所致矣嗚呼凡我後之人尚永念哉永樂二十一年男度表

子翰林院學士度大理寺少卿粲孫禮部員外藻附世

孫鳳毛墓在其東 度墓廬陵楊士奇表 粲墓錢溥銘

戶部員外張賓賜墓在鳳凰山 楊士奇銘

養素先生任繼祖墓在盤龍塘之馬駝巷 墓志略并銘 先生諱繼祖字

季倫養素其別號先世四明奉化人曾大父松鄉先生元安定書院山長與趙文敏袁文清同時聲譽恒相頡頏大父子良仕元為兩浙鹽運司照磨始徙于松父伯威妣孫氏初伯威蚤卒乏嗣先生實松鄉先生之從曾孫有曰漁鄉先生之曾孫菊莊長興州學正之子承擇為後是為松鄉先生之嫡曾孫平居喜讀書篤于踐履家庭肅然訓飭諸子不懈其正雜子勉由進士散歷中外累官叅政或有于先生語及賢能者先生略不為意

益貽書戒之晚年幅巾杖藜自適其適嘗語人曰士之為士無間窮達當審進退不可同流合汚以為通不可矯時干譽以為高循其分守其道惟日孜孜斃則斯已觀此言亦可知先生矣配沈氏提舉竹庭沈公女子男三勉勗勤女一適方聃孫男八肅哲聰弘穆雍廣衍女七元統丙子生大明永樂庚子卒嗚呼先生之行已幾古人為先生之可自政者全其天也先生之處則猶今人在先生之不可必者安其命也故或者以先生之抱負僅止于矜式鄉邦而止為惜抑不知先生雖歿而有不歿者存法宜銘銘曰玉不琢全其璞人之真肆乃鑿繫先生混天戈養之素克踐形逝不逝肅仰企高風存儀百世魏新阡馬駝原勒銘詩示弗諼 蕭山魏驥謨

子福建參政勉之曾孫長史順附 勉之墓錢溥銘 順墓顧清銘

秦裕伯墓在淡井廟北

戶部侍郎顧或墓在寧慶寺傍

孝子顧文敏墓在上海縣西門內圓明菴傍

上海縣知縣杜鎰墓在縣西今名杜家灣鎰在任十八年卒遂葬此

安遠知縣李寬墓在洞涇磚橋周家浜南昌胡儼志銘

鄉貢進士李萱墓在府城北荷祥涇任勉之志銘

懷遠將軍署都指揮僉事侯端墓在秦山之麓郁文博表

朱祐之墓在佘山東麓朱氏佘山先塋記 華亭朱氏以仕族稱其先七世祖素郡陽人仕

元松江府推官其子祐之字元祐占籍華亭配楊氏贈

宜人合葬于佘山東麓其後族繁各顧其所親之墓而

余墓遂荒堙公有曾孫宓贅居泗水里生三子仲子曰

順字季暉號南溪有四子曰承順承益承緒承祜南溪

公及既飭其墓廬乃念余墓不可攷順嘗語諸弟曰予

數夢崇墓有樹碑林木者一老人指顧予了了而弗能

詳豈其奈墓邪益於是簡先代遺文得錢學士志乃相

與之奈訪之繆老者繆指山間羅漢松曰此蒼然者故

神奇不可伐其下自來稱南門朱家墓今屬之李秀才

中孚諸君是訪中孚所由云朱故祖母族藏有先世

質券蓋自成化丁酉至是六十有七年矣乃遂償其質

而率宗人修復之既薙其荒莽辨其區界即封以吉壤

樹以叢木引級為階構楹為堂庖寢斯嚴垣墉畢具百

有餘年之墓一旦維新諸君孝思深切誠不多見而宰

木自知罔其先世神靈所護以待諸今日者也順

御史袁凱墓在東門外賢游涇萬曆三十一年知府許維新立碣

附明諸生薛正平上許郡侯請立墓碣議

按袁公凱為御史所著詩當皇明艸昧洗宋元之陋復覩大雅既

北地信陽皆推其為國初詩人冠公墓在東郭外顧文

信猶佚諸志迄今未三百年墓柏摧為薪已尋片石於

荆藁中而不可得也今幸天下太平故父老猶能言海

叟墓數十年後或遷徙物故將與纍纍者共化為牧豎

往來之地而又安知其為公墓哉昔孺子之墓至吳嘉

禾中太守徐熙謝景相與樹碑種樹而墓得以久延意

其事亦循吏之不可廢者也父老私言愚生曰今太守

文而循必勒石吾袁公墓倘更亭其傍使好古者歲時

以濁酒吊之庶風雅不至委諸蔓州也

太醫院使徐樞墓在干山之西 子院判彪世孫太學生

益孫祔 樞有御賜宮人陳氏內 監袁亨陳福并葬墓側

錢塘知縣葉宗行墓在莘庄春申橋之南

禮部主事俞允墓在佘山騎龍堰 南昌胡儼銘

山西布政使孫豫墓在下橫涇報德懋院後

四川布政使王公亮墓在柘林堡 陳詢志銘

兵部主事陸友仁墓在白沙村

封御史張能墓在府治東二里洞涇河西 子河南按察

司副使祚祔 淳安商輅銘

國子祭酒陳詢墓在瑤涇 顧清銘 子順德通判軌祔

順天府丞朱孔易墓在佘山正德十年賜葬 安福李時勉銘

翰林院編修楊珙墓在干山 與三高士墓相近 蕭山魏驥銘

贈左軍都督府左都督追封宣城伯衛炳墓在府城內北

禪寺右 神道碑南 湯李賢撰

太常寺卿夏衡墓在四十保彭家庄成化四年賜葬 南陽李賢

表

翰林院編修周輿墓在佘山 孫承恩志銘 子刑部郎中佩祔

淮府紀善贈太子太保刑部尚書張璠墓在城南龜蛇廟

側成化七年賜葬 神道碑安 成彭時撰

汀州府學教授王端墓在城東鹽鐵塘西呂港 淳安門人 商輅志 冢墓

南京吏部尚書贈太子少保文通公錢溥墓在佘山弘治

二年賜葬 東海徐溥銘

四川按察使錢博墓在佘山 夏時正銘

南安知府張弼墓在鳳凰山 黃巖謝鐸銘 子廣西副使弘宜戶

科都給事中弘至孫建陽知縣其協光祿寺署丞其棕

曾孫封修謨德璨俱祔 弘宜墓餘姚王華銘 弘至墓吉木鄒守益銘

順天府尹吳玘墓在府東六磊塘弘治二年賜葬 仲子

棗強知縣鳳鳴祔

山東右布政使夏寅墓在白龍潭北

南京兵部尚書贈太子太保莊懿公張瑩墓在盤龍塘 長沙

李子東 陽銘

都察院右副都御史唐瑜墓在上海周涇之北弘治九年

賜墓 長沙李東陽銘

都察院右都御史唐珣墓在府城北荷祥涇弘治九年賜

葬 洛陽劉健銘

工部侍郎談倫墓在上海縣之鶴坡里 吳縣王鏊銘

江西左布政使葉萱墓在四十三保尤墩南賢村 張悅表

奉議大夫雲南僉事曹鶴墓在四十一保傅家浜 曹時孫中表

兵部武選司主事嗣榮祔 徐獻忠銘

大理寺卿朱奎墓在佘山弘治十年賜葬 神道碑三山林瀚撰

大理寺卿王霽墓在上海陸家浜南弘治十年賜葬洛陽劉健

南京兵部尚書贈太子太保莊簡公張悅墓在盤龍塘十

字廟南弘治十六年賜葬曹時中銘

翰林院修撰錢福墓在府東三里華陽橋太原喬宇銘

浙江按察司副使致仕曹時中墓在薛山莆田林俊表

貞靖處士李年墓在洞涇 子訓導希賢第封刑部主事

寅寅子雲南按察使希顏並附希顏墓顧清銘

漢陽知縣百歲翁周泰墓在二十五保楊涇橋南

三御史墓在北門外五里

附明周紹節請封三御史墓啓 郡治北沿通波塘而往廢塚累累其最可傷者有三御史墓焉五里橋之側曰明監察御史何公配室恭止孺人之墓封樹已無孺子遺壙後為耕鋤者剝蝕矣大灣之傍曰明監察御史唐公配室孺人王氏之墓唐公封藏未改孺人壙磚盡圯不久化為平壤于其左又得明監察御史某氏之墓惜無姓字可記二墓俱有碣石已斷倒于墓傍節親歷其地于荆榛中摸索三碑又訪問里中人云俱屬廢絕歸而考郡乘凡華亭之為御史者若干人何公有諱溥者由正統丁卯鄉科唐公有諱哲者由永樂乙未進士廢墓之或出兩公無疑也故敢通告仁人長者為封樹之萬曆壬寅具啓癸卯林有麟等捐貲封識今復就圯是所望于後之君子

江西叅議蔣性中墓在鸞湖

湖廣叅議張萱墓在高昌鄉曹湖涇孫承恩銘長洲王寵書

臨安知府蔣霆墓在洋涇陸深銘

湖廣叅議張毅墓在縣北 顧清 銘

廣南知府致仕顧英墓在上海縣郁家宅東 陸深 銘 長洲 祝允明 書

沈怡素墓在五十堡二區 以匠籍徙宛平 曾孫弘道重修

南京禮部尚書文僖公顧清墓在塘橋嘉靖九年賜葬 承孫

恩 銘

南安府學訓導姚鵬墓在三十七堡呂蕩廟 顧清 銘 世孫蒙

附

義烏訓導封長沙府知府李霆墓在呂岡涇 徐階 銘

江西副使過璘墓在蟠龍塘 顧清 志 銘

御史孟陽墓在華亭鄉 錢溥 銘

朝列大夫紹興府同知陶永淳墓在彭家庄 信陽何景 明志 銘

禮部郎中唐禎墓在金滙塘 鉛山費 宏志 銘

禮部郎中孟羽正墓在朱方橋 仲子養大附

詹事府詹事文裕公陸深墓在黃浦東嘉靖二十三年賜

葬

禮部左侍郎贈工部尚書張電墓在淡井里嘉靖三十五

年賜葬

贈徵仕郎中書舍人包志墓在十一保漕涇西

順寧府通判顧承慶墓在濯錦港 聶慎行 銘 家祠丙舍僧 守曹勳題 額 承嗣禪居

江西叅議儲昱墓在三林莊 唐錦 志 銘

福州知府朱豹墓在斜橋西南 子太學生察卿祔

太子少保禮部尚書文簡公孫承恩墓在蟠龍塘嘉靖四

十二年賜葬 徐階志銘

贈少師大學士徐黼墓在景家堰西 會稽董玘志銘

四川布政使沈恩墓在長涇

江西巡撫都察院右副都御史胡岳墓 徐階志銘

江西副使唐錦墓在周涇 崑山朱希周銘

四川叅政戴邦正墓在望海塘 朱大韶志銘

湖廣副使張鳴鳳墓在龍華

光祿寺少卿顧從禮墓在上海赤日港北 太倉王世貞銘

南京工部郎中宋臣墓在滄涇 王良佐銘

貴州巡撫都察院右僉都御史張鶚翼墓

封南京工部侍郎董體仁墓在望海塘萬曆二年賜祭葬

南京禮部侍郎董傳策墓在新河 徐階銘

磁州學正張瑞墓在沙岡口 子紀善兆達祔

都察院左都御史恭定公潘恩墓在陳涇萬曆十一年賜

葬 長子湖廣提學副使允哲祔

四川布政司右布政潘允端墓 申時行志銘

通議大夫南京刑部右侍郎徐陟墓在四十一保鶴塘涇

萬曆十二年賜葬 莫如忠銘

封文林郎濟南府推官李正墓在盤龍塘 子御史人龍

鴻臚寺序班人麟附

御史包孝墓在車墩 沈愷志銘

南京工部郎龔情墓在語兒涇 陸樹聲志銘

大理寺丞馮恩墓在古浦塘 徐階志銘 子通判旌表孝子行可

附 陸樹聲銘

臨江府推官俞琳墓在莘庄廟涇之南

貴州叅政沈霽墓在洞涇新浜 吳稷銘

翰林院孔目何良俊墓

禮部主客司郎中何良傳墓在南沙岡海月菴西

浙江叅政顧中孚墓在金家灣 張仲謙志銘

御史徐宗魯墓在秀野橋 沈愷志銘

兵部郎中王杲墓在通波塘 擴志略 王君景昭鉞同年友也君任兵部正郎以正德

九年甲戌卒于官享年四十有七配徐氏無子踰十一年鉞來知府事懼君之後嗣弗傳乃為命工營墓以襄事既又立壙以志其槩庶幾來世有考云 松江府知府臨川吳鉞撰

太僕寺卿沈愷墓在北城濠上 徐階銘 從子太學生紹文附

京山李 繼禎銘

恩恩府知府錢師周墓在橫雲山之陰

尚寶司司丞董子儀墓在南俞塘 孫承恩志銘

禮科右給事中張承憲墓在天馬山東南之平原 徐階志銘

給事中贈光祿寺少卿楊允繩墓在葉謝河西

封工部郎中周雲鵠子提學副使思兼墓在蔡成涇

雙阡表

汝南周氏有世德始於西隱處士而顯於叔夜蓋四傳矣自西隱而下曰縣簿一山曰封公竹窓同一丘為東阡而阡之西不數武則叔夜葬焉為西阡所謂周氏雙阡也阡久漸圯叔夜之子紹元紹節拮据以葺徵余文表之夫叔夜吾良友也仕而效績于朝歸而為德于里及其歿而祀于社蓋四十年如一日矣余雖髦然猶記叔夜往時嘗歷道其先世種德至今猶耿耿焉按周之先自處士彥高公正一生橋亭公昺遂著名華亭之蔭巷里以其卜居於灣人稱曰灣周橋亭公有五丈夫子季西隱公最賢贅於岳一山岳出也子竹窓公言貌不苟動中矩度沈太僕志曰郡之篤行長者古之隱君子也予嘗謂叔夜信賢然非先世積德累仁以發其祥曷克臻此哉且也元節兄弟能讀其父書而諸生皆英爽千里駒足世其業周氏之澤未艾也

陸樹聲撰

思兼子高士紹元紹節耐葬西阡

太子太保禮部尚書文定公陸樹聲墓在北城濠之北萬

曆三十三年賜葬 子南京刑部右侍郎彥章耐

詹事府主簿顧九錫墓在龍萃姚涇

子晉耐 秀水黃洪憲表

通政使司右通政趙灼墓在五里橋

徐階志銘

雲南副使楊道亨墓在修竹鄉

太倉王世貞銘

學訓朱珙墓在柘林新城外

附明徐獻忠改葬助義碑記

嘉靖庚申春三月耆儒

吳東林怡具疏請于眾曰怡萃亭柘林鎮人也里中有先輩質菴朱公珙字良器成化間以貢任嘉魚江山兩

縣學訓致仕歸有司舉鄉飲者數年卒與妻張合葬鎮

之橫涇南已六十年餘矣其父昱號南隱嘗以小學教授里中鄉稱為好人其弟瑛字良用號為益菴亦善士

也其妻某亦合葬一穴往歲巡按侍御尚公柘林築城

適墓瀕城濠疏鑿相妨一時發掘暴露其家子孫貧弱

不能掩藏五棺纍然道傍見者傷之怡實為里中後進不忍生令委棄溝壑思欲別為改葬其費頗鉅怡亦寇後無家不能獨舉敢仰郡中賢豪長者共成義舉於是何君良佐良傅玄之里人也馮君恩揚君子亨徐君陟邑人也各捐貲倡義郡中起而和者總若干人營治葬事實菴暨弟與二配改葬鎮之西北半里許竹園東南隱公別葬上橫涇祖塋側俱在新城之外買石勒碑屬余記其事

河南叅政姚體信墓在五保

湖廣副使龔愷墓在禦溪之東

陸樹聲志銘

福建僉事金定墓在北俞塘

臨江府同知贈都察院僉都御史楊樞墓在任淇浜

徐階銘

子湖廣巡撫豫孫附

浙江按察司經歷張之象墓在望湖涇

莫如忠銘

子雲門孫齊

顏曾孫寶臣藎臣俱附

吏科給事中夏時正墓在古浦塘

陸樹聲志銘

恩州知府蔡懋昭墓在周浦塘

應天府推官贈兩浙運使陸應寅墓在城北二里涇 子

贈廣東按察司副使從遠附

禮部主事陸從大墓在淞塘

兩浙運使陸從平墓在蟠龍塘

陸從高墓在莘莊

江西右叅政陸萬鍾墓在禮塔滙東錢村

陸萬言墓在廬山北

贈福建左布政張宗義墓在城南黃耳祠後

贈福建左布政張士毅墓在城北二里涇

南京太常寺卿張明正墓在泖港吳涇 太倉王錫爵銘

南京兵部郎中張明化墓在尤墩里 威寧門人趙邦柱銘

浙江布政使莫如忠墓在御史涇

貞靜先生陳仲山墓在官紹塘 錫山顧憲成銘子善終身廬焉

封兵部郎中俞明時墓在浦口小橫潦涇

山東僉事俞汝為墓在上海龍華寺之西 長洲文震孟銘

鄭州學正魏應元墓在

刑部江西司主事徐三重墓在三保

邵武府知府彭應麟墓在浦南龍溪 徐階銘

唐府長史袁福徵墓在佘山之陰

都察院右僉都御史陸樹德墓在秀州塘 太倉王世貞銘

都事唐濱墓在前福浜

贈左庶子唐敷錫墓在八保金家灣

禮部侍郎贈尚書文恪公唐文獻墓在二里涇龍興橋北

萬曆三十三年賜葬 太倉王錫爵銘

陝西叅議王圻墓在三十保

中憲大夫漳州知府曹銑墓在干溪張涇東 莫如忠銘 子太學

沅荊州府通判蕃附

南京兵部侍郎蔡汝賢墓在望湖涇萬曆
年賜葬唐文

獻

南京太僕寺卿林景暘墓在柳涇西長洲中時行志銘

雲南叅政宋堯武墓在巨漕東陸樹聲銘

贈中大夫大理寺少卿宋堯俞墓在瑞涇馮時可銘子懋澄附

封南京工部尙書杜宗翹墓在白廟港西陸彥章銘

湖廣布政使司右叅政李伯春墓在浦南竹岡東陸樹聲銘

福建叅政侯堯封墓在上海圓沙涇 子孔詔孫吏科給

事中震陽附孔詔墓長洲文震孟銘

南京通政司使許樂善墓在呂岡涇董其昌銘

邵武府知府彭應麟墓在浦南龍溪徐階銘

唐府長史袁福徵墓在佘山之陰太倉王世貞銘

都察院右僉都御史陸樹德墓在秀州塘太倉王世貞銘

都事唐濱墓在前福浜

贈左庶子唐敷錫墓在八保金家灣

禮部侍郎贈尙書文恪公唐文獻墓在二里涇龍興橋北

萬曆三十三年賜葬太倉王錫爵銘

陝西叅議王圻墓在三十保

中憲大夫漳州知府曹銑墓在干溪張涇東莫如忠銘子太學

沅荊州府通判蕃附

公工府志 卷之二十一 墓

南京兵部侍郎蔡汝賢墓在望湖涇萬曆年賜葬唐文

獻

南京太僕寺卿林景暘墓在泖涇西長洲中時行志銘

雲南叅政宋堯武墓在巨漕東陸樹聲銘

贈中大夫大理寺少卿宋堯俞墓在瑤涇馮時可銘子懋澄附

封南京工部尙書杜宗翹墓在白廟港西陸彥章銘

湖廣布政使司右叅政李伯春墓在浦南竹岡東陸樹聲銘

福建叅政侯堯封墓在上海圓沙涇子孔詔孫吏科給

事中震陽附孔詔墓長洲文震孟而銘

南京通政司使許樂善墓在呂岡涇董其昌銘

高士陸郊墓在孔宅西子應陽附長洲申用懋志銘

河南布政司都事包林芳墓在漕涇西即父御史第有雲間雙鳳坊

河南按察司副使王明時墓在八保二區十一畝孫工

部都水司員外郎鍾彥附

常山知縣唐之屏墓在余山東麓昭慶寺之西烏程沈淮志銘

太常寺卿贈太子太傅左都督徐元春墓在白洋灘

工部虞衡司主事章憲文墓在五保胥浦鄉

蓬萊知縣贈文淵閣大學士錢大復墓在斜塘

漢陽知府孫克弘墓在秀林山

紹興府推官何三畏墓在鳳凰山之陽董其昌銘

南京太僕寺少卿陳所蘊墓在高高昌里董其昌銘

南京吏部考功主事陸彥禎墓在廣富林八曲港

諭德楊繼禮墓在四十一保二十三畝橫潦涇

山東右布政張所望墓在龍慈開化門人汪慶百志銘

右諭德張以誠墓在朱橋鎮東南

編修高承祚墓在三十九保七畝秀木馮夢禎銘

贈禮部侍郎張煦墓在龜蛇廟南

封奉政大夫大理寺左寺丞李益亨墓在郡東八保白米

墩張爾志銘

建寧府知府王善繼墓在金家灣陸彥章銘

贈太子太保大學士徐緒墓在上海縣肇家浜南

贈太子太保大學士徐思誠墓在陸家浜北

太保禮部尚書文淵閣大學士支定公徐光啓墓在二十

八保徐家灣崇禎七年賜葬

文部文選司員外贈太常寺卿夏嘉遇墓在八保二區十

三畝崇禎元年賜葬

刑部左侍郎錢士貴墓在浦市小埭石橋海螺港內

贈承德郎江西袁州府通判謝吉水鄒元標銘

贈中書舍人姜思學墓在大樞寮溼北

封雲南道御史董嘉相墓在王語北滙上

浙江右布政使張爾嘉墓在余山

贈奉直大夫孝子張以訥墓在廿七保似隱

徵君陳繼儒墓在東余山

有道張大綸墓在洞涇之新涇錫山馬世奇銘

封御史馬懋韜墓在三十九保

工部屯田司主事陳所聞墓在廣富林

上杭知縣贈太僕寺少卿陳正中墓在

深州知州贈太僕寺少卿孫十一美墓在

福建按察使杜喬林墓在壓薦溪

大學士前松江府知府方岳青墓在五保掘撻涇

處士馮大咸墓在黃耳祠東

處士董傳紀墓在東余山張爾嘉銘

處士喬士琰墓自撰方塚生志

上海縣尹劉輝母孔夫人墓在干山

明旌表節婦姚氏墓在鳳凰山舉人張德瑜妻

張烈婦陳氏墓在天馬山之陽墓碣董其昌書

楊烈女墓在澱山寺側華亭知縣鄭友玄立傳

葬外郡墓

太師大學士文貞公徐階墓在湖州長興縣東山嘉會區

之原萬曆十二年賜葬

監察御史贈光祿寺少卿包節墓在杭州五雲山徐階

太僕寺卿范惟一墓在蘇州天平山

光祿寺少卿范惟丕墓在蘇州天平山

奉化知縣徐獻忠墓在湖州九霞山

贈南京禮部尚書董漢儒墓在蘇州漁洋山

太子太傅禮部尚書文敏公董其昌墓在蘇州陽山崇禎

十年賜葬今遷附贈公墓

南京太僕寺卿吳炯墓在湖州烏程棲賢莊之右羅山之

麓董其昌銘

瑞昌知縣蔡紹襄墓在南京方山

廣叅政馮時可墓在蘇州府長洲縣婁門外文震孟銘

古墓存疑

孔子衣冠墓在郡北六十里海隅鄉慧日院側詳見孔宅先是墓地

世從雷氏輸糧後買郡侯待問為免地稅遂屬公占

漢濮陽王墓在小蒸西四里詳見小蒸鎮

漢潁川太守陸閔墓在華亭西北四十里見姑蘇志雲間舊志稱潁川太

守宏按宏績長子閔乃宏八世祖顧志改稱南部都尉聞之先輩云職銜不誤乃閔宏音同而誤也 陳志

吳平原內史陸機墓陸廣徵吳地記云華亭地名雲間水各谷水有陸遜陸瑁陸機墓俱在西

北二十五里橫山中又青浦縣治北三十里有高丘舊呼陸丞相墓嘉靖間土人時見墓上有一金蛇後盜發

其冢得金簡一狹而長陸初以白金篋首而葬墓中古器甚多後聞于官悉治命封其塋地意士衡遇害于洛

還葬雲間

陳志

太常劉陽侯潘濬墓郡西北二十里

按吳志濬字承明武陵漢壽人孫權拜為

輔軍中郎將遷奮威將軍封

劉陽侯遷太常赤烏二年薨

笮融墓郡東北四十里

今北亭鄉有笮墓涇涇傍有高隴按吳志融丹陽人徐州牧陶謙使

督廣陵運漕曹操攻謙徐土蕭條融將男女百口走廣陵而不言其終且與潘皆別郡人不知何自葬此

志

大將軍宛陵侯諸葛瑾墓在十五保場石橋西

天啓壬戌鄉民陳廷

宇樵于蒿棘之地以所擔杖插于地之隙處隨下入是然有聲拾之不可得掘而下瞰黑宰茫茫燭以火中多窈曠遂發視有碑碣知為諸葛瑾墓鄉民急碎之始末無從攷按史傳瑾之卒應在公安未知何以葬松郡

晉左將軍袁崧墓在上海長人鄉

按山松築滬瀆壘禦孫恩為賊所害麾下上李

祥突白刃收骸歸葬陸廣微吳地記云在橫山二里當是蘇州之橫山也

唐蔡侍郎墓在柘林方廣寺側

按方廣寺記云侍郎捨宅為寺寺有石幢題云唐咸

通六年蔡贊造去父母塋九十步去壽塋一十六步三代皆當世文儒貞元唐德宗也咸通懿宗也貞元已有蔡侍郎祠不應咸通始為壽塋意侍郎之子孫乎

顏氏墓在小蒸有古井皆顏魯公石刻梅樹一株蓋數百

一年物也

黃池縣令朱氏墓在孔宅西南天寶間葬

宋錢文惠公良臣墓在靜安寺東

舊傳盤龍塘普門寺側一古塚為錢叅政墓後

為里人張雕盜發有志石乃叅政妹諱惠淨封孺人生一男五女破棺無穢氣顏色如生冠服亦不朽腐

衛文節公涇墓

舊傳玉屏山之麓有衛狀元墓按崑山志云墓在縣東南石浦鎮又按福堂記云葬

湖州之歸安與葉文莊衛族攻合蓋歸安亦有一玉屏山也

都官陳舜俞墓在白牛村

按舜俞常棄官居秀州之白牛村已而復出貶死湖志又云墓

在蘇灣

錢王墓在坐化菴西

初有一古塚傍水長松五六株相傳為錢鏐王墓也按錢武肅王菽葬于

安國縣錦衣鄉茅山之原今臨安是也此必錢氏子孫居華亭者誤以為王墓耳

曹王墳在小蒸其港即以曹墳名

丘府君墓在昌唐鄉今名仙山

元都水監護軍豫章桓敏公羅壁墓

顧志云在華亭按程鉅夫神道碑壁字仲

玉以明威將軍管軍總管鎮金山居四年海盜屏迹徙上海督造海艘舟月而畢明年朝廷議轉江南之粟以實京師丁其事行省侯獨以海道便部漕舟率先道海自楊村入不數十日至京師賜金虎符進懷遠大將軍

管軍萬戶兼管海道運糧至大元年治水邳徐間訖功求免益堅復命與河南省何平章修兩淮屯田二年秋得疾還至維揚曰余始將死矣趨鎮江以九月十日薨葬丹徒縣長樂鄉太山之原

天放老臣吳公墓在干山三高墓前時代無攷

何執中墓在四十一保

濮陽王墓前顏氏居後有一古井其泉甘美故號甘泉中有執中墨

刻遺迹故相傳以為即執中墓

三女岡在華亭縣東南八十里

詳見古蹟

隰州司倉支令問妻曹夫人墓在顧亭林南烽樓之側見

法雲寺記

燕胄妻朱氏墓在華亭舊城西一里修竹鄉咸通八年葬

宋于酒務得碑詳見古城下

以上俱陳志

五代丞相潘葛妻李夫人墓在郡南四十里潘店北杏涇

之左有華表石柱石獸石碑碑

宋林妃墓舊傳駱駝墩為宋理宗林妃葬此即今青浦新江鄉

朱氏二夫人墓在莘庄南土人稱為小娘墳者被盜開壙見大鐵索懸一柩得銅鏡金玉

有石供臺金鑪餅盒皆金錯成

故墓碣題朱氏二夫人之墓

義塚附

夏君義塚在華亭胥浦里人夏尚忠捨地楊維禎記不得埋曰棄不

得其屍曰捐衣以周身棺以周木檟以周棺土以周檟禮也自陀林茶毗之教行始有畔中古之禮而忍棄其親者人心之陷溺也久矣吁可憫哉松之民類不以禮葬其親者人謂無丘陵之地則有付之水火亦勢使之然也仲尼觀延陵季子葬其子其坎深不至于泉松之為葬也獨無土可坎乎此華亭夏君尚忠義冢之所以作也得不得不食之地于胥涇之東周垣一里所為之封域名義冢使藏無地者歸焉什伍其曹各樹其識使其子孫異日有展享之托又規地一隅為精舍俾浮屠者主之以掌其籍其有貧不克葬者又出資力以助之於乎君之用心亦仁矣吾聞君之先人清潤處士嘗憫人積喪不入土者捐金粟至于斛緡弗計義冢之舉其又不為善繼先志者乎余固樂書其事而况君重有請也于是乎書君郡之義門敦武公孫字士文承直郎鎮江路府判官棄而歸隱益讀書習禮文事又勸立夏黃書院以祔享其外祖橋隱公其好古崇禮類此

義山在澱湖濱封華亭縣男謝德嘉壘土為之以葬邑之

寓公人以此名

謝伯理同知義山

元王逢詩一范公有義田謝倅有義山溪清土沃厚什伍其冢橫雲間分畛域共神道金銀無氣應長好松根月冷鬼燈花松上風吹女蘿艸禁烟時節爭祭掃多是遭兵去鄉保散牲一任野鴉銜焚白還將心事禱舊

竟既安忻往回新骨未掩母悲哀子孫繩繩世種德盡買九峰為夜臺

南壇義塚在二十七保第六亩絕戶關玉地并費萬戶投沒無糧田通計六畝八分

嘉靖元年知縣鄭洛書置萬曆三年顧少卿役禮復買張氏地一畝七分

西林懺院基義塚在二十五保第四亩地二十九畝三分六厘

錢家巷義塚在二十五保十三亩絕戶曹辛田蕩實計三十二畝二分六厘

法華巷基義塚在二十五保第六亩絕戶胡保安海遺田二十三畝四分七厘

青浦縣義塚在西門外廣孝所在府南門外錢上貴買地

各區置義塚俗尚火化崇禎二年郡守方岳貢同邑令鄭友玄每區設立義塚一所以便瘞埋石定界

朱家角義塚近明遠寺釐峰席端樊端攀買地

松江府志卷之二十五終

右江府志卷之二十六

寺觀上

緝宮琳館標奇名勝記載家往往

觀著於曩牒然盛衰興廢各有其

覽者可考悉焉

華亭縣叢林舊志稱叢林者皆法而名後隨復舊今屬

其次道院亦如之

南禪寺在府學東宋崇寧中張頭

世羅漢像邑人異之遂為施水

請額于朝紹興二十九年賜名

本江州志卷之二十一
大德元年中書馬左丞榜其門

樓雷音堂明為在城諸禪之冠

本朝仍之

元翰林學士闕後南山勝地紀
間事無非前定出世間人無不
後而言驗于數百年前得道者
典或廢若著蔡于前而符契于
前定者焉松江府南禪寺為在
于和尚過而合派曰此地形勢
其語至宋崇寧有頭陀張氏即
漢像十有六願異之夜以掩
普願而船子願來與願之言始
比廢歲在紹興得俊公而復興
年寺門終末光顯入元踰三十
住此山樽浮首滿僅僅完備每
別儒老二言頌頌半先寺欽也

居高比際不遠晚苦

之步橫定在鷲中比三加
入門不數步東南築小土山極
簡也兌水來其西與風避其南
蛇曲折漸入禪境見者生歡喜
有頌其門者大德中寶公輒以
中書右丞馬公以禱地乃道家
于此地最勝之言又驗夫地不
即面牆入印窺室門外曾不容
東舉日即見山門由門而入林
間才見有寺地雖勝因人而益
和尚距今四百餘年前後如此
知昔之願今之寶非船子身後
本朝周建鼎步南禪寺訪董文
輕陰散庭綠乍聞清磬疎已覺
音類深谷圓譚恣法侶靜討慰
可欽先型獲所淑渺矣傾遐心

積慶禪寺
本名坐化菴在府東
辛巳邑人陳源為慶

身在焉菴因以名明正統丁卯
今額其後福昭惠日惠義皆相

四十八願菴 元僧寶
燈山建

仁壽

北禪寺在府東北城內宋紹興間

馬嶠山淨居寺航海至青龍有

得古碑云大唐禪寺又得金銅

柳約請名淨居又名馬嶠寺元

建萬曆四十五年郡人錢龍錫倡

明陸樹聲題北禪雙樹詩 序云
地為居民侵蝕者半獨殿前雙樹

後官司取材議及焉余護存之他
余讀舊碑出雙樹下顧余曰是亦

清陰宛在實仗公再來緣願
以戒芻牧 歲遠香臺半劫灰

雙樹聞僧語此

日清陰是再來

本一禪院 妙明橋西北舊北道堂也元
至元末趙道淵為僧易今名

元楊維禎院記 吾嘗愛金僊氏之徒虛已而能讓去
爭而能羣人有善言行即遵信悅服若受業於其門者

無功總袒免之戚而相膠結若父子昆弟之慈順友愛
出於天性者無他亦本於能讓能羣之道而已厥後有

嫌忌之隙生鬪爭之敵立無異於市人之合而離者則
其教亦衰矣本一菴者宋乾道中邑人沈氏之所建也

歲久業廢至元間昌公月麓復其見侵之田撤去舊屋
而一新之又慮後之嗣者或相踰越也定為甲乙使主

菴事延祐昌寂其徒存禮懼已弗克肩事求其才且賢
者主焉時善應菴空林果公行業峻懋有聲叢林間禮

延置之推居已上事無鉅細悉歸焉果公度弟子曰淨
開淨譽善實等凡十人乃命開以師事已者視禮益相

親睦無間言吾所謂金僊之徒能讓能羣者不於茲見
耶四方參加之士聞果公之賢膝屨而至者踵相接也

顧舊屋福隘無以館學者由是拓易舊制乃中為殿立
大雄氏像其旁若僧堂籌室山門真武之殿燕居庖福

寺觀上

之屋靡不完具乃題曰本一院果寂開以次主帝謙讓不自任一事之微必譽實同夾焉又可謂始終能讓能羣者矣開之後譽繼之讓實實介予方外友天日首座明公徵文以記願末予來松值兵燹之後求梵刹于城內外不啻百餘區匪蕩為隼土則穿漏為四虛之亭獨本一者寔然於瓦礫場中椽瓦不動人以爲祖師願力所致而亦譽實之材幹山門柱石也予復喻其徒曰農之爲田也其始也墾治之播種之繼以耨芸之灌溉之則宜其田愈腴而愈大有成利之穫焉今昌之墾治播種亦勞矣果之薈芸灌溉又勤矣腴之大之而收秋穫之功後之人享有成利者宜思其所由來哉果字空林雲間人嘗參天目中峰本禪師機鋒相直遂超圓窟實字性空亦雲間人通內外典及世諦人稱蘭香云至正癸卯六月

附明陳繼儒院志序畧菴內有雙松堂堂之壁趙希遠所畫松也有梅影軒軒之壁吳仲圭所畫梅也有幻往山房中峰寓室也有得坐軒月公燕居也有古毫泉中峰棲弁山之黃沙坑漁者得雪溪片石來獻刻古毫字而入院鑿井井水沸發即題曰古毫泉也有伽藍祠也周宣靈王其神曾得禦紅巾者也有瓜裏佛織細布

髮唐李昭道製也有西洋簇錦被駙馬太尉潘王贈也有呂樟植自回先生挂瓢辟蚊處也有古錚古鍾古鼎宋板大藏經英宗皇帝賜本也其他不能臚記或燬於兵燹或攘於遊衲或散佚於本院住持者可勝嘆哉

青岳塔院

在二十八保元至元二年僧輝建今屬青縣

修學院

府西北至元間僧尚建

普照講寺在華亭縣治西唐乾元中僧慧旻建宋大中祥

符元年改今額寺有陸將軍祠世傳地本陸氏園亭因

以祠之嘉禾志又謂陸機捨宅爲寺舊志力辨其妄然

謂宅不在邑中而斷以寺非其地則恐未然寺之側近

多陸氏遺蹟如八角井黃耳冢舊志皆云在機宅傍而

復云云何也

相傳陸祠爲廣衛將軍是機之祖舊有石刻載吳越王祭獻文今爲寺伽藍神按吳

志機祖遜初拜撫軍將軍又拜鎮西將軍又拜上大將軍吳因漢制雖雜號將軍而考之遜傳未嘗有廣衛之號若機曾祖紆守城門校尉高祖駿九江都尉亦未嘗位至將軍也寺舊規弘偉元季燬

於兵僧道敏重建佛殿明宣德正統間住僧名爾大城居敬等相繼興復弘治六年都綱淨心宗璽暨能豫協力鼎新榜其門為祝聖道場

本朝每歲正旦冬至

聖節郡縣仍習儀於此內有海月堂萬曆二十九年錢道者募改為閣蜀僧太虛成之上奉大士旁祀海月東坡因名景蘇閣東有繡朶軒涵暉室西有香水海又有靜

觀堂

堂中奉白衣大士崇禎三年僧性敏修誦于此庭有古柏董文敏其昌題曰柏子菴詳見普

照寺續古錄

宋釋北磻居簡重建西方殿記 華亭普照其間莊嚴壯麗莫如無量壽殿殿之殊特莫如孟春之月會千萬人浙江以西邈然寡儔前榮軒豁入窻玲瓏佛與四眾咸得相見如明鏡中見其面像又若帝網交光相羅如擊其蒙如發其薊費倍萬計談笑而集真懿大師忠信崇教大師祖祥善巧誘倡徒屬各致其力作于嘉定九年正月落成於十二年之四月北磻不起于座而告之曰鄉也室隘而不見佛不見之見初不加損今無室隘而得見佛所見之見初不加益見見之時雖佛亦物見不能及非物非佛或曰佛固自若也吾見固自若也有見不見也何故則曰罔克在念狂聖由是即見離見室隘宏敞未始二焉

又北磻于僧堂記

堂容萬指盡於某年之寇亦既久矣遠人偉其名務先睹為快今也漠然人以其名在而

實亡乃與柳柳州鐵爐步志同崇教大師祖祥愧此缺典聚族而謀曰有志者勇有為樂施者不吝嗇吾僧於此逾四紀凡所興建根椽片瓦罔不與舍我事罔集且吾生平不妄受則辨禮義而不及私信稍孚將有以

相吾志誓鼎新以終老權輿於嘉定庚寅春仲輪奐于辛卯季秋越明年而崇教寂又明年嗣孫智淵能繼其志而復其舊成不愆期美不踰制惟壯惟固勿事侈靡窻牖洞啓牀榻衡直匪雕匪琢隨宜加飾華鯨吸月巨鏞橫撞鯨背在前屏顛苗霜旃檀無雜蒼荀有序本無位次如法而住十利五觀敢忘講明以福君親以保兆民謂吾素餐吾餐罔素

於昌明時密贊潛輔

元牟獻釋迦殿記 普照寺陸士衡別業也自孫氏歸晉兄弟入洛以文人膺事任震動當時倚伏相尋曾未瞬息已有華亭鶴唳之歎而其臺榭化為像設研席化為梵唄乃至今存何歟寺北坐九峰層巒疊嶂相為蔽虧陰陽家謂風氣藏聚可安于眾者也唐乾元時本號大明寺僧良慧嘗剃釋迦如來殿逮宋祥符間改賜今額凡二度重建淳祐戊申厄於祝融里人錢武翼首議興造其事未竟子大信繼之咸淳甲戌僧慧思與武翼舊念不可廢前人功亟勸率賄施以助殿始成眾請行超典殿畢塗墍而營像設於是慧辨賢慧悟秀以白鎮守沙侯欣然厚施久之而就萬瓦鴛浮重簷翬跋加以藻繪金碧交輝中設釋迦像若左若右分列八位備極

莊嚴而三世如來圓通大士應真羅漢諸天人之相亦次第而成至於琉璃無盡燈爪華諸供具莫不完好每歲州侯率其僚屬於此建道場申祝讚而禱木旱禳風災者亦皆至焉夫成之難則其傳之也必久是役也再見丁未甲子復周葢非一手足之力而超成其終超既寂其孫子聞來雪求文以記曰是故可以久傳而不廢也為之贊曰維昔普照王本自法身出光明攝方寸虛空常獨耀盡三千大千無量河沙界皆佛慧照中夫是之謂普眾生宿業重展轉墮迷誤願佛垂慈憫與除諸障礙譬如摩尼珠炯炯照濁水一作是念已業去障自空而我初不覺心目劃開朗稽首釋迦尊為我證明之至大戊甲三月既望 趙孟頫書

明黃翰重修寺記

松江為海內名區普照實雲間大

刊規模宏遠有足觀瞻皇明混一以來選為祝釐之所恭遇聖節必預習儀冠帶縉紳嵩呼於是僂屨提携觀禮於是其一其向善之心啓其尊君之意蓋甚重矣其地後時九峰右瀦三泖金山案其前滄海環其左陰陽者流謂其風氣藏聚可容千眾於佛為宜晉陸士衡首創別業未幾入洛臺榭化為像設抑其驗歟自後寺之興廢每係乎人宣德五年住持久缺日漸頽圯僧官仁默

菴啓東白髮形于色咨諸徒侶咸以前住持上海南廣
福講寺敬心淵為薦一聞其名莫不惟喜踴躍謂其必
有力量大振山門既至即慨然曰寂滅虛無固常如是
然而佛既有像像必有設使不庇風雨奚以像為吾果
成佛作祖也固不必像矣未至乎是寧能免乎矧夫三
教並有同沾帝力祝頌於此瞻仰於此使人皆知親上
之誠其有益於名教之大者不淺作而新之宜也由是
書積夜勤十有三載罄其衣鉢十方人士樂助相成若
大覺寶殿海月法堂山門廊廡繡朵軒涵輝室巍然煥
然鬱乎相向非寺之得其人乎得其人則所以為名區
之古刹也有託矣幸孰大焉落成之日大眾懽喜莫不
合什皈依嘆未曾有而作偈曰卓錫名山修持善行一
心如淵含弘止定大闡法門無窮無盡極力莊嚴有誠
有敬暮鼓晨鐘上祝仁聖億萬斯年永膺天命下願羣
生了明真性世世生悟慈善證心淵聞是偈已作禮
而退諸山耆舊請志諸石以告來者心淵諱居敬別號
蘭雪時正統
壬戌秋既望

善住教院 在普照寺內東北隅宋皇祐開僧常矩建晉
水淵法師開山內有懷晉軒蓮池瑞像機雲

故宅高閣層巒鶴灘
秋曉雲西雙松六景

大慈寺 府西南十里北
錢市元僧受建 永福菴 府南十八里
元僧福建

興聖教寺府東南穀市橋西五代漢乾祐二年邑人張司

空子仁捨宅建明頌蘊法師開山初名興國長壽宋祥

符中改今額地縱廣踰三十畝東有水陸池南有浮圖

四面九級有鐘樓高及浮圖之半廉級峻整他郡所無

鐘聲洪亮聞數十里元季寺燬而浮圖與樓獨存明洪

武三年知府林慶以其地三之二作城隍廟寺僧道安

原珍即廟南建懺堂附塔而居榜曰興聖塔院正統十

二年周文襄公忱巡撫至松憇此僧善昌募助重修萬

曆間僧大振斷臂修塔二十七年顧署丞正心復修鐘樓置田以贍司鐘者

本朝順治十七年同知劉作霖捐俸興葺鐘樓提督梁公化鳳施資修塔僧德聞明繇協力完工始得重新云

宋北磻居簡大悲閣記 具千手眼若兩目兩臂而不自多登地以前未易議運兩目兩臂若干手千眼而不自少等覺妙覺則多多益辦過此以往卽佛地無量聖身歷塵沙劫作所難作辦所難辦從聞思修入三摩地獲二殊勝始一目二目而千萬目乃至八萬四千羅羅目一臂二臂而千萬臂乃至八萬四千母陀羅臂目自鑒覺而不知鑒覺手自執捉而與執捉忘各安所安不相違礙手眼可盡其應無窮如風行空吹萬不同或不鳴條濤山撞春及其止也土囊孰封如月初上清酒萬水影分無數月豈有二及其入也銀闕圓閉如春在花如意在弦意今不傳春今不言空嗣小知樹酌聖量如囊流瑩擬熾燎原又如敲空欲諧金石不知人人圓

龍門寺 在集仙門內橋東宋僧如喜開山于黃土橋淳祐元年賜額元至正二十年遷于此中有聽雪

軒左有龍淵遇旱不竭片鄉貢舉子必於此設祖而寶興之元季蕩燬明永樂六年僧能勝重建元楊維禎聽雪軒詩 老夫聽雪龍門寺浙瀝霰鳴飄雪多龍噴雨花天作瑞象占雲葉氣生和月明蟬過銀沙岫風細魚沉玉海波萬籟一空天地老誰憐聲色老婆娑

崇福寺 在蕭塘鎮宋紹聖四年請額

元于文傳修寺記 華亭東南四十里曰蕭塘有寺曰崇福宋華嚴可師之所建也師姓衛氏諱從可族大而蕃往往以科舉登顯仕師獨求出世之道紹聖元年甲戌捐宅爲精舍越三年丙子其從大父參政經復以故第益之凡寺之制爲一方勝利越五十年兩凌風震日就頽圯元至治元年桑門友聞傾已貲倡以大義凡寺之者宿與夫鄉之好事者靡不樂助於是輪奐一新視昔有加焉工訖訖功將退處間寂衆請曰茲寺自紹聖迄今二百三十餘年未有文以紀其實其可不勒之堅珉以垂不朽乎聞乃諾而求記于觀友聞始蒞茲席則

以葺復為已任及功告成則浩然賦歸其志良可嘉已故為之述其事以記歲月云 按淇水流慶錄從可乃涇之從大父紹聖丙子至涇登第八十八年記必有誤涇之捨宅當在嘉定丙子時已為參政非紹聖也

西報德戲院 府南三十里 宋達講師建

慈濟菴 府東八十里 嘉定間僧林建

為善菴 府東北四十里 宋紹興間僧宣慧建

蓮花菴 府西三十里 元延祐間僧堅鐵舟建

東禪禪寺初桃花菴也宋時蜀僧性空憇其中紹興初僧

道因即其地開山六年賜額寶勝禪院後為寺以居府

東遂名東禪焉明洪武中陞為叢林隆慶元年僧天霞

建天王殿青蓮閣萬曆間僧碧空重建西方殿每歲有

司迎春於此駐節云

化成永壽寺 府南二十七里 其址古胥顧渚也 渚有六和神靈甚宋端平間僧妙智苦節清修並

渚架一室奉神顯靈于人凡禱祈者以所驗重輕發土實渚木幾渚隆然遂構精舍曰化成菴元泰定中賜

額府學教授張慶有記

普門院 在古際留倉東其初沼也 元至元十六年杭僧普蓮傍沼結廬食三白勵志清修漁于沼者日

挈塊土基之乃利由是基益大一日夢伽藍神曰諾且黑白二童來白者可度期而果然蓮與白者坐超坐于

几蓮默契曰此人高如我也 因留為徒名妙淵竟成勝利

喜見菴 府東北七里 元至順間喜菩薩建內有靜寄軒

寶雲寺在亭林鎮初名法雲在市西北唐大中十三年建

晉天福五年湖水壞寺始遷於今所其地即梁顧野王

故宅寺之初成有野王顯夢事因祠為伽藍神宋慶曆

六年重修治平中賜今額明洪武中重建天順

六年僧德津同里人吳宗徽

有記

元年獻重修寶雲寺記

顧亭林

用三十

五里湖南有顧亭林顧野王嘗居於

名具載

圖志可覆視也其地今為寶雲寺本號法雲在顧亭林

市西北唐時有大長者吳仁約楊師厚買地於此立毘

尼精舍使堅修二上士入京請院額遂賜額為法雲大

中十三年庚辰寺成猶未言顧公斷碑事天福五年以

水潦遷寺于南石晉開運元年十二月始畢工寺之徒

二人者何夢金紫一偉丈夫云是梁朝侍郎若有所屬

然明夕又同夢且告以斷碑處晨起尋舊寺基果見片

石水次引繩出之已殘缺僅有十四字曰寺南高基顧

野王曾於此修輿地志衆始駭愕乃即寺東偏立祠奉

之惟恪嗚呼顧公朝代隔絕死而不亡發於幽夢未可

以怪誕疑之畧考其一二西漢有馮野王列九卿性剛

潔公字希馮蓋慕之也晚歸陳朝嘗誤輿地志三十卷

平等菴

唐福田菴址元泰定四年僧志建改今名明嘉

本盛宗城重修構海雲閣

靖初包侍御節與弟孝讀書於此後燬于倭僧

萬曆間道銓置田三十畝

捷堰菴 泰定間僧賢建並

莫蘇菴

府東南七十里元至正間僧善慶建

慈觀菴

府東南二十里元至正六年僧德馨建

蔣庄菴

元至正間僧岳安建後圯明成化間僧

道明重建

按華亭志附方廣教寺下

明行教寺在南橋鎮

晉天福五年里人蔣漢瑛捨宅建吳

越錢忠懿王名曰安和院

宋太平興國八年賜額為明

行寺明仍舊名萬曆初

竹院住持養空興建一新

本朝順治六年僧了赤

與徒明法重修

宋釋北欄居簡明行院

記畧 華亭圖牒載春秋時

差三二女子墓田曰三

女岡聲詩則播諸唐令尹詢并

寺觀

上

公

寺

卷之二十一

十一

公王介甫都官梅聖俞邇岡之刹曰安和石晉天福五年蔣漢城環堵中芬陀利花擢于陸聚族而謀曰是八吉祥六殊勝處盍施諸釋梵家遂基此刹禎幹於是者曰本立病潮齧岍址白漢城議徙于此改曰明行用淮海王錢中令歸朝所請之額堂宇樓殿金碧煥粲雲棲鸞甍月桁璇題具如經說凡所當行罔不具藏乘二千餘卷棗栢大士華嚴合論在焉鐘梵壓萬籟爲一方皈依之地遷善悔過者咸知嚮方一燈長明四檀委輸規架準繩有條而不紊慧日之言曰故國喬木其大蔽牛其高垂雲可無封植日與茂長風雷之鼓盪雨露之高沐而至於此也一刹百堵容數千指功倍封植惠戒剪伐人天之所瞻龍象之所懷不啻故國喬木罔知創業之艱難則將怠乃訓盍講明以詔後世不亦可乎余唯唯遂因而記之嘉熙丁酉

宋釋慧日題院中白蓮花詩 神佛何由測芬陀陸地典素芳呈玉雪梵刹肇丘陵換額徒偏霸懸碑自老僧殷勤勸來者期使續千燈 宋趙崇森和 舊址來從晉中間幾廢典一蓮開陸地三女卧岡陵題詠誇前輩流傳得王僧林深鐘梵寂長夜月明燈 宋高子鳳和地產枝蓮異神宮自此興殊祥天不斬奇艷雪堪陵

一 鼻化疑吳女碑傳有蜀僧何當尋勝槩吟斷佛前燈

東報德懺院 在十一保宋咸淳間僧友權易徐氏地結菴度徒普潤成勝利元至大中牟獻有記

崇福菴 府東南三十里 咸淳間僧妙建 志嚴菴 宋淳熙間僧守端建萬曆中僧性方置田

本際菴 元延祐間僧本中峰建趙孟頫書額崇禎元年僧明正重修並府東南八十里

婁縣叢林

超果講寺府西南瑁湖橋之右本名長壽唐咸通十五年

心鑑禪師建按洛陽伽藍記武后以齒髮既老建長壽

寺於東都改元長壽高僧傳心鑑禪師藏奘蘇州華亭

人大中初修洛下長壽寺勅奘居焉奘後歸鄉建寺復

名長壽宋治平元年改今額寺東爲天台教院元末寺

燬于兵明洪武中主僧景祥重建歷祥耐大與德奎宗尚各有與葺至正受而備凡樓殿橋門以次皆新香火特盛尚之退居曰圓悟堂受之退居曰西隱堂弘治以後寺僧文錫道俊智洪亦遇有修葺天啓末一覽樓將傾王侍御元瑞捐貲興建高廣倍前里人顧圓僧成雨董其役崇禎九年落成屹然爲郡中壯觀

按寺有鴛鴦殿一覽樓雨花堂瑞光井石假山見遠亭諸勝雨華殿在大殿後天啓元年重建其後卽一覽樓東爲香積厨西禪堂山費隱容禪師曾卓錫于此其徒離言法公從南禪寺移席於此住持未幾示寂閣維得

舍利甚夥大殿東廊有鏡碑南爲轉藏殿真如堂又南爲徐文貞公階祠北爲圓悟堂殿西廊爲西方殿僧如霖募善信楊泗建閣供定光佛北爲西隱堂堂東偏有古杏傍爲雨華堂萬曆中僧性弘重建王侍御元瑞李罔卿凌雲徐太守琳章太學台鼎結放生社于此南爲瑞光井又南爲四賢祠祀張翰陸機陸雲顧野王石門宋旭禪棲其中陸文定公樹聲顏其堂曰仰止萬曆三十七年覺虛一講師建西來堂吳太僕炯遷祠於其東周紹節擬以顧清張弼陸樹聲樹德爲之配曰後四賢云天王堂東西有二靜室西爲僧懷誠所建顧文僖公

清祀其師任公怡菴順香火尚存東爲綠漪堂王侍御
懋靜之所延方外居之此寺中宇舍之大槩也

宋陳舜俞天台教院記 天台氏之建化也以觀心爲
法以念佛爲宗觀心者觀有心以至乎無心念佛者念
彼佛以證乎我佛或升階納陛同踐堂奧或順風乘航
橫絕苦海真可謂大乘之淵源導師之方便者矣原夫
清淨本然無有空假因緣忽生萬法以起河沙妙門一
念而足所以體同寂照神冥樂域丘陵坑坎悉見嚴淨
衆鳥行樹皆出法音用之則然何遠乎爾佛壘肇基神
化周浹諸方向風緣應如響則夫來四衆之珍聚肄六
時之白業棟宇具而神人安鐘梵作而齋戒修又可闕
乎秀州華亭縣天台教院者莫鶴唳之奧園實龍象之
精舍先是界相東南地隙草楸時和年豐民有餘施師
徒日演廣廈斯作講誦未聞人莫知響法師惟湛台嶺
之宗實爲苗裔言厭遊方聿來胥宇旣以知見提撕其
新學亦用方便誘掖於里俗於是檀供旁午規模備具
復卽淨室作西方彌陀之像其高十有六尺巋然垂臂
右將援溺以應經量邦人吳延宥善施樂義乃爲捐金

以極塗飾然後居者有以系瞻誦之懋遊者以之起脚
仰之願揭像運之雄觀畢空門之能事矣嗟乎誰爲布
施爲住於相衆生不愛頂踵慳貪無厭暗覆真覺集爲
苦本流轉生滅莫知攸止故夫信捨作則執著亡執著
亡則空寂見空寂見則佛性具矣誰謂聲色不足以見
如來今夫金山之聚不輟乎吾日和雅之音不息乎吾
耳塵法雖外其心則我苟無聞見則無我佛故夫樂苦
空而斷因果厭諸相而求解脫未足與語道者也院旣
大成嚴像且畢以僕夙體斯道
見屬隨喜云熙寧壬子正月

元楊維禎重興寺記畧 雲間超果寺有大士像郡志

以爲錢王時宮中所奉像也夢感於王欲適雲間王命
慶依尊者奉像往時主寺者釋聰于像未至前曰二日
內當有主公至至期果然像初至禮塔滙去寺十里近
髻上有光貫于寺西井井有金鰻放光相接若虹霓然
今名瑞光井者是也宋理皇書賜額曰超果靈感觀音
教寺景定甲子寺災僧淨深者抱像投瑞光井得完今
至正丙申寺載燬先一月像夢于老衲曰寺不焚者厨
堂之閣可徙吾座僧行緣者抱之出郊後厨閣果存閱
三年己亥夏寺主僧澈自佘山輟席至募檀施建殿位

置聖像已而創山門造橋亭築垣鑿沼樹藝花果又復
 發田五十餘頃招徠僧眾修起翼廬於是靈像具而法
 社成邑人士女暨境外緇素奔走歸敬徼惠於水火雨
 暘男女無虛日吾聞石晉時上竺僧道翊得奇木刻大
 士菩薩像白毫光燦乎晝夜瑞相之託靈於錢王宮者
 無足怪也然辭去宮邸必之雲間白衣大士亦擇地而
 處乎得其所託閱三災而像弗隳則於地里亦有關乎
 今超果得人而靈蹟益著不在於澈矣乎雖然不逃生
 滅者世相然也瞿曇於世間相中有不生不滅玄黃不
 先塵墨不後雖有聖智莫盡其際若是則求蹟於有像
 示現之際者兒婦人之近也像以幻出幻以妄用以幻
 用幻以夢夢夢吾將於瞿曇乎叩其覺也澈曰惟其幻
 也淪我生滅皇覺我幻不生不滅吁此未可與兒婦人
 道也余以其言得像外指於是乎書澈字靈源冰雪其
 高號者宿僧有功於土木者

誠也瑛也至正甲辰夏日

元陶宗儀登一覽樓次林泉民韻

層樓明敞奠松關

萬里蒼茫指顧間地絡溇葺羅梵塔天低溟渤獻神山

寶陀像設金千鎰瑞井光涵玉一環

偏倚闌干吟未了伽陵風細韻絲蠻

明夏原吉一覽樓詩并序 永樂甲申予奉命發廩賑

華亭民假館超果西軒乘暇携虛中法師熟百和香登

一覽樓闈窗遐眺三泖九峰舉在日睫真雲間第一境

也惟金鰻不躍青虎無聲可為悵恨遂命筆為七言律

詩一首屬掌書者他日再過當執此以為歲月計 我

愛雲間第一山登臨直倚最高闌金鰻不起泉光暗青

虎長眠墓草寒雨歇九泖爭獻翠風回三泖遠呈瀾脩

脩白髮堅公子還肯分粳似懶殘 知府黃子威和

樓外湖光燭九山偶因公暇得凭闌仰思任重恩難報

俯為民憂膽易寒烟散林梢懸霽日風和江澳偃狂瀾

尚書詞翰存芳潤屬我登臨興未殘 袁凱和 湖上

雲帆溇上山無邊風景屬凭闌波涵秋影鶴灘遠天接

瑞光鰻井寒花雨滿臺霏白晝石梁當寺障

清瀾老僧留我登臨久不覺楓林日又殘

福田寺 在泖濱宋淳祐十年修武郎錢仲圭建僧然開

山景定賜額寺有宣教郎吳天澤泖塔記

廣化漏澤院 在超果寺西北宋崇寧中

僧永珍建紹興三年賜額

宋許尚院記 宋有天下垂二百年麗恩厚澤滲漉乎

宇宙崇寧大觀間治至極矣方之成康文景之世不是

過也九重之心可以釋然矣然猶未始一日忘乎民也
 寬大之書欽恤之詔未嘗虛月焉天下之人無橫征暴
 斂之虞獄犴不平之歎而九重之心猶未已也慮天下
 之窮民或老且病則俾與之醫學以全完之體劑以生
 毓之當是時無一夫有無聊不滿之意而九重之心猶
 未已也痛民之或死而無主將不免于暴露也則救天
 下郡縣即閒隙之地俾舉得以占瘞而錫名曰漏澤天
 下之人無委壑之慘矣九重之心抑猶未已也又聽其
 佛之徒廬其旁夙夜讚唄之以導夫覓之所升而慰夫
 鬼之所由歸也皇乎仁哉華亭超果寺之北有地焉可
 以掩骼而埋胔道者永珍姓葉氏來自赤城萬年院一
 隴比丘也適奉是詔乃請於其地主林珍珍從之又請
 地於童叻叻亦與之由是漏澤之園成矣其徒顧善明
 亦以道者瘞斂如旨而得度牒紹興初住持僧曇秀始
 請于朝得廣化之名屋纔數楹耳門廡庫陋庖溷不具
 不足以稱名院之意太師鄒國章公之後曰欽若嘉秀
 有興拓之志乃割薪米以助之且以申追遠之意秀樂
 與其屬景仁法欽景倫景佐子元宗遠合謀戮力闢而
 廣之翬飛輪煥猶一望剎然吾嘗溯珍之始為是圖實
 崇寧之二三年越三十年始賜額于朝又三十年而院始

成後之繼者知珍之所以經其始秀之所以成其終又
 知國家厚乎民者使生有所養而死有所殯則是院也
 可不日加意乎景仁固嘗主于院矣猶不忘前人之勤
 求余文以記于久余亦愛仁之誠也故樂為之書時淳
 熙己亥正月望
 日撰并書篆

定心菴

在四十一小蒸南保元天
 曆間僧心如月建屬青浦

妙嚴教寺在府城西東嶽行祠之東宋咸淳間僧智建本

三乘菴改妙嚴院寺仍院名宗白雲教元至正間重建

敕賜為寺明景泰三年僧昕東谷重建佛殿塑像併中

山門十八應真像出丘彌陀手脣目如畫為寺名蹟萬

曆三十四年僧性靜智禪修四十七年復修毘盧閣

慧日院

余山中菴也宋太平興國二年僧法慶建後燬
 明萬曆初里人葉師曾倡緣僧圓實重建崇禎

末雪嶠信禪師來憩東峰其徒徹嚙後遂主院事焉

明董其昌院記 青浦之西南有佘山山之中麓郡志舊云沐堂山也有慧日禪寺初自宋太平興國三年治平二年賜額住持僧法慶專領其寺元末兵燬萬曆改元僧圓實同郡人長寧令徐道充步募葬間得古井即洗心泉在焉遂從林氏贖得其址約十畝有奇而少師徐文貞偕宮保平泉陸公相與倡緣鼎建并置田以資香火而大參敬齋陸公長史太冲袁公同卿弘齋林公及余輩漸已捐貲而大雄殿成文貞之從子中翰師菴兄弟又撤屋材助之而大觀法駉樓成又明年鐘樓成又明年護諸童子殿成而此寺遂為九峰莊嚴名利矣余嘗同陳仲醇袁微之歲游于此愛其寺徑逶迤清陰蒼翠上不見日而鐘聲殿角往往出修竹白雲之間為遲徊不忍去殿北隅石壁數仞藤蘿覆之陸宮保書雲崖風壑四大字勒諸石又以朝衣一襲留鎮出門而文貞公先是奉世廟賜袞付僧為供兩先生風流餘韻與東坡解帶故事若合一轍抑又茲山泉石之光也

門君莫笑細看還是舊袈裟

明陸樹聲詩并序 丁酉余年八十有九朝衣一襲付

慧日禪院留鎮山門手書一絕 解組歸來萬慮捐盡

將身世付安禪朝章老耄

漸虛度留與山中作淨緣 按陸文定公集禪林餘藻二十五卷中無付戒衲事自

題像贊則于泐塔龍潭亦不云慧日院不知何以謬傳

至改詩後二語為披來戒衲渾無用 不向歌姬為乞緣尤可異也特正之

示應菴 在白龍潭東北宋淳祐間僧瑫建久廢 明萬曆間僧明心真胤即故址重建

蓮隱菴 府南十里宋紹定間僧緣建 安福菴 府北二十里宋咸淳間僧照建

祠山菴 府西三里元至正間僧權建 慈悲懺院 府東三里至正間僧成空林建

觀音堂 府西三百步至正間僧善慶建 賜子定光菴 在白龍潭西僧古月建造

記端平間賜額西禪興福寺又名龍潭寺萬曆間僧聯輝重建藏經閣僧月印重造關帝殿生生閣

本朝順治十六年僧心一募修萬佛閣內有聽雷堂

明張弘至聽雷堂詩并序 聽雷堂乃東海先君所名余家三世假龍潭為藏修之所故每憶之正德壬申至日後訪友不值留題 寒郊肅客過西禪塵榻風烟憶往年千頃潭光搖竹幌一番春信長芝田聽雷幾度龍潛壑繁雨終朝客在舡慷慨為誰留共語晚雲涼雨墮杯前

明陸彥章登龍潭佛閣詩 同人永日出郊圻野寺危臺坐不歸望遠只看高鳥沒憑虛欲共片雲飛于林籟應鐘聲動萬井烟生木氣微自媿塵機朝市裏得將心地暫皈依

西林禪寺

在府西慶雲橋北宋咸淳間僧睿建前有寶塔明洪武二十年僧淳厚重建正統間僧法瑞徙建于後復建毘盧閣因請額云本朝順治十七年僧成行重修

明錢福毘盧閣記畧

松郡距海甚邇環帶峰泖舟航

奏泊以通百貨則惟城西而其據勝處有大禪刹曰西林禪院舊有崇恩寶塔歲久傾圮其孫法瑞徙建于大雄殿後復建毘盧閣于塔後其閣始于景泰壬申成于天順己卯三檐重級高十丈深六丈廣十丈有崎上設毘盧像十二圓覺于西隅四楹左右後壁設十方諸佛下設地藏一座請賜大明寺額眾推瑞主寺蓋城西闔闔數里中而閣與塔交輝駢峙以隆一郡偉觀癸未春予使交南還適郡守李侯惠通府洪侯景德吳侯春節推胡侯海侯祖張於西林且登焉凭闌四眺心舒眸豁若將遺世而超然者然後知佛之教必因其地與其境以表之蓋其教以見為門以聞為修以應為形登是閣者見千萬佛之形本一性之化千萬事之夥原一心之萌目擊而道得不言而教行焉瑞之成此其擇勝以論者人者豈徒崇一閣以為飾哉瑞華亭人通內外典卓有戒行善詩奕嘗受教於徑山比丘頂西疇云

法忍教寺在朱涇鎮唐咸通十年建宋法忍院也其地本

船子和尚覆舟處寺有船子及夾山會禪師遺像至今

祠焉有魯般殿推蓬室萬峰秋軒元季兵燬明洪武十

二年僧本一重建崇禎中程肇光倡修

宋釋智圓法忍寺結界記 船子和尚名德誠不知何許人嘗泛小舟放浪江湖間垂綸舞棹歌詠自適泊道傳夾山遂覆舟而逝而洙涇多所遊止故立像于此院元豐三年暮秋月望予以衆命結界負錫至此考其創置之始而古無記傳惟石幢所載乃唐咸通十年立也又尋井闌題記仍有會昌之號疑其古刹今廢至咸通復興耳舊名建興今朝治平中易爲法忍前世住持累不得人零落尤甚今惟秀者力勤營治漸復完密又謂僧居不結界則法律不可行法律不行則與靈祠郵舍何以別乎乃和悅院衆面闡斯法利至于立標分相集僧唱結皆遵律範

來者幸無疑焉

宋林希逸西亭蘭若記

西亭者樵李僧若圭所建也

其地則船子誠師游歌舊處也圭宗天台之學而慕船子高風即其故地作爲此亭聚羣衲講誦其間冀一遇如船子者焉四方聞而高之爲歌詠者甚衆而圭猶將

有記焉俾泳屬余余曰圭之所以慕于師者何以哉余嘗求師之本末矣師蜀人也事藥山三十年盡得藥山之道晚節游吳寄以葉舟往來華亭洙涇自爲歌詩時以唱詠漁者傳而和之既又思其學之未傳也以其意屬之道吾道吾指夾山即江次謁之一語而契乃蹴其舟自沒以化師之自立孤高如此圭之所慕者何以哉嗟夫學伯彛之清者不必皆餓于西山學屈原之忠者不必皆沉于汨羅堂序雖安居之以無心則猶虛舟也軀殼雖存視之以無我則猶浮漚也迎其始而知所以得則藥山猶在也遡其終而知所以傳則夾山未死也船子何人哉余素愛船子之歌而又嘉圭之志故爲之記且書俾泳篆其額泳余子也亦與圭爲方外友景定

三年九月

元釋明本推蓬室記畧

昔船子和尚神心廓悟嘗泛

舟于烟波蘆葦間日與漁歌牧笛互相酬酢似無意于

傳唱之門者逮遇夾山則其迅機峻令電走風飛破執

蕩情一髮無貸未後一句命若懸絲蹈破虛空有誰敢

擬爲人痛快未有如是之作者今洙涇法忍寺乃其覆

舟委蓬之地寺之沙門舜濱始習賢首教大德壬寅構

別室于寺之側扁曰推蓬蓋有意于推船子既委之蓬也余丐食吳江遇師于偃梅之正受語及建立之繇屬文以記余曰船子既沒其所不與舟同覆蓬俱委者是道也道之即文字而謂教離文字而謂禪今五百年矣駕其既覆之舟于蒲團禪板之間推其已委之蓬于方等鐵摩之上融古今于一胸空迷悟于寸心餘烈遺風尚可想見經世傳遠相續不斷推蓬之義豈虛設也哉故直筆以記之

宋趙孟堅寺門夜泊詩 秋泊禪扉夜清吟入興頻風生水鱗甲雲放月精神禪有機鋒秘詩無句法新舊題尋不見吹

遍壁間塵

雲隱菴

在澱湖西王菴村南接石神廟宋咸淳間僧如隱建元至正間僧順重修明正德年間里人懷

宗信重建萬曆中里人蔡廷道人普道通重修屬青浦

普福菴

府南二十五里元至正間建崇禎四年僧湛如移建于永昌橋北

宗壽菴

府南五十里元僧瑩建

董墳菴

府南五十里明洪武六年僧壽建

金道成菴

府西南四十里元至正三年僧成建

東林禪寺在法忍寺東俗呼東法忍元至大初僧妙因建

本觀音堂皇慶初改額為寺明初僧至益重建

延壽院

在府西南李塔滙宋嘉定六年僧元信自定海來卓錫于此里大姓錢氏捨地建初名澄菴又

名圓通寶祐咸淳間僧如霑始易今額元至大中同知新昌州事錢大信有記後燬于兵僧照重建院臨驛道府人祖餞以此為節云明萬曆間里人錢大復特為鼎新其後即祠于禪堂之右

本朝順治十六年知府祖永勳捐俸重修本名禮

塔今云季塔疑亦以曹王明故也見廟中

明徐獻忠詩

秀水東復折長臯滙為林風湍日干轉

寶塔凌千尋念彼飛錫者靜寄留遺音人天路非遙鶴相行吟閑房春寂寂僧梵都沉沉丹梯豈須躡披我

廓襟

寶藏禪寺在海慧寺西宋熙寧初邑人吳延亮建白牛禪師開山紹興五年賜額寶藏護國禪院寺因舊名

定光菴

宋景定間僧通建 明張世美詩并序 定光寶藏二寺與海慧寺轉屈相並門徑幽寂因過

有述 一徑幽深薜荔叢佛樓突兀倚晴空小橋煙水楓溪接上剎雲霞慧海通慈竹迎風喧聚雀蒼藤掛樹曲蟠龍僧貧避事門常掩誰道尋幽客典濃

報恩寺

在七保宋僧祐建

三乘菴

宋景定間僧卿建

圓覺期堂

宋熙寧間僧法海建並府西南六十里

太平禪寺在胥浦南初名太平興國禪院宋紹興二年僧曇無竭建元燬至正甲申僧潤玉隱建于浦北寺有松

風閣僧元鎮建

報恩寺

府西南四十里元皇慶間僧道源建

陸墳菴

府南六十里元至正間僧道盟建

龍門院

府西南六十里元至正三年龍門寺僧省建

澄鑿禪寺在泖橋俗呼泖橋寺唐天寶六年僧隆建後燬

於兵宋僧本一淨慧復建明萬曆間僧筠所果林重修復構香印齋清音堂寮宇幽潔頗稱勝地陳繼儒為之

記今頽廢

張墳菴

府西北二十三里

興塔禪寺在泖橋西即宋興塔院創建無攷治平初僧慧

月重修紹興四年賜額

宋黃英復蓮社記畧 雲間興塔院乃治平初海慧月禪師重修祈禱道場屢有感應紹興間奉敕立額僧師

展主之續當里澹軒居士盛熙舉于開禧丙寅創建懺
堂傲廬阜作蓮社會寶慶丁亥忽遭震凌掃蕩幾盡進
工直學盛熙朝里士楮友璿究心經畫改建法華經會
同邑李塔滙進士錢相印施蓮經六十部裝彩普賢聖
像及寶塔一所淳祐九年鄉進士朱浹又約同志各助
錢置租命寺僧清了道芳主之鐫石以垂不朽求余記
實繼是入社者盍相與勉
之淳祐壬子三月三日

萬竹林菴

府西南四十里明
洪武三年僧翰建

觀音堂

府南二十七里明
洪武間僧皓建

海慧教寺在風涇白牛市宋建隆初里人姚廷睿捨宅建

初名興國福壽院治平元年改為海慧院今祀姚為伽

藍神寺有水波壁留春亭精進閣並廢

宋陳舜俞經藏記

秀州樵李之奧壤華亭縣唳鶴之
邑白牛村在其西有人烟之富海慧院于其間為蘭

若之勝先是賜紫僧奉英智力膚敏傑為主者乃募人
書所傳之經其函八百其卷五千四十有八居人吳氏
子行義施仁號為長者為之募財僱工作轉輪而藏之
其屋若干楹載礮載琢飾以金碧以某年某日落其成
也白牛居士陳舜俞敘其義而贊之曰天下之險東有
秦華南有衡岷西有崑崙龍門北有太行羊腸此天所
以限方域也然而寶貨出焉而負重者至草木禽獸生
焉而樵蘇弋獵者往馮者蹶而傷下者踣而臥又生生
之大患也聖人為之觀轉蓬而作車以載之嗟峨決而
蹊通崑岷碎而塵飛視千仞以為坦化顛踣以為安其
車之為利蓋遠矣無明之山慳貪之阻嗔恚之岡癡暗
之崔嵬詐妄之叢棘深林淫亂之坑谷谿澗而衆生莫
之能免也於是教之以法為車以布施為輻以禪定為
軫以忍辱為轂以持戒為轄以勇猛精進為輻以般若
為輪度脫諸險不墮生死始於自載終於載人故此經
之輪不為無意也况夫我為法輪致遠由已有相雖外
發心必內心轉輪駛心止輪扼舉真如之性海一指而
遍盡塵沙之法門有念斯足須彌納於芥子滄海入於
毛端真體道之樞機利物之關鍵作之可謂妙用施之
者不為無窮之利乎若夫山澗同平安險一致馳騁乎

無傲之駕遨遊乎無方之機非作非止孰溺孰載
吾非斯人之徒其誰與遊然殊塗同歸何遠之有
僧德葵畫水壁歌 君不見昔人十日畫一水摩挲窪
窪隨手起若非胸次吞江湖安得波瀾來筆底我來蕭
寺觀奇蹤壁間隱隱騰蛟龍初疑乘風馭弱水恍然坐
我蓬萊宮又疑去年八月秋水溢陰風襲人廊廡濕誰
知畫者巧通神董羽至今羞死筆此水不是畫一水一
水勢相及對此融神坐終日後人雖畫畫不出何如倒
却毘陵華嚴筆海慧北廊推第一 又留春亭詩 聞
說芳亭著意濃留連美景一壺中歌聲不放鶯聲老酒
面常陪花面紅筓迸玉簪穿落日柳拖金線繫東風時
人盡道春歸去疑是桃源路忽通 又精進閣詩 五
月六月火雲蒸家家納涼前後庭樓
頭四鼓五鼓急閣上猶聞人誦經

無盡菴

在小蒸元泰定間
僧淨建屬青浦

慈福菴

宋慶曆間僧
濟建並府西

積慶菴

宋景定間
僧濟建

崇敬菴

宋咸淳間
僧清建

北華嚴菴

宋天禧間
僧道隆建

南華嚴菴

並府
西南

蘆花菴

在泖口里中姓曹氏建狀其勝者有百二十里
碧琉璃三十六陂紅蕖荷之句河南僧大隨重
修

圓智教寺在于山舊名禪居唐大中十三年建于邑西南

二里晉天福中壞于水始遷于干山其地晉陸士衡草

堂遺址也宋太平興國中水使錢綽始建堂宇住僧

意蟾嘗入天台韶國師室人多歸之精舍始備賜師號

崇慧明教治平中賜今額有寶塔在山之半明萬曆中

罔卿林景暘重修法堂左為二俊祠

明陸樹聲二俊祠記 二俊祠祀二陸也二陸華亭人

華亭故有二陸祠祠廢乃即今祠祀焉按陸為華亭世

胄自輔國將軍肇領封茅世連將相佐吳有東南用物
取精式弘茲土于茲土有大造其食于土固宜至平原
公工府志 卷之二十一 寺觀上

清河鍾產靈韞抱負珪璋為吳儁才方其齊駕入洛已
標然秀穎故張太常茂先一見稱為二俊則其風鑒品
局表重吳中固為世欽挹矣世獨病其濡首權門不善
韜引卒以才敗然觀豪士賦詆諷齊王見亦豈後季鷹
耶惜許身非據謂功業可指取終以溢滿履危機使修
麟勁翻末路沉隕竟刻全璧世多流恨故予每讀懷士
賦詞旨綿婉傷其齋志羈旅流神故士及嬰刃畢命思
華亭鶴唳志又慘矣則其精爽熏灼寧無依戀茲士乎
祠而視之于茲土固宜舊志祠在崑山歲久在崑山者
廢惟草堂在天馬峰下後人或即草堂祠焉堂亦近廢
棟宇摧殘祀且弗講郡人午江錢先生掃法堂左偏建
祠祀焉廣丈許中僅二神位規制弗稱惜始建時無相
之者恢拓而新之以存故實則草堂故址其在錢先生
名師周好古有士行行且晉用予昔黍從游建祠其雅
志云 又詩 憶昔典午時龍戰羣陰凝追呼變寒燠
指顧雲雷興哲士慎時晦履霜戒堅冰夫君抱國器賈
勇當途登風林激沉翼陸海騫游鵬差池失中路毛羽
羣見憎遂令雙白壁轉盼蒙青蠅昔為雲龍徒今歸隼
與鷹芳華倏堙滅顧影神獨
矜秋風將鶴唳感泣故山層

東岳塔院

府東南三百步宋
皇祐間僧洪岳建

崑山塔院

即今小崑山泗洲塔院宋乾道元年僧心古
建明弘治四年天童僧忠詔住持建觀音殿
嘉靖二十年建真武殿二十六年重建西方藏殿并起
僧寮隆慶元年僧真覺建三聖閣于左萬曆中僧照徹
建藏經閣

木

朝順治五年僧朔本源以山勢宜北殿獨南向經閣反
踞其前形家疑之遂鳩工移易法像
不動一時借旋觀者謂有神助云

明陸樹聲重修塔院記 小崑山之側塔院自宋乾道
初僧心古始其垂廢而建觀音大士殿自余先世捐貲

弘治乙卯僧忠詔始其左有禪堂但笑齋三聖閣右有
二陸祠堂有方丈轉輪閣自萬曆乙亥僧濂始父老云

崑山故號馬鞍吾郡西北二十三里一峰鬱然縮結渺
日晉機雲兄弟讀書其中是為真崑山陸之祖征北將

軍禪墓在焉勝國中峰禪師與五百人俱時見神虎出
沒林莽道者李其能降之垂後荒圯山童樹髡雖小振

于弘治鉏艾之餘然舍大士殿而外率與鳥鼠爭道而
已賴濂上人拮据數年榛蔓瓦礫化為莊嚴又禮請三

懷講師宏敞法席余八十五矣常曳杖山椒相與徘徊
藤花松影之下顧視石氣沉秀諸僧次第馴謹雅有規
繩信茲山重興之會也大較于將橫雲諸山寺枕山麓
山不能兼泖泖塔浮水中水不能兼山獨小崑山兩牧
之而又二陸先生之靈實依于此非濂上人曷能成是
勝乎于是余施田數畝以少續先世遺志而士大夫之
屬游于山中者各捐若
千畝皆不可以無記

清涼菴

府西二十七里宋咸淳間僧湛堂建明曹泰
宿清涼菴詩 溪月照村夜遠師迎客時閑談

及民事清供摘松枝榻按山橫閣船
隨水繫籬黃紬無好夢時僅在心思

輝和菴

有銀杏羅漢松各一皆宋時植
元至正中僧允中建

覺海菴

府西北五十里元
至正間僧教建 化東菴
元至正間
僧道濟建

善會菴

元至正二年僧德馨
建並府西北六十里

語澤菴

元至正間
僧道正建

法華菴

宋元豐間僧濤建元至正間僧真重修
並四十三保已上七菴俱屬青浦

上海縣叢林

觀音禪寺在縣西宋崇寧初建淳熙二年賜額慈報禪院

從錢參政良臣請也僧覺印開山元燬明洪武十六年

僧性重建改今額為縣之首刹前有嘉林後有萬工山

萬工 占地數畝已平為田其陂陀古柏即遺址也

明教諭尹務厚寺記 佛氏以慈悲為教欲民趨仁愛
同于善不教而善者固為上教而後善者衆矣若吳越
俗信祥而易殺病且憂則聚巫用卜立神殺牲至再三
不可則曰神不置我矣乃飭終事以死故小民戶易耗
而畜字不孳董之禮則頑惟浮屠教慈而語大病且憂
者有告焉則俾之戒殺以向善可因以佐教化長民者
多尚之觀音寺在上海縣西十八里時有觀音聖像浮
海而來咸異之錢參政良臣捨貲禮雲門禪師七世孫

覺印創于宋崇寧年為縣禪宗首利元季廢為瓦礫洪武壬戌僧會本源性公與其徒紹一募建法堂前觀音像流寓九峰間見夢於性舟載以復庚午性公歿一公募建殿東西廡三年住持本山山甲戌縣尹張守約捐貲建大佛殿丁丑買民房建天王殿及山門庚辰尹杜鎰復營香積厨一所自後法堂鐘樓以次而舉凡立屋若干楹拓地若干畝徵余記之惟一師自受戒具晨夕嚴其道以畢其師之志弘宣其教大勸于時迷者咸賴不命而獻力不祈而薦貨僅二十餘年地得以復其勝教得以弘其化俾人皆去鬼息殺而咸趨于仁愛創業垂緒因果無量是宜記之以示諸後庶嗣而葺之俾垂不朽云時永樂甲申十月

靈國寺

在二十六保宋隆興元年僧昌月堂建時有張百五公最富寺蓋其經始乾道二年請額與龍

華寺南北相望殿前羅漢松四林枝幹森矗古色蒼然蓋三四百年物也明天啟六年張方伯所望重修復移張家浜內黃道婆祠建于寺之西偏附明張之象黃道婆祠記 上海西南廿餘里為烏泥涇故有道婆祠云道婆者姓黃氏本鎮人也初淪落崖

州元元貞間附海舶歸閩廣多種木棉織紡為布名曰吉貝而道婆最善是業州里宗之先此身泥涇土壤饒瘠民多困貧因謀樹藝以給遂覓種于閩廣間然尚無踏車椎弓之制率用手擘去子線絃竹弧置案間振掉成劑厥功甚艱道婆乃教以制造捍彈紡織之具既以便民矣至于錯紗配色綜綫挈花又各有法故被禱悅帶之類織以折枝團鳳碁局文字粲然若寫土人競相倣習稍稍轉售他方以牟利業頗饒裕未幾道婆卒莫不感恩灑泣而共葬之已立祠歲時享之越三十年祠燬里人趙某再為立祠今再燬又數十年于茲矣頃歲行游其所末問前所謂道婆祠者業已頽廢鞠為灌莽撫蹟增感低回歎歎者久之予遂于居舍之東北隅聽鶯橋畔捨地二畝其右為南北周行乃集里中嘗所稱尚義者凡若干人共圖興復經始方旬而煥然改飭像設具備神有棲憑于是里中庶士咸曰宜之落成之日爰來請記蓋是舉予實倡之也義何可辭先王之制禮也法施于民則祀之吾松之民仰機利以食實此道婆發之苟被其澤者無忘追本之思則祠祀可不廢矣又張所望移祠碑記 吾鄉之祠黃道婆也始自勝國之季而燬于兵其後重建輒復廢而吾家王屋公改祠

于張家浜者不三十年亦已化為榛莽余每過而傷之念昔物壤磽瘠民困無聊生養至今伊誰之賜且輪貢尚方衣被寰宇明德遠矣食報謂何聞與里中好事謀所以似續不朽者竊謂棖棟維新黍離興感昔人所慨諒非無因矧茲數椽越在荒阻地僻則寡助事遠則易忘旋興旋廢勢所必至夫惟金仙氏之教終古尚存而道婆故皈依法門亦諸佛所攝受俎豆于斯庶幾永劫不壞乎眾皆是余言于是議即置國寺之西偏附建一祠余遂捐貲首事屬寺僧董其役就能仁之精藍作報功之福地祠宇既飭適臻厥成像設莊嚴輪奐輝奕爰易舊額錫以嘉名勒之貞珉是稱黃母蓋衣食之源姬實開之恩斯勤斯等于有我是所謂眾人之母也而以母道事之誰曰不然余乃躬率里人設蘋藻之奠拜于祠下羣情胥懌神川居歆眾乃合詞進曰歲比不登吉貝靡所獲母其陰相我下土令杼柚不空民以康乂繼自今祇奉禮祀其無斃皆再拜稽首而退屬余記之如此至其航海來歸教民織作之始末輟耕錄載之已詳茲不重述 明胡芳詩 黃婆古廟秋復春不見年來祭賽人當時拋却金梭去誰教吳姬織白雲

福基寺

在二十保元至元二十六年僧明心建

積善院

在二十五保宋慶元間千口徐名建僧顯開山

潮音菴

在十九保元至元間邑人瞿仲賢建僧性開山

常寂菴

在十九保石笏里元大德十年僧照建 本朝順治間僧九如與徒示權增葺因常寂之名僧

希永年遂易名南山禪院有西樓地極幽蔚聖中士下帷于此者後多至顯宦云

法華禪寺在觀音寺東宋開寶間僧慧建元至大初僧慶

重建明洪武間僧善達復新之崇禎末里人夏若時僧

羅筏又修佛閣

明釋心泰寺記 上海法華寺在邑治之西一十八里

宋開寶間僧慧為開山第一代元至大初雲翁慶禪師大振之為茲山中興之祖趙文敏公塔海道千戶費雄注之甚力首建大雄殿趙公書額普應國師中峰和尚

三過其寺後廢于寺田之多重徭艱役僧皆散去沙門善達歎曰田多則寺廢無產則寺興其興兆于今日乎乃以寺田數十頃悉與佃戶故寺無一埃之土庭無一吏之迹屋廢者漸興僧散者復集葺推棟橈者易以堅木安藏之殿轉法之輪售於人者贖之先是以甲乙生茲山國朝洪武二十四年清理佛教立為四方禪林請一公象先董其事三十有二年天台沙門智勇棒檄出生茲山善達念無以延住持造方丈以居之無堂以集雲木建僧堂若干楹以棲之達倦于事廼屬其孫如鏐以代鏐贊住山如其祖凡叢林所宜有者悉備達以儉約自持專修淨業臨終念佛泊然而逝洪武三十五年夏五月也號西源上海人俗姓金十歲即從能公出家茲寺久之首懺于上天竺復回松之延慶為第二座云鏐蘇人也今住山智勇號無敵昔掌竺墳于中天竺為白雲禪師說公之嗣其住法華也初獲西源力贊繼獲如鏐股肱故能建諸堂宇輪奐一新永樂癸未達孫維箕募諸施者範銅為鐘以狀乞文為記余觀法華諸士慧公竺二山為開山之祖慶公雲翁為中興之人達為之黃復鏐為之建造於住山無媿矣遂為之記

法華院

在二十一保元至正間里人陶侃捨地僧福開山

東林菴

在十九保元大德六年邑人毛義甫建僧智開山

福田菴

在三十保元至正間僧壽建明嘉靖間里人王槐重修

東隱菴

在五十保元至正二十二年僧勤建屬青浦

積善講寺在縣治西北宋紹興間里人李汗夢金人乞坐

地遂捨地為精舍度其孫師立主之元至大間有番賈

航海南來拜師立道上自云慕師高德以貨寶一巨艘

施之不通姓名而去立遂大拓舊規請額為積善院明

成化間僧道瑄重修後建海雲堂今寺為本縣祝

聖習儀之地僧會司治焉

安國講寺

在二十二保宋咸淳乙丑里人朱性建僧蓮開山

珍敬菴

在二十二保宋端平甲午邑人吳居四捨宅建僧遠開山

南積善教寺在十七保宋紹興戊寅僧師淨建

宋蒙城高子鳳記畧 西林去邑不十里東越黃浦又東而漚比其南抵周浦皆不及半舍寺之在周浦者曰永心在黃浦者曰靈國而西林居其中蓋所謂江浦之聚也里故無寺紹興戊寅有比丘淨行化爰止亟思啓蕙里人培植勝業請於地功劉均及長者孫氏得地百畝創菴以懇逮淳熙間而法堂方丈齋廬庫藏輪奐一新嘉定初又得永定七古佛即之以求福者尤衆先是淨夢白蓮七枝擢秀于堂之所諭為瑞相擬作大殿其徒道暉嗣之因徐昌純葉純裕為大檀越鳩材庀工以奉所得七佛者前夢至是符焉暉之法允道全以淳祐壬寅始白之禮部甲辰乃符錢唐積善寺廢額甲乙焚修式延雲水而淨之派孫文暎復募作重門練垣以謹中外之限遂與永定靈國鼎峙嘻亦盛矣三世協勤四僧委輸再祀九十厥有成績有可尚者故受簡而記之

詩淳祐庚戌十月既望

西林戲院

宋淳熙間僧文逸建

海會院

元大德間僧果建並二十四保

龍華教寺在黃浦西龍華村相傳吳越忠懿王常夜泊浦

上風雨驟至草莽間祥光燭天鐘梵隱然詢其地古龍

華寺基也遂命大盈莊務將張仁泰重建宋治平初賜

額曰空相西北隅舊有白蓮教院前有寶塔時時放光

至今存焉舊有山門門外有二井俗呼龍井明嘉靖間

山門燬于倭僧慧林重建萬曆間詔頒佛藏于諸名山

僧達果疏請特遣中涓齋敕詣寺并賜達果金環紫衣

護藏慈聖皇太后復賜其徒理圓銀環紫衣護藏如其

師又賜範金千葉寶蓮毘盧佛一金彩結旛十丈并日月錦旛二鏤銅器五勅賜大興國慈華禪寺後正殿頽圮四十六年方伯張所望倡助成之

本朝順治四年韜明宗禪師住持梵宇鼎新禪宿雲集復成偉刹矣

明陸深詩 六月龍華兩度游陸行騎馬水行舟風雲塔院松將暝烟火村家麥已收病到靜餘初減藥望窮天際更登樓桑榆苦愛清江曲常愧山僧半日留 又龍華寺懷張玄超 浦上白雲深幽居清道心竹徑鳴風珮蘭階生晝陰山僧忘入臘寶塔舊成林落日青霞外高人何處尋 明馮遂登龍華浮圖詩 千年飛塔標滄海躡盡高層霽色開翠蓋重重吳樹起青螺點點越山來貪看佛日浮中界醉倚人天逼上台此地別離同浩劫晚猿昏磬一時哀

延恩寺 在二十六保元 延祐間僧得建

南淨土講寺在吳會俗呼南王寺又呼王家寺宋淳祐中王晉公遠孫雲卿俗稱王萬二者創建僧吉開山初名九品觀堂元大德中改今額明洪武間復興宣德間燬 正統初僧古田重建錢溥有記

資壽寺 在吳會北舊為院元至元末普照寺僧嚴肇建以地多王氏所居俗呼北王寺

南廣福寺 在二十一保宋嘉泰間里人鄒運幹捨宅建俗呼鄒家寺僧宗印請額中大夫孫德之有

記寺臨黃浦浦自西至此則折而北流矣 崇福菴 在四十六保元至正間僧永泰建屬青浦

明心教寺縣西南六十里後梁開平初都水使者錢綽建

僧通開山初名華嚴院宋治平二年賜今額寺有石函

觀音像禱求響答及華嚴寶塔義虎講臺

治平間有希最法師居此

講經緇流愛而畏之號曰義虎古檜二本元豐所植至今存焉

宋高子鳳石函觀音殿記

劍埋豐邑氣騰斗牛寶發

陳倉光集祠宇是皆寓於有形而幾於無形者其靈變翁忽猶若此况佛菩薩應身闡化神超像外而不同於一物者乎淳熙間青龍鎮有畦地為圃者中廣丈許藝之不生漑之散流夜有祥光上燭遂發之得大石函貯觀音像夾紵為質冠衣儼如楊枝淨瓶在左右手雲披月滿姿相殊特寺鄰沈氏傾橐贖之奉安明心寺之西壇寶慶丁亥震風發屋像失其蔽既而陰有所啓更有金彩彰施迎真法堂僧了勝瞻仰欣慶有初殿意蘊而未言一夕厨鑪自開像立于地莫審其故勝獨感之勝偶疾作忽夢麗服而嬰珠者慈視以拊之既覺失疾所在於是罄貲締倡肇自丙午三月洎九月畢工三門兩廡以次具舉題璇砌珞塗飾精好一境正信咸獲依歸噫嘻異哉蓋大士與此土衆生有大因緣乘機赴感無乎不在其晦其顯又孰得而測之若夫十方刹土之廣千萬億生之衆不之他所而之明心不屬餘人而屬了

勝其與秦文之獲張華之逢亦一理也發于不測之謂機契于無私之謂感其若是哉淳祐庚戌三月

通濟菴

在十八保元泰定間僧深建

覺城菴

在二十一保宋紹興二年僧道然建

永寧教寺在新場鎮元至元辛卯邑人瞿霆發建僧允恭

開山名報恩懺院有鐵佛高尺餘相好殊特建院時得

之土中中峰和尚為之銘明洪武中改額

元方回院記

佛廬徧天下莫盛于蘓杭秀水之間鶴

沙距松江僅三舍地接海濱古昔居民亦鮮伽藍則未之有也瞿氏自宋建炎間徙居於此有積善慕義之風逮今財賦提舉公震發與兄少中大夫兩浙運使公霆發才德起家仁讓及物慨然以為非伽藍無以營善而聞道乃卜地得吉於其考妣佳城之側傾貲割畝命僧允恭攝董之發地得鐵佛一軀見者驚異疑瑞應也尋而材與匠稱心與力侔不幾年而緝殿重門廣廡觀室講堂凡伽藍所宜有者悉備焉迎請淨行沙門晝夜六時頂禮散花深味禪觀幡幢像設華鯨清梵光明照映

金壁交錯宣流法音互為佛事運使公喜其有成遂亦
撥腴田若干助伏臘以報恩懺院為額復聞于朝成宗
皇帝賜旨護持實大德戊戌也凡住持虛席聽其家選
素有道行僧居之閱十有四年至大辛亥住持沙門崇
義慨棟宇之未備欲建大閣檀戶悅從選雄材命工師
如所期而倚天轟漢以設四方三聖緝容至法華二十
八品境像環擁壁間惟普賢願王儼居于右上安奉毗
盧藏五千餘軸提舉公屬予為記余謂以報恩為名其
義何也曰恩莫大於君親報莫越於聖道聞西方聖人
之禪觀圓悟一心該攝萬行推而廣之導物指迷莫不
從化以斯道報斯恩不亦善乎余曰乘一心為禪照萬
法為觀其為心也圓湛虛寂涉入無礙不可以相求不
可以言詣舒之則萬法即之而彰卷之則萬法依之而
泯白無邊刹海歷世古今未有不由斯而著矣凡夫迷
昧引起輪迴遷謝苦樂升沉莫之能釋是故非禪那不
足以契諸佛心非妙觀不足以破眾生惑圓覺以三觀
互推為二十五輪無量壽以分觀於一十六處始則端
坐淨室注相一方存注不休與想消落見法界中朗然
明了所以一輪見諦而妙觀澄明一處功成則真佛圓
具如當臺鏡萬像顯而鏡無所照之功如帝網珠千光

聚而珠絕能收之迹如是觀者即見清淨願王玉毫亘
天絀目澄海如優曇花如紫金聚巍巍堂堂殊特相好
徧界光明化為香雲寶樹樓殿臺池車服器玩諸莊嚴
具足三昧行人即聞即見即覺即知一語一默一動一
靜皆與無作清淨妙觀胎然混合者矣然後即斯妙觀
于一切時散作無邊莊嚴佛事以之報國恩則聖祚保
無疆之永以之報親恩則劬勞超有漏之纏至若天龍
鬼神過現未來冤親賢聖草木昆蟲凡有纖恩無往不
報然此妙觀入未來際相續不斷則報恩功德亦相須
而無盡者焉遂援筆直書以為記泰定乙丑二月初四
日趙孟頫
書并篆額

資福菴 宋建炎三年
邑人瞿二建

福泉菴 元至正二年
年僧成建

東禪菴 元至正初邑人潘荊州建
僧智福開山並十九保

崇慶教寺在北蔡寺宋嘉定間邑人蔡功創僧顯開山

崇福菴 在四十四保元大德
二年僧性建屬青浦

善慶菴

在二十保元至元間僧勝建

永定講寺在周浦鎮宋淳熙間趙宮使建僧恩法華開山

十四年請額永定禪院明洪武中改額

元釋行中藏經記畧 有為天台之教者妙智師主松江永定之八年為至正甲午午新作藏殿成而皮經之藏未其聞嘉禾之廢寺曰妙智其輪藏獨存購致之視其識乃宋端平甲午建也先是里人濮仁甫閱其寺廢購其藏之經奉于家且與妻沈誓曰苟得其藏者以是經歸之既聞師得藏而或沮師乃禱觀音氏求之沈忽夢一僧指其胸曰何忘施經之誓耶乃悔悟以經歸永定嗚呼異哉向之寺名與師名適同向之藏建之歲與師得之歲又同何其冥符之若是耶濮與沈能護是經卒復於原藏其亦宿為法中之人乎宋少保張安道嘗遊瑯琊山藏院發木匣得經乃悟其前身為知藏僧書楞伽未終而化因續書之筆蹟與前無少異今夫是藏也是經也一旦完復若合符契夫豈無其故哉乃書以識至正乙未夏六月

陳墳菴

元大德間僧開建

崇福菴

魯家莊西宋天聖元年建修題額天啓四年僧淨淵重修

竹草菴張之象以上並十九保

法華經堂

在二十五保宋紹興間邑人吳常山建僧有堂開山

大聖教寺縣東南四十里宋紹興間有鳥止於郊鄉人

疑為鳳凰曰鳳凰非寶地不止遂發掘得泗洲僧伽像

僧思修因建寺焉隆興二年請額後歲明初即普淨院

榜今額

仁壽菴

宋淳祐間邑人瞿均用捨宅建僧普安開山

圓修菴

元至順間僧別山一建並十九保

沈和菴

在十七保元大德間僧妙智建

慶寧教寺在二十二保南踰村宋建炎間僧圓募陳郡馬

建後燬于兵元大德間重建北磻有德堂記

竹隱菴 宋建炎間僧道諲建

孝思菴 宋建炎間里人陳七即九僧權都正開山

時思菴 宋乾道三年邑人陳九建僧習開山

蓮隱菴 宋高宗五年邑人顧嗣之建僧昭開山

圓通菴 元僧開重建

西圓通菴 宋景定間顧千一建僧裕開山

五福菴 宋咸淳元年邑人陳百十八僧暹開山以上並二十二保

法華菴 在二十三保宋僧智了建

太平教寺在二十三保華亭太平禪寺在其西俗呼此為

東太平宋太平興國間僧及操舟雲流夜泊范家浜聞

蘆葦間有鐘鼓音疑出梵宇訪之無有後夜復然又見

白光燭天發地得鐵佛一因以建寺後燬于兵僧旻秋

堂重建

致思菴 宋淳熙六年僧修建

華嚴菴 宋寶慶元年僧道安建

圓通菴 元至正初僧叢建

普明菴 在四十五保元至正間任總管建屬青浦

靜安教寺在蘆浦初在滬濱吳赤島中建號重圓寺唐更

永泰禪院宋祥符初改今額嘉定遷此寺故有雲漢昭

回之閣閣廢六字刻諸石有江中浮來石像石鉢有吳

越王瑜珈道場中毘盧遮那像五臟皆書錢氏妃嬪氏

各有赤舄碑陳朝檜講經臺鯁子禪湧泉綠雲洞與滬

濱壘蘆子渡為八詠

周弼寺記 華亭縣東北百里松江繞焉有寺在滬濱曰重圓太中祥符元年因避聖祖諱改今額為靜安嘉

寺觀上

定九年僧仲依以舊基迫近江岍濤水衝滙遷基于蘆浦之湧泉即沸井浜也中流數尺特深如井晝夜騰沸或指為海眼因寺遷而異其名焉寺之靈驗最顯著者西晉建興元年有兩石像浮于江浦吳縣人朱膺迎置於寺視其背則有銘蓋七佛中之二曰維衛曰迦葉後六年漁者又獲兩石鉢于沙際大如白羶辛稍觸之則變怪輒見因以為石像供具佛閣則因異僧智嚴而立嚴有異行駭俗則鰕子為僧號常斂蒲草為萬餘繩挂諸廓廡且曰吾將作大緣事繼即示寂人競樂施以財繩皆滿足閣果成就是皆傳於閭里著於雜書彰彰者也自佛法渡江而南浙西信嚮特甚精藍淨舍所在布滿究其從始其最遠者極天監大同而止孫吳赤烏十年康僧會始至建業建寺以居謂之建初此寺實相踵而成當是時諸寺蓋悉未有也豈無通都大邑鄠井衢陌闡揚道化乃獨遠取海濱廣斥江畢閑寂之野豈非居處為修持之要市邊三石頭陀抖擻終不若深山遠谷途路險絕上衣上食易窮真諦異像異僧亦有所憑而至也後世棟宇穹窿金碧晃耀往來憧憧於闡聞之地規模則盛矣然究竟祖師立教本心創裳求領日接緣務與深禪靜觀者所得孰為多邪敗廬弊刹或焚或

毀何可勝數此則經教相傳基業寔廣歷千載餘猶能遷改植久遠計非擇地得所願力深重之所致歟石像既遷于吳門開元寺而錢氏瑜珈道場虛舍照寶像與雍熙宣和兩碣屹然尚存雙楹偃蹇如此如鳳則曾望襲美之所題詠也風恬月澹鐘聲梵響悠揚於滄波浩渺之外與天無際安知無石像再浮而致發光光彩於蘆葦之間哉華亭吾外氏所宅吾少所長聞而異焉故述而為記

明胡芳詩

翠微隱隱出層霄仗履來游不憚遙水柱

四簷晴作雨

雪山一帶晝隨潮金鎔柳色藏高閣紅愛

梅花立短橋賸有流霞注

顏色養生無意問王喬

明朱豹詩

古刹乘閑到紅塵路已賒洞門虛歲月檀

樹鎖烟霞谷靜泉逾響山空日易斜坐聽清梵入落盡

木蘭

花

明陳一鳴詩

孫吳踪跡草芊芊惟剩江聲繞寺邊龍

鉢迷雲晴欲雨山槐浮蔭日如年斷碑零落苔苔護小

洞清幽白鶴眠半日流連

消俗慮媿無玉帶惠名禪

衆善菴

在二十五保宋太平興國間僧禮建

松江府志卷之二十六 終

松江府志卷之二十七

寺觀下

青浦縣叢林

昭慶禪寺本佘山靈峯菴宋慈雲昭慶禪院紹興二年馬

嶠禪師法寧建有塔有金沙地芥子菴元季兵燹明洪

武二十四年僧德智重建永樂十二年僧智與古菴鼎

建觀音殿藏殿并兩廊又募銅鑄鐘垂成而智示寂正

統七年僧法雲成之又與徒道圓建鐘樓天順中建毘

盧閣

明錢溥鐘樓記

夫動萬物者莫先乎聲故雷以春鳴鐘以曉警也今夫一歲之間萬物斂乎冬而春則勾萌

甲拆蟻飛蠓動勃然以興者由乎雷一日猶一歲也萬物閉於戊而寅則抉矇破昏執事赴工之人奮然而起者由乎鐘易曰雷出地奮豫先王以作樂崇德殷薦于上帝夫樂總八音而金為始鐘金屬也先王以之節入風祀上帝佛以之警六時化下民其用雖殊而取象於雷之義一也松城北有山曰佘山之陽有寺曰昭慶蓋古刹也寺臺殿素具而獨未有鐘無以警昏曉示教戒主寺僧法雲謂鐘必以樓可自高以及遠乃即寺東偏隙地數武謀財于匠範金于冶工費浩繁未易克舉其徒圓協心共理絕葷食被草木日募而夜息積勤三四載始克成焉翼然而翬飛躍然而鯨吼川谷俱應雲日增輝觀者跂視聞者聳聽覺山益崇而寺益勝余時歸自翰林廬守先人之墓去寺北不百步雲與其徒合禮以記請余固已日睹師徒之克協心駭成事之不偶乃諾之未服復及來京師又三載雲書促之甚勤余始慨夫世事無巨細未有不咸于同而墮于異也吾儒平居袖手高論雖範圍莫能過及一議公庭之禮紛如聚訟譬作道翁之舍三年無成人多異見心不一致故民無以聞至教而彼得乘之以濟事民亦因之證因果破昏曠至不靳施捨而成彼之為教如雲與其徒亦鮮矣噫

此佛之所由以興此吾所以不能已於言乎其事經始正統戊辰正月畢于景泰庚午二月朔而記之成則癸酉冬十

月初也

宋許尚芥子菴詩 院外三椽建常

思憇息時莫教嫌逼窄中有五須彌

祥澤菴 府北十八里當祥澤之漚至正初僧道堅建

大覺菴 府北十五里元至 接待菴 府東北五十四里 正間僧信覺建 至正間源無竭建

宣妙講寺本佘山西菴宋為宣妙院治平二年賜額寺在

上方明正統六年越僧虛白堅及其徒宗昇洪慧等相

繼興建錢溥記之

宋劉正夫詩 水定浮春岫鴨盤

落遠林上方鐘送夕隱几興何深

明陸郊宣妙寺聽琴 祇樹談經罷瑤琴手自揮響疑

和梵語清轉助禪機絕壑踈泉度空山急雨飛塵心坐

自遣從此得皈依

普照寺

本余山東菴宋太平興國三年聰道人開山治平二年賜額普照教院寺亦以名山有道人塔

下有月軒翁有虎樹亭道人在山時有二虎隨侍道人死虎亦死瘞之塔翁踰年生銀杏樹二僧隱闢亭其

間以虎樹名

宋聰道人自題月軒

軒前轆轤轉水盤軒裏詩成徹

昔寒多少人來看明月誰知倒被月明看

宋朱伯虎

詩 愛月開軒絕頂間 岷然巍然壓層巒 剪除羣卉當

檐盡添得清光滿 檻看亂石雲堆秋色冷 老松風入夜

聲寒十年夢寐江鄉景 杖履終期日倚闌 元王逢虎

樹亭詩 舟泊東西客詩招大小青山高白月墮草偃

黑風腥植物鍾英爽精藍被籠

靈涼陰慎剪伐畱護石函經

澱山禪寺薛澱湖中山頂宋建炎初建紹興八年賜額普

光王寺內有會靈祠祀降聖夫人今為伽藍神何松年

記云秦始皇時邢氏有三姑長曰雲鶴夫人王沈湖次

日月華夫人王柘湖季曰降聖夫人王澱湖即此相傳

神靈甚赫嘗大旱請勺水祈雨隨車而至每歲湖中羣

蛟競開水為沸騰獨不入祠元天曆元年寺燬郡人唐

昱重建明改今額萬曆中復燬僧性沂重建

宋莫儔澱山建塔記

華亭之西北有巨浸曰澱山湖

湖中有小山余嘗與客泛舟其下顧謂客曰此非落星

浮王之類也試登而覽焉彷彿四望烟水瀰漫天日清

明波伏不與飛帆釣艇宛在一鏡風號濤涌舟莫敢凌

恍若神山限以弱水茲非勝特之地歟山如龜背上建

浮圖升其絕頂臨瞰雲雨數郡遙岑環列楯外紆青綠

白極目千里茲非表揭之象歟有是二者其可以無藉

乎有僧慧悟禪師義燈朱姓徐州彭城人操行高潔頃

王雲間施水禪院邂逅京師僧寶覺大師法道出釋迦

佛牙示之於是設供累夕懇祈舍利獲二十許枚道謂

燈曰于其選地建塔藏之燈邀道抵澗山周砥形勢道
 曰噫他山無與此伴者燈曰此方人未之信盍再祈焉
 乃復置佛牙于所上址上而作佛事不終朝先見金光
 數尺次獲舍利三枚僧俗歡喜讚嘆謂未曾有燈遂辭
 施水住是山里人倪榮朱強誓為會首能勉導累積至
 紹興四年十月有二月宮成八日壬午奉舍利瘞焉是日
 旦天無雲晝忽陰祥雲驟降林木盡縹已事而霽眾咸
 異之七年十月營塔纔三級一夕夢菩薩諸天瑞像滿
 室雲中有榜題曰普光王寺既寤不懈益虔聞者喜捨
 林集明年春燈如行在得普光王寺額以歸符其夢焉
 增訖工于十有四年三月榮等又相與立三門引兩序
 演法有位棲僧有所香積有庖大乘有藏謁予文紀之
 紹興戊辰七月

附朱釋居簡會靈祠記 嬴秦時邢氏三女子死而有
 靈能役鬼工各開湖泖清亂流以弭水患澗湖之靈其
 季也網罟之利舟楫之益民歌屢豐災害不生一方之
 民均飫其惠嘉定七年孟夏大旱奔走羣望有禱輒爽
 知縣事李伯壽命王簿陸鳳躬至巖扃檀木始然水立
 書昏濺沫飛濤沮洳冠裳傍睨辟易陸固自若不衡不

倚若有相者得魚得蛙速雨之徵必冀所求不獲不已
 白魚既躍蛙亦隨至霈雨霽注三日足用歲大有秋申
 聞朝廷錫號會靈陸乃肅齋黃奉其行以修君賜以答
 神貺觀者如堵震動山谷水天一碧幽顯咸若黃耆鮓
 背歎未曾有為之歌曰湖山兮蒼蒼湖底兮天泱泱樓
 觀凌空虛突兀兮金銀鑄舳艫兮轉輸杭稌兮繞湖不
 知幾千萬年寄豐凶于慘舒烟冥冥兮雲淡風蕭蕭兮
 葭蒹貝闕兮襲元窅物不疵癘兮民不頽頽煥兮榜題
 雨露兮新滋神之靈兮聽之

釋覺恩寺前即事 三姑廟前春水生百婆橋畔曉
 烟橫誰家草屋映疎柳門外荻芽初可烹荒坡斷岸無
 人跡雨後閒行興何極什什伍伍何家郎行船打鼓春賽忙

壽安講寺 在鍾賈山下本淨行菴元元貞中僧崇仁等
 建明永樂間僧虛白重修後請壽安廢院額

以名萬曆中慧解蓮儒重新之內
 有棲雲樓楊維禎記後即半雲亭

福慶菴 元至正間
 僧顯建

集賢菴 元延祐間僧智建
 並府西南三十里

福泉菴

至正間僧在建

塘橋菴

至正間僧名建

願浩講寺在金澤鎮宋景定中里人費輔之始創經堂僧

道崇王之其徒如信開拓遂成大刹雖杭之靈隱蘇之

承天莫匹其偉元元貞中賜今額明洪武中僧大圓重

修內有五老峰方丈

趙文敏書

枯樹峰桃源洞金鯽池不斷

雲梅雪軒尚書古榻

夏忠定治水時嘗宿此遺跡尚在

天香亭諸勝蹟

萬曆五年徐文貞階以賜袞畱鎮山門乃於殿西北作

樓三楹貯之莫方伯如忠題曰有袞樓

明陸樹聲願浩寺有袞樓記

願浩寺當澱湖之金澤

稱名刹國初司徒夏公原吉以治水至弭節焉今寺所傳尚書榻故在歲久古蹟漸湮萬曆癸酉郡建新邑史議撤材于寺寺所稱大士殿議及焉時少師存齋徐公

謝政居里第僧偕徒衆往告公公曰成毀一相獨奈何

毀已成不可吏議迺止僧以公慈憫護持請於公圖所以示信方來者公解所御袍蟒徹家藏吳道子大士像

昇僧僧受而度之寮中願庫監無以稱崇奉也迺合檀信相地於大士殿之後左折而北作樓三楹中設大士

像襲袍蟒函置之公門下士嘉禾呂君為題之曰有袞

一時緇白覩茲開建讚仰殊勝以為茲寺自湘陰公寓

節以來日墊荒殘勝緣難再公一言金湯轉壞為成用

仍舊觀復因之振起同緣莊嚴佛土於叢林中衰之日

其有大造於緇錫若此昔裴相國奪笏於慈明蘇端明

解帶於了元緇林故宿至今猶美傳之矧公慈願所加

衣法兩施擬量功德奚啻軼美抑公輔相兩朝秉鈞軸

內衣被床澤誦司馬洛中者日想見公袞衣之光也又豈藉以莊嚴佛土已哉

明唐順之金澤詩四首

東南巨浸五湖深古寺維舟

正夕陰客到山僧罷清磬雀喧晴日下高林夾洲烟火

三家市滿目蒹葭萬里心徒倚不知餘興盡月明還擬

聽龍吟三江抱處勢如環野客探奇任不還一望樓

臺疑海上稍聞雞犬覺人間幸無漁父知名姓且與山僧共閉關自咲歸來張季子春時葦葉未堪攀何年

此地開金刹宋代流傳直到今聽法石將山作幻護經龍與水增深爐烟裊裊知塵性栢樹青青見佛心可是

攀緣渾未盡天花猶自惹衣襟水國餘寒芳艸稀偶隨烟艇問山扉窻中怪石如人立天際孤帆伴鳥飛高

齋盡日逢僧話短褐經春換客衣吳江亦是垂綸地笑指星文愧少微

明沈愷過願浩寺詩不到雲林久殊深野外情白蘋愁對客玄鶴舞畱人酒引山公典詩慚謝眺清祇憐圓

境宋誰此學無生

明包節夜宿金澤寺詩乘月維舟水國陰諸天鐘鼓正沉沉白雲幽石心初定黃葉空山夜已深夾徑長松

通古殿到門修竹覆禪林細探清淨消塵劫兄有江蓴荅素心

歸真菴與願浩寺隣元至治間僧堅建

七寶教寺在七寶鎮初名福壽在陸寶山本陸氏香火祠

俗呼陸寶菴既徙吳松之曲請于吳越王賜以金字藏

經曰此亦一寶也遂改今名後因松江潮壞三徙於茲

宋初張澤捨宅為寺今為伽藍僧信協力重建大中祥

符元年請額寺有五代時檜及羅漢松今檜亡而松猶

存明成化十九年建大士殿萬曆十三年里人徐三重

重修僧承業亦修大殿成引橫瀝水四圍前石橋為中

香花橋左右為東西香花橋南出市街里人王會有記

宋趙孟頫七寶寺詩探奇來寶地名刹冠叢林院設機雲代經描吳越金霜鐘清繞鶴池竹綠浮琴投緩堪

圓論桃源莫浪尋

明姚道元詩翠微深處啟禪扉僧坐雲中補衲衣洗鉢澄潭龍臥起散花珠席鳥驚飛空連高閣鐘聲落日

寺見下

落長廊樹影稀幾度攢眉
投白社心期不與遠公違

本朝華亭知縣張超宿七寶寺僧樓詩 危樓百尺倚遙
天堤柳依依似似去年愁裏久忘心已碎閑中始覺懶須
眠海雲靜看離還合山身餘聽在復還
解脫莫論參大覺暫時物外儘悠然

南七寶寺 宋大中祥符
元年僧信建

報慈菴 宋咸淳間
僧密建

餘慶菴 並三十
五保

德濟菴 在三十
六保

壽安施水菴 府東北三十里宋
紹興間僧常建

戚宅菴 自此終福智並
府東北四十里 宋元豐間僧壽建
元至正間僧真修

聚沙菴 元豐間僧
妙堂建 資慶菴 宋咸淳間
僧法聳建

施水菴 宋咸淳間僧奉建顧志云在莘庄鎮南舊有趙
孟頫金書法華經 明崇禎元年僧聖炯建萬壽

佛閣 福智菴 元大德間
僧智建

門教寺在盤龍塘俗稱盤龍寺唐大中十二年吳人陸

素建名觀音院宋祥符元年賜額寺有石天王舊傳大

水中漂至人多禱之

德濟菴 在蕪山元大德三年邑人張謙建僧穹
開山東堂後骨塔有松上覆如偃蓋然

華潮圓通菴 在二十三保華潮浦上
宋宣和二年僧言建

崇壽講寺在吳松北楊林俗稱楊林寺宋元祐間僧欽法

華建

元無名氏寺記 距吳松北五七里日楊林擅楊林之
勝端然出乎其間者日崇壽寺宋元祐中沙門欽法華

之所建也奉佛有殿安眾有寮闡法有堂函丈有室門
以限其內外廊以翼其東西至于宣明庖漏之所叢林
所宜有者亦皆具體既而請于朝錫今額堯法師開山
為第一代傳佛隴之宗學子雲從厥後相承率皆名德

嘉定壬午始作西方殿舍聖像任持淨緣為之但熙寧
 初里人總轄張德裕創觀音堂肖無量壽佛像作懺悔
 主割租稅規其入俾修白業其仲固以佛殿頽弊上雨
 旁風撤而新之高廣壯麗視前有加落成于淳祐二年
 六月九日任持士亨首座惟一實相其役開慶己未藏
 殿新成尋印竺墳五千卷用雙林大士故事造天宮寶
 藏復捐私帑市膏腴為飯僧計元至順間明德處士萬
 公同室諸氏翻葢大雄殿重飾靈山一會及羅漢像西
 方佛殿亦如之復捨租以益恒產至大二二年任持澄法
 師偕曇瑞淨惠重造法堂五間曰寶華以章說法之靈
 瑞至元庚辰任持無隱重葢山門鍾樓至正丁酉小隱
 法師建方丈五間顏曰松月賓主區分有所居止因次
 第記申之以辭曰處爾室戒爾食俾有眾伊誰之
 力雖千萬年典刑可則後之視今亦猶今之視昔

普光寺

在青龍鎮即普光教院宋紹熙五年里人杜國
 珍建僧印開山寶謨閣學士黃由有記中有勁
 節亭明初廢正統元年僧湛秋淵始建
 法堂成化間僧普馨以次興復而始盛

西隱菴

在泰來橋市枕漕溪降福橋宋乾道三年僧贊
 思建中有古栢古桂天圓地方池趙孟頫碑記

戴墳菴

在四十五保元至正十年
 邑人戴誠甫建僧學開山

張浦菴

在三十三保元
 至正間僧忠建

布金禪寺在四十七保大盈村俗稱大盈寺本法雲院唐

太和二年孫均建宋易今額復為院佛殿鐘樓山門法

堂歷宣和建炎淳祐諸年郡武弁顏霸孫曹諸人始備

元至元間僧性弁重修有巨釜浮江而至為寺勝跡

宋陳舜俞經藏記

布金院去邑七十里有上人曰清

已其行淳白善護其法問里莫不嚮焉邑人顏氏子首
 施錢二百萬書其凡所藏經又相與營大屋為輪而環
 積之越三年告成函以文木襲以綈錦載以華輪敷以
 藻閣繚以朱貝負以蚪龍覆以隆厦周以廣廡總用錢
 千萬前後施者殆數百人煥乎盛哉夫輪之名有二一
 曰法輪佛之所乘也智慧解脫以動之戒定悲忍以行
 之小而入乎微塵而有餘大而御乎虛空而不能容擬

諸形容而莫之能名法輪也其二曰苦輪衆生之所乘也動之以煩惱貧著行之以嗔亂罪害上驅乎天中驅乎人下轉乎地散而入乎鬼神之都禽獸之鄉而莫知其歸擬諸形容亦莫之能名苦輪也噫在佛爲法在衆生爲苦存衆生乃有佛非佛不能度衆生然佛之度衆生也未嘗脫吾輪而載之蓋卽其所乘而指其所嚮故能方軌同轍而出乎無窮之域焉爾則凡所謂輪者可解其義其文足以申讚嘆見屬者不遠千里云時嘉祐丁丑歲十二月也

明陸深宿布金寺 五年在苒重過寺 夜空明獨倚樓水亦何緣俱到海心如無礙總忘鷗細尋往事和頭白多感新涼與病瘳要用遠公邀靖節暫隨蝴蝶化莊周

真淨院

在唐行南元至大初里人曹宣慰建僧印月江開山吳門上清憲公都中有記

法會菴

在青龍南元至正管浦菴 在管浦上元至十六年僧古鑑建 正間僧衍建

寶月禪院

在城內生春橋西元至正間僧善定建邵亭貞有疏佛像皆脫沙塑牌位皆名賢書後有

梅花林爲寺之勝致明正德辛未積雨橋壞鄰人請于縣欲撤其材以爲橋遂廢萬曆元年重建

隆福教寺在青龍鎮初名報德唐天寶間建至長慶中始

建寶塔昇仙臺在其前宋大中祥符間有暢法華駐錫

寺中日誦法華年八十化去僧澤隨瘞其靈骨于寺門

之左建石塔以識之天台了空大師浩弘撰行業記元

大德三年王僧普善募宣慰使司任仁發重修明季傾

頽殆盡

本朝順治五年百愚斯禪師任持法緣駢輳與構一新云

明沈紹文登青龍塔詩 峻嶒龍藏俯平臯獨倚空寒

攬布袍亂後幾家仍避地秋來無日不登高晴霞欲散

諸峰色極浦新添八月濤縹緲 仙蹤何處是好憑天際聽雲璈

隆平寺

在隆福寺北故俗稱南寺北寺本朝清院唐長慶元年建宋太平興國中僧寶重修明嘉靖後

改爲新縣城隍廟後移縣唐行欲遷之不果有寶塔亦廢

宋馮翊陳林記

青龍鎮瞰松江上據滬瀆之口島陞

蠻域交廣之塗所自出風檣浪船朝夕上下富商巨賈豪宗右姓之所會其事佛尤謹方其行者蹈風濤萬里之虞怵生死一時之命居者歲時祈禳吉凶薦衛非佛無以自恃也故其重楹複殿觀雉相望鼓鐘梵唄聲不絕頃寺之隸鎮者三獨隆平藏經未備治平四年邑人陳守通乃始出泉購書而棲經無所沙門道常卽法堂舊構合衆力植巨軸貫兩輪納歷五百做雙林善慧之制藏所謂五千四十八卷者始熙寧五年之季秋成六年之孟春而髹漆繪事所以爲莊嚴者垂十年功不克就元豐四年曹侯求逸王侯景琮之來也憫其垂成僅廢因籍藏之所入發其端更其徒行清王之未幾城邑區聚由盧遠而下凡十人不謀而赴隨力厚薄皆能相其事規模法象卽其書皆相合高下度數按其體皆可考表一丈有二其崇加三上爲諸天宮者八下爲鐵闍山者二承以藻閣覆以重檐八觚竿聳方甍鱗比雲蒸

雨華繽紛蒙蔽法從導衛循繞環匝翼以天神挾以力上欄拱欒楯榱椳扶柱皆雕鏤刻琢塗金錯采材致其良工盡其巧靡麗侈富言不能既而見者知焉經之費凡三百萬材之費者十之二工之費者十之三髹漆之費者十之四塗繪之費者十之五越明年元朔合黑白二衆落成之左旋石轉聲蔽鏡鼓觀者爲之目眩聞者爲之耳徹于是人知方等一乘圓宗十地之爲可依也始如來以一大因緣出見于世曲徇根器巧說譬喻最後乃云四十九年未嘗以一字與人而秘密法藏獨付于靈山拈花之時則知無說無示者是真說法無聞無得者是真聽法所立文字假名權實是以尊者迦葉之集四篋大智文殊之結八藏近傳五竺遠被八荒其感應顯異則有若士衡投火而不焦賊徒盜葉而不舉其功德博大則有若聞一偈而入佛初地持一經而生天七返蓋經典所在則爲有佛書之虛空天蓋上衛况嚴持奉事如此之至哉嗚呼竭大海木盡妙高山雖筆墨有窮而不能及佛一句少分之義以子之淺陋何足以語此而行清數來請文所願贊其成也于是乎記元豐五年春正月襄陽米芾治事青龍賓老相過出此文愛而書之

福善寺

在內勳浦之陽梁貞明六年僧智道建時多虎患道至虎即遜去晉天福二年額名尊勝院宋

大中祥符元年文今額

宋呂諤鑄鐘記 黃帝命伶倫氏鑄十二器蓋鐘之始也召從律之氣揚治世之音上同和於天地下協贊於神人暨西域聖人化寢中國海貯真教星羅梵宮方袍之士佛肆之間亦建鐘焉大者數萬斤不者數千斤或謂振豐隆之響鼓鏗錫之聲警六和之衆息三塗之苦天下之人信服斯語悉務蠲施曾無間然矣福善院屬秀州華亭縣之西北隅內勳浦之陽爲梁貞明六年之所建舊曰尊勝宋大中祥符元年肇錫新額斯院也臺殿輪奐廊廡完備象設孔嚴緇徒雲集惟鐘闕於院主沙門遇來大師幼脫塵網素演竺書內行醇明外貌芳潤忽一日喟然嘆曰凡燕居蘭若式遠郭郭苟無鐘梵之音曷爲晨昏之號令耶遂命弟子紹誣與耆宿僧德成歷冒風霜徧誘檀信隴西董仁厚欣然樂善善首施淨財三十萬緡是近者遠者靡不悅隨天禧四年冬十月運乃抵郡薦狀乞開天庭尋詔下許輸錢易銅以鑄斯器明年值洪水方割下民昏墊亟就茲緣時不我與

天聖二年歲云豐和俗稍蘇息誣復率衆聚財載聞郡政乃命青龍鎮巡檢侍禁太原王公繼贊泄而鑄之公芳猷蘭秘峻節霜明幹局有聞從事無曠十二月巳巳皂氏設良冶而鍛鍊焉境邑士女觀者如堵銅旣山積火亦煙熾洪爐啟而祝融奮怒巨橐扇而飛廉借力凝煎沸渭翁赫霄壤俄而烟飛燄歇豁然中度華鐘告成厥功斯就揭珍臺而彌與發鯨杵以大鳴激越人天聲聞遐邇邇不杵不鬱不櫛不窳匪獨導我之真侶抑亦聰彼之羣聾縱使漢宮千石感崩山而發秀豐岫萬鈞應巖霜而振響豈得同年而語乎諤丁制滁陽退居江左承命敘事牢讓弗遑謹直書其實云耳天聖三年二月十五日

寶林菴

在三十三年保宋嘉泰四年僧墳建

東濟菴

在四十六保元至正元年僧敬建後圯明隆慶初顧少卿從禮重建萬曆二十四年燬陸宗伯

樹聲吳太僕炯即里人薛汀

所捨地重翻梵宇更名慈濟

明俞汝爲記畧 吳淞澤國水以茂稱者三其一橫泖絕大盈浦而東也北折爲流曰崧宅其上成聚曰崧宅

鎮鎮西偏不百武而近為晉左將軍袁崧墓傍為東濟菴元至正初僧敬從關中來誅茹結宇師印度東土是日東濟袁將軍守吳郡抗賊身死其下李祥收遺骨封之隆隆起岬莽間土人訛言將軍墓有奇取一坏土置爨下蟻鼠跡無復存者歲久菴圯樵採不禁塚漸替而故址非復僧有矣萬曆初元蔡諫議汝賢復縣青浦置邑於唐行之塵割崧宅為輔鎮於時四明屠侯隆謂將軍死國事不宜淪沒荆棘中勒石建祠表將軍遺節人情勃有復古之思焉其後卓侯鈿慨然修復令清東濟遺址里人薛汀義而返之寺僧汝成經始其事梵宇再飾陸宗伯樹聲更名慈濟余於茲菴之廢興而知宰官現身說法之意化導民切尤幸袁將軍忠魂可恃棲托則後先邑侯之表遺忠存古剝為可記也

慧日教寺初名普寧慧日院在孔宅里俗呼孔宅寺寺有宜聖祠相傳祠中有古栢二曾有鳳棲其上今存其一皆孔廟中故物也宋元豐間賜額景定中邑人俞廷芝

重建僧智源開山易今名

一元王逄遊孔宅寺通僧文宗魯房詩 九曲溪行地百尋墩名宰我歸如岑居僧幸淑詩書教過客疑聞金石

音芝艸鳳麟空日落桃花鷄犬自春深一盃罷奠衣冠墓試問衣冠淚洒襟 元初為盜所發

眾福院 與西隱鄰元大德間里人曹宜慰重建僧法暹開山僧印月江有記

利濟菴 在眾福東元泰定間唐昱建僧穹開山明嘉靖中毀萬曆九年僧如法重修

明遠菴 與利濟眾福相望崇福菴 在二十二保宋嘉定宋淳熙間僧聚建 間邑人陶光顯建

已廢名存及不經歸併寺院

慧海院 在府治東南錢府十一峰前元至元中建

證覺教院 在府治西南本無礙浴院宋太平興國二年徐可溥建大中祥符元年賜額 今廢為司獄司

慧燈塔院 里仁坊內元大德四年僧智燾建其址即錢府之雲漢閣望月臺也

萃藏戲院

槐安坊內元僧融照建
延祐二年鄧文原有記

瑞應教院

在本一院東宋淳祐四年天台僧成從善游雲
間超果寺見井中瑞光應于卞百十一學諭花

園從善募此地以成院延北丘貽公為山王明正統六
年僧智中同孫文圖文旭鼎新圓通寶殿方丈等室錢

溥有記萬曆五年僧居素于正殿
之後復建彌陀殿鑄接引佛奉焉

點頭菴

馬喙寺東北明萬曆
三十四年僧檀林建

小石林

通波門外集賢橋北
明萬曆中僧性霖建

具足菴

北門外陸文定公墓東僊天和尚舊蹟
明天啟間僧正果重建改名廻龍菴

萃藏菴

北門外陸文定墓北
明天啟間僧雪朗建

弁山精舍

在北門外里中善
信建僧天懿開山

大樹菴

在洞涇以大樹名
侍郎錢士貴建

香光菴

在洞涇李氏世桂
堂後一名壽量菴

永生菴

東門外白骨廟界明
天啟二年僧大會建

曇花菴

東門外北城河明
曆乙卯傳碧峰建

如是菴

東門外僧
登鏤建

無畏林

東門外僧
起凡建

刻水林

在東門外賢游涇明崇禎十六年里人葉舟
捨宅延海行居之舟葬母菴側歿亦耐焉

迹多林

城東雙板橋北明崇
禎十三年僧通曙建

永生菴

在曹家橋南明崇
禎元年僧通燈建

積善菴

東門外顧園後普門
禪室古蹟僧如澄修

資福寺

城東十五里古名祥澤菴元至至初建明
宣德間請額吏部郎中廣平程南雲題

積慶寺

顧亭林市東宋淳祐中寶雲
寺僧靜月建吏部許明奎記

祝聖菴

在祝家港明萬曆七年建中有巨蟒歲或
現形天啟間菴火燐遂絕崇禎二年重建

水月院

在葉謝鎮元至元間建明景泰間
壞于水成化間僧福勝廣理重建

寧海菴

在滌闕宋紹興七年建明嘉靖甲寅倭
燬萬曆元年興福寺僧靜秀雲重建

法華禪院

十二保明萬曆辛
丑僧真澄如朗建

大覺菴

在曹涇北
僧行寄建

圓通院

在十三保宋咸淳中道者明無構并亭架菴奉補
陀大士像而名其後薙髮遂與徒明空竣工元大

德間僧祖順記明永樂初為陳祭酒詢讀書處萬曆三十四年僧性德海受重修因地在萬年涇名萬年寺

永寧菴 在十三保明永樂丙申陳禎捨地建

貞靜菴 在開港南僧超塵建

寶峰菴 百曲港僧行徵道弘建

廣福菴 十五保里人宋宗憲宋際為僧道溥建

卧龍菴 十五保明崇禎元年宋琬與弟道昌道暉存獻同建知府方岳貢題名

旭陽菴 十五保拱際橋里人楊可任男嘉材建奉府帖申復鄉約所

護心菴 十五保三橋明崇禎三年僧海明建里人陳達朱週助田九畝

瑞芝菴 浦東卅石橋建時地生五色芝故名侍郎錢士貴建 以上菴亭縣

壽安教院 干山東元大德間普照僧師安建 圓修戲院 干山東元延祐中里人曹氏建

澄照禪院 在泖中吳天澤記云唐乾符間老僧如海築基望明嘉靖間僧智明建大雄殿其徒自正于隆慶六年築石隄以為外護建寶藏閣以奉大藏經陸宗伯樹聲

與弟中丞樹德置常在田太倉王世貞為之記至萬曆十八年又構潮音閣 前隆慶三年丈田均糧僉事鄭元韶知府袁貞吉以泖塔在湖中湮沒不常遂得免科

萬曆元年復建青浦泖以西俱屬焉 獨塔基因不起科仍隸華亭今屬婁

明屠隆塔院記云余嘗與袁長史福徵沈徵君明臣莫太學雲卿馮吉士夢禎登泖塔坐藏經閣憑闌矚眺四面烟水迥絕大士浮圖巋然矗立烟雲空翠間洪濤衝

擊日夜撼其下川魚沙鳥芙蓉菱芡參差歷落鐘磬之音泠泠然與波浪相答少頃斷虹蜿蜒注木杪日氣霞

彩下射波心殿閣迴映閃爍陡作黃金相又頃之月出東嶺波平如鏡流光蕩漾直似浮金刹舍余心灑焉樂

之時與諸君各賦詩紀游蓋幽峭空曠離塵絕世足資高流棲遯詞人登覽洵山川之最勝處也

宋沈遼登泖塔題 乘月上浮圖還 見群山影金焦是耶非一點漁燈冷

元王逢詩 何年宰堵聳奇觀勢若蛟龍上斜蟠秦縣

褚衣淪鬼國梵家寶藏壓驚湍野瞻雨黑重燈夜天卧

空青一鏡寒欲買扁舟占 漁火老綠無力候衡官

明吳爰詩 日日春陰今日晴 小舟載酒作閒行 茫茫
白水四鄰絕落落 青冥一柱擎鴻雁影 沉燈自照鯉魚
風起鐸先鳴 雪眉禪子志
僧臘坐閱波濤幾度平

延恩院

雲間第一橋 北本延恩報德院 在今秀野橋 宋紹
興四年 律師元偉 卽接待院 舊址爲之 守臣劉徽
制爲之 請額 後廢 明正統間 越僧可立 得郡人黃氏地
建 因舊額 而名 錢溥 爲之 記 其前爲 祭江亭 成化二十
二年 知府劉璟 建 每歲 漕運 啟行 設祭 于此
因 令院僧 職 啟閉 焉 弘治 末 知縣 張岐 重建

古蘭若

西門外 張涇 側 古鐵 笛 和尚 舊址 明萬曆 四十二
年 江右 僧瑞 菴 草創 未竣 其徒 三無 拓而 新之
在 花園 浜 後 江

直指菴

在花家 涇 明崇禎 十年 粵僧 真福 贖 命
右 僧慧 雲 建

三昧菴

在花家 涇 明崇禎 十年 粵僧 真福 贖 命
晉地 曠 基 增 建 又 置 常 在 田 二 十 四 畝

貝多菴

郡西 六里 枕 陸家 浜 明萬曆 三 十 年 僧 心 鑑 建
置 田 三 十 畝 及 書 本 藏 經 通 政 李 凌 雲 有 記

艾蘆菴

跨塘 橋 西 南 江 家 浜 明 天 啟 元
年 僧 一 乘 建 置 常 在 田 二 十 畝

不香菴

艾蘆 菴 側 船 子 和 尚
曝 蓑 處 僧 明 麟 建

楞嚴菴

在 四 十 一 保 石 湖 塘 西 初 名 與 賢 菴 僧 元 徹 受 戒
于 三 昧 大 師 遂 捨 宅 爲 菴 置 常 在 田 九 十 六 畝

真修菴

在 石 湖 塘 至 拙 居 士
顧 可 容 建 子 伯 齡 修

集福保國水陸禪院

在白 牛 市 東 宋
淳 熙 九 年 請 額

白蓮寺

在 海 慧 寺 南 宋 紹 興
間 請 額 北 礪 有 記

圓通菴

在 風 涇 鄉 明 萬 曆 二 十 五 年 里 人 費 氏 捨 地 僧
廣 空 建 孝 廉 王 獻 吉 捐 田 十 三 畝 以 贍 梵 修

清菴

在 呂 巷 宋 紹 興 三 年 建 明 成 化 間 改 名 圓 通 菴 萬 曆
六 年 里 人 吳 丕 顯 重 修 僧 慧 空 清 月 復 建 觀 復 堂

大悲菴

一 名 慈 菴 在 呂 巷 明
崇 禎 十 年 僧 觀 茲 建

心菴

呂 巷 東 明 天 啟 七
年 里 人 吳 煒 建

明發禪院

在 南 陸 其 址 相 傳 卽 元 邵 天 驥 舊 宅 明 崇 禎 間
姚 氏 建 本 朝 順 治 間 爲 百 癡 元 禪 師 道 場

小補陀

在 干 巷 僧 寂 空 開 山
曹 蕃 建 于 雲 程 重 修

廣福寺

在 張 涇 堰 宋
嘉 熙 間 建

靈福寺

在七保俗呼前岡寺

慧攝菴

在浦南前岡

聖月菴

在鶴蕩涇北近阿陀橋舊名阿陀菴有寒山訪船子遺蹟明萬曆四十二年重修僧維牧任持

法華菴

在橫涇橋東里人杜允江為海悟建

寧壽菴

在景家堰里人顧士麟建

瑞華閣

一名放生臺在金沙灘

太平菴

在大張涇橋西旁有八角井僧海濱建

潮音閣

府西南投服浜明萬曆十五年以浦口常溺人建閣鎮之天啟元年僧性澄重修

雨華菴

在放生河北僧化儀建

龍德菴

在南門外雙廟明萬曆中僧大集建

長生菴

在南門外官紹塘明崇禎元年僧寂敬建

華嚴菴

在南門外僧海雲建

拈花室

在教場南郡人徐氏捨地僧宏念建置常任田二十畝

茶菴

在普濟橋從郡至金山往來要道僧了凡建明萬曆間濬城河宗伯張飛得施茶菴古碑即置菴中

大悲禪院

在南門外亦名蘭玉山房侍郎錢士貴建後敕立特祠于左

章菴

南城河下明萬曆乙巳宗伯張飛為僧守心建

六和菴

府東北十五里明萬曆間里人顧承學建菴前後諸橋皆所捐造好義無子歿即葬于菴西

三乘菴

在妙嚴寺西北隅與寺隔一清河亦屬寺址明崇禎間僧寂覺與徒照耀築堤構舍以寺之始劔原名三乘即以名其菴云

衣珠菴

在白龍潭登龍橋南塊僧慧名建

護生菴

在西林塔後二里離言壩在其右

蓮花菴

在白龍潭北明崇禎二年僧普明建

三義廟

郡西皇華亭之右初為漢壽亭侯廟明洪武年間建嘉靖末知府朱茹同知熊汝器鄭復亨改三義廟晉商郝紬協成之僧明存開山崇禎十六年晉商王晉等重修僧岷貞董其役左立火神廟右構大士閣

慈濟院

海中金山絕頂宋元豐間僧惠安建紹興元年請額

以上婁縣

圓明菴

在上海西門內顧孝子墓側明洪武十一年建萬曆三十年僧大愷任持宗風丕振徒孫正洪重修

廣福講寺

在縣西後晉天福間建明成化間重修內有潘恭定公祠徐汝翼為記

齊昌寺 在縣治南久廢

崇寧菴 在縣東南

度門寺 在十六保閔行鎮元至正二年水月禪師建倭廢後僧照菴及其徒孫元白重建

印月菴 在二十一保里人郭胤周建延行僧居之諸孫皆讀書于此有秋潭梅龕諸勝

長壽寺 在二十一保宋乾道中僧如行開山元至治間楊載撰碑元末兵燬明成化元年僧惠瑛重建萬曆

初任持僧秉科與徒明德增修蔡懋昭有記

青蓮菴 在縣西北

集慶菴 在三保

石牌菴

以上上海縣

願豐禪院 在青浦北門內明萬曆二十二年僧廣本建天啟元年僧大徹擴基重修

迎春菴 在青浦東門外舊名施水菴又名包菴僧明宇修今為迎春之所

祐聖菴 在小西門外

沙瀝菴 在北門外

優曇菴 在南門外僧行琺明然倡建

崇寧禪院 在五十六保萬曆四十六年僧如體建

明遠慈門禪寺

在朱家角鎮放生橋南舊為明遠菴明嘉靖間燬于兵萬曆二十七年僧性潮請于

上舍諸從禮秉禮得地十畝席許翁萬諸商捐資與建二十九年敕賜護國明遠慈門寺并賜烏斯藏大士一

尊經十二部構繼閣於殿後貯之崇禎元年構鐘樓置常在田三十餘畝鎮中言信每月結放生社于此橋下

永禁漁罟焉後僧宋心重修

福田菴 在沈巷鎮東明萬曆三年建

香光菴

在沈巷鎮明萬曆三十八年僧真司建

海月菴

在高許鎮明嘉靖中僧慧蓮建

資福寺

以下願賦願正二寺並四十一保

願賦寺

宋末李氏捨宅建

願正寺

在金澤鎮南

蓮社菴

願浩寺南元泰定間僧願建明天順中修

永靜菴

在蓮湖中相傳明洪武間沈萬三秀耕于其地鳴鐘鼓鳩眾傳餐故曰萬圩有大士自水中流至里人延金田寺僧宗慧結茅而居萬曆中宗伯

衍渡菴

張鼎倡疏窺建水中香刹幾與柳塔埒矣

保安院

在柳西宋乾道七年請額

慶福菴

在四十二保元秦定初僧正固建明洪武正統間僧月軒宗圓僧璉天順中僧道慧重修

任鄧菴

在四十二保明洪武初里人朱舉煜共建長壽寺在大

蓮花菴

在小蒸西元時建以地形似蓮花故名

土地菴

在四十一保宋咸淳二年僧溥建明洪武中瑞潭天順中僧智澄宗潮重修

隆興菴

在四十二保朱家村明隆慶元年建資壽院在三十八保元大德間僧性建

七太師菴

在郊店東

勝果寺

在隆福隆平之西寺有沈光碑附宋呂益柔妙悟太師最公碑銘師諱希最族姓施世為湖州

人其母感異夢而生乳中遇相者曰是子骨法異常勿染于俗因捨之出家依邵之廣化寺僧寶新為師四歲遇天禧霈恩祝髮受具戒十五歲學天台教于錢塘名師慧才悉通奧義慧才善之曰天台教門又得人宗風不墜矣擢居上首繼流競名者愛而畏之號曰義虎治中埠經筒來請秀州青龍鎮隆平之塔院師平日

特辭說而亡其舉動語默必與其法應名實既符道俗咸嚮居累年一日不得意于鎮宰即拂衣去之雪川師既去學徒什伍散矣昔之妙香寶華之所一變而為積塵茂草之場信士過之莫不徜徉重惜師之去也鎮宰持師復來則不復手持矣遂買居于勝果寺講說如初寺僧子雲之室夙有崇師乃呪塊土擲于怪室中須臾得片紙書曰今被法來遣難捨法力沒余當復來于是蓋息者累日其後擊物颺火變怪大作子雲惶怖復請師禳之師至怪所訶之曰汝果何物耶得非未離幽壤之苦將丐慧力求生耶何為擾人不已耶汝不聞惱法師者頭破七分乎為之講說輪迴因緣仍令眾僧聲呪以破其罪障俄而空中轟然有聲得朱書數十字自稱有漢烈士沈光大畧止悔過謝罪自蒙懺解夜已生他化矣師謂他化天也嗚呼怪哉余嘗讀高僧傳至法蘭精勤經典山中神祇皆來受法人謂德被精靈竊疑其誕及覩此則知佛慧神通足以斥陰妖之靈蠻拔重泉之沉寃明暗兩塗各獲安利夫怪者聖人所不語將為後世好誕者戒也然孔子嘗謂敬鬼神而遠之又曰幽則有鬼神是豈以鬼神為無哉今沈光變現顯赫若此則凡包禍心以欺諸幽者得不聞是而懼乎此余所

寺觀下

以雖怪而必書也師臨終尚說法作偈頌優游坐忘時
元祐庚午季秋六月其年孟冬十八日闍維得舍利數
十瑩采陸離臘七十三壽七十六其徒寶覺恩圓惠軫
用浮屠法散骨于水因求文以貽不朽銘曰禪律雖殊
歸則同揆冰泮雪消俱成一水師之持律古佛是擬聞
思惟修小不逾咫講明妙教名流服膺解破幽障沈寃
獲升利物既足坐躋上乘慧積若此宜以名稱

真如寺

在青龍南

靜節菴

在小趙屯浦上

福聖教寺

在簪山兩俗呼徐家觀宋嘉熙中里豪姓登仕
郎徐芝一夕夢神人曰余錢神也為子守藏久

矣有無聚散繫我攸司禍福吉凶唯人自召人身難得
佛土難居既入寶山豈宜空手子試思之芝驚寤曰錢
豈真有神哉吾心之神有以格之耳由是捐帑創為茲
山續請于朝賜額至元間進士錦江鄧起陰所記如此

慶陽院

在鳳凰山元大德間張瑄建

報恩院

在奈山之陰元大德間建

福嚴懺院

在奈山之陰元大德年間宣慰副使徐世英建僧泉開山今廢

昭福院

在奈山左肱宋末邑人曹氏建元皇慶中敕賜士波僧王之

潮音菴

在東奈之南麓舊名華嚴菴宋聰道人修禪靜習之處道人定中聞潮聲雷涌俄覩觀音大士乘巨

鼈冉冉潮端遂改今名

順濟菴

在奈山西北潘蕩慶豐橋側元至正二年穹禪師建明正統中許事諸秉文重修

甘露亭

在鍾賈山東僧慧解重修

尼寺

以上青浦縣

實相寺

府西南吳輔國廟後唐乾符元年建本清禪寺宋大中祥符元年賜額今為夏周二公祠

總持寺

清修寺

並府治東北

報恩寺

府西本錢府香火院

法雲寺

在俞塘北宋淳熙中郭樞密之子為其女兄建女兄適葉氏葉蚤死因誓節為尼居此故俗呼葉菴

嘉定間請于朝賜亭林法雲寺舊額餘詳列女

永福寺

沙岡寺北宋寶祐中建本普明菴元大德中改今名僧祖順記

以上華亭縣

普寧寺

府南黃耳冢俗訛為黃泥蕩故寺亦呼黃泥宋慶元六年尼如湛建

普寧尼寺者在府

明何良俊普寧尼寺重修佛殿記 普寧尼寺者在府治南七里傍有晉陸氏黃耳冢按圖經陸士衡入洛後有快犬名黃耳為士衡傳家問後死人義之埋焉今殿後西北隅有土隆起二古木盤覆於上者即其處也人因呼黃耳祠俗遂訛為黃泥寺寺故有碑咸淳中燬不存有傳錄本余按之寺創建於宋慶元間有女師諱如湛號渾源者湖州王家女母曹氏持奉圓通大士後生師在襁褓間即能道圓通品中語隨父防禦佐金陵戎幕遂落髮於清涼寺尼僧智圓所能通華嚴圓覺法華諸大部經銳志參訪宿至華亭禮船子塔時安康郡夫人號普明居士者與無任居任二人留心大乘得師談論洞明心印郡中適宋照院虛席請師開堂師一日與二居士泛舟城南至蓮花蕩見水天交接師招之曰此地塵跡不到可建立梵刹即鳩工車戽果得神龍窟穴

遂定基興建楹殿雲集不數月而寺成碑所載開山之處如此今寺前一望皆平陸不復有山水天交接之遺處而碑中亦載有黃耳事然余二十年前曾一至其地見頽垣頹角之間有袁海叟一詩云存哀詩即參養有恩終不肯交游何事獨相欺至今吟如炙人口者是也余猶憶得有未鳳山一詩今已忘之如大率皆詠黃耳事則其傍為黃耳冢無疑余今年春六董太學子元顧隱君子登弔古城南因至其地見殿宇完整詢之則寺尼道權所修建也中為正殿三楹次左右兩翼其旁為側室各兩楹前有門廡右為居宇庖滷宿取室皆具竹樹靜深儼然一名利也二君曰此華亭一勝處公當記之嗚呼三吳富貴之家遠延土石役萬夫以構第宅營冢墓者何限然未百年而羊頭傾倚于蔓草下之中墓已犁為田者比比是也其第宅或子孫不克土構則不數年而幾易主其視此何如夫自晉以迄於今幾千二百餘年而黃耳之冢尚巋然獨存普寧一尼寺耳當垂廢之餘而又有道權者以振復之是亦豈偶然哉蓋寺賴名跡以永存此冢亦托之寺而不齟齬于然哉蓋寺賴名跡有意乎蓋物類亦知有義以人質之不能無愧則天豈不欲祐之而使之長不朽於宇宙間耶是不可不記

乃次第其說書之于石以告來者

靜菴 在橫潦涇尼真如在持吏部尚書張瀚陸光祖各有記

寺 在四十二保里人盛氏女與甥女錢氏俱為尼因建俗呼錢盛寺元泰定年間顧復有記

以上青浦縣

縣道觀

府南朝真橋東始創在橋之西年月無攷宋紹興

二年處州天真觀道士葉太直復建請于朝即東

觀舊額賜今名元至正中道士吳大亨重修邵亨

明初以其地設太平南倉道士陸允中始遷於此

改張氏祠堂也觀雖小為府城第一道紀司

治焉

明吳黼遊仙鶴觀詩 烟霞宮殿隱層層十二欄杆處

處凭翠館月明仙境紫碧潭風靜鏡波澄中山酒筆和雲吸剡曲船窻載雪乘處世不須閑脚踏孤雲野鶴任騫騰

蓬萊道院

在東門內元至正中道士李德安建明洪武三年道士金志信等重修東廡有梓潼神

舊祠于縣學祠後有竹林大比歲以筍迸室中卜薦士之多寡近神坐則占前名其驗如響成化六年提學陳

選以神道家者流非學所當祀道士李朝陽因請祠于此仍塑呂真人配之建利濟侯祠錢溥有記正德十四

年秋震雷碎殿柱嘉靖初道士衛大溥率其徒鍾秉彝復修孫承恩記萬曆間俞汝為倡建八仙祠於東偏

元張昱詩 雲近蓬萊屨氣消數峯晴照遠相招梁間燕于都歸去觀裏桃花自宋寥孟飯化人忘戀戀院墻

安宅猶有雞聲報午朝 筭竹謾蕭蕭雲中何處劉 盟素道院 府治東南舊城隍廟側元至元二十七年天台桐栢宮祝知觀翺始至正十二年道士吳

寺觀下

蟾友王元靜建明成化五年早知府田臻禱而得雨命
住院王惟端重修正德四年道士王大經建三清閣

大興道院 在蕭塘鎮元至正
中道士范道隆建

太清道院 在俞塘明洪武元年道士吳松谷建
萬曆間改太清禪院僧蘇湛然重建

太古菴 在府西
三百步 **施水菴** 府東南五十四里至
元同道士葉雲建

上真菴 在翁家莊西距府七十里元
泰定二年道士蕭野雲建

朝元道院 在泖口元大德間
道士陸景真建

朝真道院 在干山元至正三年道士郭松
溪建明萬曆中重修建餐霞館

婁縣道觀

長春道院 府城集僊門內橋北元大德十年道士鄭道真

建為境內全真教祖

問訊奎閣書論文游漫

峯青疊蓬頭並鶴羣

谷水道院 府城西谷水坊內前志云在崑崙北許尚百
詠題有道院註在西湖之西後為延氏蔬園

疑即此地曰谷水者湖之故名也宋寶慶二年道士陸
景微建明洪武二十年道士葉雲各增修之

士黃碧窓里人馬驥車建今湖已荒院亦廢
其外一水縈紆不知為湖矣中有來鶴亭

明錢福題東雲道十歌 禹步蹴震壇青雲
鐃一鼓萬物出東華 魏野牛牛理騎鶴釋參先人賜扶

搖條忽幾萬里爾來鳧雁折斷落滄溟荒荒
可即日夕枕漱西湖水崑崙北谷有水瑩無淨洲

湖無乃是水以北為陽期言亦奇寺雲邪水邪
遭兩兩總無心南北東西亦異各之陽雲之東坐看

雲起行水窮飄然獨得誰能從綠波不
常護仙人官道遙步明月徒倚臨清
雲根動鬪苓自飯操斧縮面憐長松

水雲深處鶴髮積籊籊近聞入亦
小住三百載且莫掉首思空候
聞闔談參同 又來鶴亭詩 遊鶴亭前水鶴亭自來

寺觀下

自放幾時停道人莫勝以
雲去且坐亭中燕誦經

昇真道院 府東陶法華橋元至正二
十二年道士郎道一建

玄真道院 在張涇堰元至正二年里人楊子
正建明洪武十六年郭德方重修

谷神道院 府南五里洪武四年
道士陳仁常建今廢

上真道院 在府北三十里洪武
四年道士嚴真建

清谷菴 在府西北二里元至正四
年道士蔣清谷建今廢

佑聖道院 府東北葛家渡至正間
道士張守元建今廢

崇真道院 在細林山元至正間建明洪武十四年道士
彭素雲重修院鐘為細林八景之一成化十

年道士陳愈清修殿建東堂七間有清龕是素雲
故物弘治間猶存當曆中增建關帝祠廟真閣

真聖堂 在泖西去府七十里明洪
武十三年道士彭素雲建

上海縣道觀

正陽道院在縣治東南元至正十一年里人潘守真建縣

之陰陽學設於此俗呼小仙宮明初併入道觀觀下同

松江道院 縣治東高真武宋監監官祝聖之地董楷
有記後燬元至正二十年道士曾景元重建

明洪武三十二年道士
趙壽善重修今廢

仁濟道院 在吳曾元至元間里人王
氏建至正初韓日新重修

平山道院 在十八保明洪武七年里人
元子文建永樂
酒罄聚鹿為山後人尚有
孺軍長人鄉

于此地有養者字宜從無

洞圓道院 元延祐七年道
士查復原建 祥寧道院 元至正二十四年
里人施道良建

真聖堂 元至正二十年
道士彭盟村建 神霄雷壇 元至正四年
道士彭希陽建

太清菴

在正南道士張靜

青浦縣道觀

通圓觀在青浦鎮宋景祐元年道士葉管轄建明洪武六

年道士秦守宗重修

朝真道院

在十四泉山元大德間建明洪武六年里人任仁發建泰定後

關中場道士孫有記明

崇真道院

在四十七里元里人戈奉史建

已廢名存及不經歸併道院

圓元道院

在府南會星橋西元末建名賊自

初慶道院

在縣學前

圓真道院

在慶寺南元至正

靈真道院

在金家巷元至元末郡人建和寧保濟

西湖道院

在演武場北元至正元年道士邵以中建明正

今猶有小渠自太平橋西流折北為滙其前為域中

明真道院

清寧道院

在府西

東陽道院

在府治

安丁道院

在通波門內宋咸淳

舊傳安丁一人讀書于此相繼發跡故名明天啟間

靈順行宮

在府西元末建明洪武六年里人任仁發建泰定後

府葉景增修成之間受知府王德重建

錢明宮

在東

碧霞行宮

在東門外明嘉靖間

仙山道院

在府東

蓬萊道院

在府西元至正十

寺觀下

別廟 一在張涇堰元大德五年邑人施士亨建 一在

于山元大德八年山民潘顯建府人春日登山賽

關帝廟

在城西遞運所即

別廟

一在倉城知縣章允儒建 一在白龍潭 一在莘莊鎮

龜蛇廟

在城南濠上宋咸祐中建 明張璠重修記 松

見巨龜蛇之異宋淳祐八年道士余子善來建廟塑真

武像因以龜蛇名元至正十六年苗師縱獠人郡大掠

火一月不絕殃及境而斯廟如靈光獨存人遠望有黑

旗颺于上當時雕甍遺燬競傳以為神明洪武初殿就

敝紹興販海商其人與先祖同姓字始來翻蓋今存二

夾石即其所捨海舶中石也我曾祖仁壽號一山嘗十

築廟側思地有稅無主眾侵穢日廢乃因編冊收廟基

于保勝名下世遠人亡永樂改元我祖本中號柳塘轉

入于籍宣德二年我考原壁號清逸與東隱道人徐

盛棲遲於此有志興作不果正統十一年瑞官紀善

守制載瞻廟貌歷歲滋久風銷雨泐朽敗莫可支乃慨

念先志以起廢為已任合里中好義者施財庀工至景

泰二年重葺殿宇易蘆簾以板增置兩廊各三間東隱

構室傍居以主其席後予長子瑩任監察御史得辭職

就封居間又以山門等未備欲事營繕得府判嚴郡洪

保和道院

在烏泥涇元至

葆真道院

烏泥涇南張

鶴坡道院

在鶴坡宋

築耶將軍祠

在長人鄉祀

吾東廟

在三十保相傳宋太師劉錡奉

崇福道院

俗呼聖堂

淡井廟

在城西五六里元

境坊砌甃為街甃石為橋以通神道揆天順癸未而上

距初建二百又十八年至是葺成備矣噫張氏祖瑩鄰

于廟子子孫孫同吾志者嗣而葺之庶斯廟有屬而斯

文不昧焉用鐫諸碑

樹于廟門之左耳

婁縣

東嶽行宮

新場鎮有二其東者俗呼郭家廟

關帝廟

在北城上明萬曆十三年建俞顯卿記

通濟龍王祠

在滬瀆吳越時建宋景祐五年太史葉清臣重修

順濟廟

即天妃宮在縣東北黃浦上宋咸淳中建按一統志神莆田林氏女生于宋有神異沒而顯靈始立

廟于莆之海中湄洲嶼元至元十八年救命為護國明著天妃明洪武永樂兩加封號廟後有丹鳳樓觀潮者登焉潮洶湧北來至廟門而伏過則復起人以為神後廟毀改建于北城樓上

以上上海縣

玉宸道院

在奈山西麓元至正三年邑人衛宗武建明年自為記并書

玉清觀

在鍾賈山元大德間道士曹紹甫建翰林待制除知松江府賈汝舟記

崇尊道院

在三十入保

圓壽堂

在四十六保各無量壽堂

崇敬道院

在四十六保明洪武年間建

大盈道院

在四十六保元道十金古山建

會仙道院

在會仙浦東元時建

真武道院

在三十入保

玉皇閣

在三十八保明洪武初建里人富懋重修

南聖堂

在沈巷明嘉靖二十五年道士趙可真建

東嶽行祠

在七寶鎮宋時建一在青龍鎮

關帝廟

在南門外弔橋北一在澱山湖口

澱山真聖堂

在四十三保明成化中道士黃德成建

以上青浦縣

諸廟

真聖廟

在府治西垣外宋元間建明永樂初郡人孟仲經置地益之天順中知府葉冕重修居民禱祠有飛

鶴翔舞之異

趙店土地廟

在府治西昔未邑之日市東名趙店今有神祠謂之趙店土地

姚將軍祠

在府西初在華亭縣治姚宰以廟門北向不利土人遂遷于此今廢

蕭王廟

在縣治西北一在張公道橋東

福順賢德大王祠

在縣西舊都酒務西宋祀隋將陳仁杲今廢

忠烈昭應廟

在府南七十步即金山神霍光及錢七太尉元元統中知府申秉禮建俗呼錢總管廟

一在蓬萊道院
中 一在金山

羅神廟

在會仙橋南明嘉靖間馮侍御恩成雷陽時其地有羅氏兄弟五人橫肆鄉曲一日將有所逞欲烹

羊而行羊忽作人言示警因各悔恨自經後屢顯靈及恩歸偶患目青感神入夢而痊遂于宅前建廟奉城隍

神于中而列祀之郡中凡目疾者來禱隨應今香火特盛云

白沃廟

在北俞塘俗呼白骨廟白沃使君海鹽令相傳當湖初陷使君躍馬疾走不及以鞭指東南一角水

至不沒其地獨高後人于此立廟見魯應龍括異志

錢公廟

在東門外北四十步

以七華亭縣

大樹大王廟

在縣西一里

白馬三郎廟

在秀野橋北

靈濟昭烈王祠

在城西宋淳熙八年建王姓張氏其靈跡載桐川神祠記後號為祠山蘭若

施相公廟

在龍潭寺西

崔府君廟

在龍潭寺右

金龍四大王廟

在西倉城北郡人徐肇台倡建

李塔廟

在修竹鄉唐太宗第十四子曹王明貶蘇州刺史梁開平四年封昭靈侯廟食于吳

三姑廟

在瑁湖橋側

烈士大王廟

力士大王廟

何大王廟

以上婁縣

水仙宮

在上海縣治南祀茅竹水仙

晏公廟

在城西方浜一在新場鎮

杜浦廟

在十保七

江東大王廟

在砂

一王廟

在陂塘

十澤廟

白蓮涇南

十僊廟

在黃滙澗西

南北蕭王廟

在沈莊塘

夏保廟

在界浜

浮霄廟

在洋涇北

松江府志 卷之二十一
高昌廟 在城南陳家橋廟南 二里有舊廟皆濱浦
高昌廟 在可溝浦

魚鱗廟 劉清君廟

烈士大王廟 澳悔龍王廟

封村廟 以上上海縣

崧子廟 顧長官廟 火燒廟 斜涇廟

逢陣山九烈夫人廟 文武二王廟

曹涇廟 曹村廟 洋涇廟 花橋廟

糜公廟 在廣富林西明 楊豫孫有記 陽烏溪廟 在蔡成涇上

聖僧廟 在三十人保 朱墅明王廟 在四十人保

古境廟 在橫泖相傳元兵至此有老人指示他往 居民獲免殺掠以為神祐故祀之今廢

青山廟 在崧山西為机 奚王廟 梁村廟

保安司徒廟 章廟 青龍章氏香火

曹娥廟 趙屯東村元泰定間姚得昌建明隆慶元年里人 高恩重修城廟在上虞縣邑人特祀以屬風俗

紫藤廟 四十保 高涇廟 四十保 浦縣

天學附

天主堂 在上海縣治北 西士潘國光建

本朝上海知縣豐城涂贊記 今 皇帝膺圖御宇敬授人時首重憲天之學特詔欽天監依

西洋新法造時憲曆頒行海內又以西士湯道未先生 辭旨淵深不時召對所言皆驗寵賚有加錫以通微之

號于宣武門內建天主新堂宣揚正教猗歟盛哉 聖主昭事上帝之忱與賓賢柔遠之典亘古今而首出矣

緇維明萬曆九年泰西利瑪竇以神穎之資挾七克之 業偕同輩航海而至晉見庭陛之間備極宴勞之禮儀

寺觀下

稟告舍眷賜至殷其所論列天文地理以及製器利用之學靡不精詣于時朝端卿尹咸切景從而海上徐文定公信服特甚蓋文定學術弘密其生平講求皆裨實務故崇奉最先于是天下始知天主之教格物窮原守誠潔已不與圖虛詭異者等矣故都省鄉井皆構堂虔禮而文定于居第之右新輪奐以對越者幾三十年若黎畢諸君則皆敷教茲地者也其後觀譯往還潘先生國光與今通微教師及賈先生宜陸繼至潘先生獨畱于此教鐸所開人心嚮悅復建堂于安仁里丹曠聿新威儀自肅其以答於穆而嚴奏格者功豈渺小哉文定外曾孫許孝修太史讀中祕書精西學暫出藩敵鄉以余令茲邑欲介余一言以垂示來學余惟唐肅代之間有西士信和入朝詔靈武五郡立天主景教寺彼其時如房僕射郭令公等實羽翼之相侈為盛事豈若熙朝至尊特隆欽若之恩而敷天之下咸知戴天德以戴聖化者之為教尤宏遠也于是乎書順治庚子二月真教寺在谷陽門外張方橋西即禮拜寺明初京省奉旨敕建為西域人朝天之所松江于永樂初建禮部給劄與賽孝祖任持旁即葬所俗呼回回墳

本朝順治十五年重修

古蹟

古蹟者山川邑里第宅丘園之屬皆是也而復出此者舊俗所傳不可以附見者也題詠成什者萃之欲見其全也事具別條而詩錄于此者明皆古蹟可互相考也

顧志

周公墩郡城東南捍海塘外距金山不十里當潮勢湧猛處蓋古人所築以防海處因周康王築金山城得名大抵皆烽墩也

梁紇廟在海隅鄉梁紇浦東

三女岡舊圖經縣東門八十里吳王葬三女于此樞要云

吳王葬妃于此未知孰是明行寺記云寺近三女岡今南橋鎮北三里有高岡是其處

宋唐詢詩 淑女云亡久哀丘尚著名九原誰可作千載或如生青骨何時化荒榛此地平空餘圖牒在不復敗佳城 宋許尚詩 王殮知無有香魂計已消頻來吟楚夢歲久若為招 明屠隆詩 三女臨妝鏡下花嬌映人金釵沒黃土土骨化青燐昔有宮娥侍今為野鳥隣繁華總如此所以貴清真

秦皇馳道郡西北崑山南四里相傳有大堀路西通吳城即馳道也輿地志始皇東遊至會稽句章經此漢賈山至言秦皇馳道遍天下此蓋其一也按崑山南四里即古浦塘然則馳道即塘之岸也山之北又有秦皇走馬塘

宋唐詢詩 秦德衰于祀江濱道不修相傳大隄在會是翠華遊玉趾如將見金椎豈復留悵然尋舊迹蔓草丘

古岡身有三曰沙岡竹岡紫岡在府東七十里南屬于海北抵松江長百里入土數尺皆螺蚌殼世傳海中湧三浪而成其地高阜宜菽麥吳郡圖經謂瀕海之地岡阜相屬謂之岡身此天所以限滄溟而全吳人也

明員翺過竹岡詩 迢遞竹岡路村墟烟火遲地從滄海盡入入大荒垂網集知潮落舟行覺岸移平生貪勝槩隨處一題詩

白苧城縣南四十里高一丈周一萬步舊經云地生野苧因名今俗云白苧漚

吳王獵場舊圖經云吳王獵所有五茸茸各有名在華亭
 谷東又云吳陸遜生此子孫常所游獵後人呼陸機茸
 今其地為桑陸按唐詢詩題注華亭谷在縣南然則今
 府城東南皆獵場遺址也

唐陸龜蒙吳中卽事 風清地古帶前朝遺事紛紛未
 宋參三 柳涼波魚蕩動五茸春草雉媒嬌雲藏野寺分
 金刹月在江樓倚玉簫不用懷歸忘此景吳王看卽奉
 弓招 元段天祐詩 鼎足成功日蒐畋此注戈繡旗
 春浪捲鐵騎夜星羅割據英雄盡登臨感慨多年年二
 三月芳草暗陽坡 明徐獻忠詩 昔日吳王獵騎歸
 五茸久已燒痕微沙頭雁鷺猶成埒天外桑麻似合圍
 十里孤城連落日幾家秋思動征衣江南不愧稱名郡
 祇覺風烟 爭可依

烽火樓在亭林南寰宇記南帶海上有烽火樓基吳時望海

處今遺跡猶存

赤烏碑在舊靜安寺吳赤烏中天竺康僧會始入建業創
 寺曰建初華亭繼有重圓勒碑紀事宋祥符間勅名靜
 安至嘉定中依師以址薄江遷今處碑未及徙而水嚙
 沒之

元王逢詩 一碑存赤烏年僧指青燈夜風雨寒蕭蕭黃
 旗儼來下 明成廷珪詩 蘆溼水入大江馳歸立重
 元舊有碑一去黃旗連紫蓋幾迴白馬過青絲沉澗恨
 少中郎識打字翻無薦福悲水客不知前代跡月明涼
 夜漫 歌詩

養魚池

喚鶴灘 並詩 西湖

黃耳塚在城南二里餘傍有普寧尼寺守之俗訛黃泥寺

述異記陸機少時好獵有家客獻快犬曰黃耳後機仕
洛將以自隨犬黠慧解人意機嘗戲語曰家久無書汝
能馳往否犬搖尾作聲以應之機爲書盛以竹筒繫犬
頸走向吳徑水輒依渡者掉尾向之得渡則騰上速去
到家得書還向馳洛後死還葬其家村南二百步聚土
爲墳呼爲黃耳塚劉貢父詩話又以黃耳爲僕未知何
據

明袁凱詩 黃耳墓前春日遲柳條花萼共參差高才
已逐浮雲去異物猶令後代思顧養有恩終不背交遊
何事獨相欺春風綠酒人皆醉落日孤舟自詠詩 明
顧清鶴涇田舍在黃耳祠傍偶過懷古 山靈應道幾
歸來一徑新添雨後蒼高柳直從江路見細花還傍竹
叢開百年天際雲千變萬事林間酒一杯記得吾家老

開府當年會
勸陸郎回

八角井在張涇橋西俗傳陸氏外厨井也其水通海歲旱
投鐵簡其中云能致雨

五色泉在西湖道院內相傳葛稚川鍊丹湖上丹成投水
中後常涌五色泉府人士見者必擢高第時又舒光如
赤虹貫天

顧亭林因野王居此得名寶雲寺址卽其地也

采唐詢詩 平林標大道曾是野王居舊里風烟變荒
原草樹踈湖波空上下里開已丘墟往事將誰語淒涼
六代餘 元段天祐追和 布馮年少日著述此間居
久不登朝去初非與世踈舊遊何歲月遺跡盡丘墟只
有湖千頃春潮漲兩餘

松江府志 卷之二十一
讀書堆在亭林寶雲寺後卽野王修輿地志處其高數丈
橫亘數十畝林樾蒼然寺僧嘗欲作亭其上以奉野王
不果今其後半爲居民所侵

陳朝檜在靜安寺殿堦左右陸龜蒙皮日休有重圓寺雙
檜詩卽此宋政和間朱勔畫圖以進有旨遣中使取之
欲毀三門而出一夕風雨震雷碎其一其右者尚存葉
夢得避暑錄以爲朱冲晝旨取平江白樂天手植檜與
華亭悟空禪師塔前檜皆唐時故物按臨安志悟空塔
亦有雙檜東坡詩所謂當年雙檜似雙童者乃在鹽官
界石林蓋誤以靜安爲悟空也今寺已遷檜亡久矣

明成廷珪詩 千年老檜上青霄三閣花飛不動搖香
骨自來盤左紐苦心未忍棄前朝蛟龍並立江雲黑鸞
鳳雙啼海霧消想得龜蒙
題詠處殿頭風雨正蕭條

龍井在橫雲山有祭龍壇昔時禱雨處歲久井湮祠廢

本朝順治十七年夏大旱知府劉洪宗率僚屬步禱于此
甘霖隨應乃捐俸浚治築白龍洞亭于其上以致祀焉
釣灘在朱涇鎮唐船子和尚垂綸之地今爲法忍寺

唐釋德誠詩 千尺絲綸直下垂一波纔動萬波隨夜
靜水寒魚不食滿船空載月明歸 二十餘年江上游
水清魚見不吞鈎釣竿斲盡重栽竹不計工程得便休
三十餘年坐釣臺釣頭往往得黃能錦鱗不遇虛勞
力收取綸竿歸去來

松澤西亭船子和尚維舟咏歌處後爲西亭蘭若

唐釋德誠詩 一葉虛舟一副竿了然無事坐烟灘忘得喪任悲懽却教人喚有多端 一任孤舟正又斜乾坤何路指生涯拋歲月卧烟霞在處江山便是家 愚人未識主人公終日孜孜恨不同到彼听出樊籠元來只是舊時翁

升仙臺在隆福寺前按續仙傳王可交初居松江南後入四明山不出初無上升事或傳為王淡交淡交不事繩檢能為詩語多滑稽大似傲世者然江上有感行石刻云王可交仙壇則或說又未然也今遺跡具存

駱駝墩又呼落彈墩在簞山北

瑞光井在超果寺西廡下宋太平興國中僧慶供奉錢王

宮中觀音像來雲間艤舟李塔滙像舒祥光如虹經天

下貫此井因名其後浚淤復覩金鰻之異邦人病者多

汲飲焉其東一井尤甘冽或曰此真瑞光也

石幢在莘亭縣前相傳地有湧泉云是海眼大中十三年

立此鎮之 上海縣浦東陸儼山祖居前亦有海眼晝夜泡起不息儼山少時髻石為池至今猶存

宋許尚詩 屹立應千載傳因海眼成蓬萊水三淺曾不見敬傾

水陸池在興聖寺池昔有龜數枚聞講經聲則緣砌而上

罷則復去後以其地為棠谿書院今池在院中

沈光碑在勝果寺宋元祐初有鬼顯異于寺僧自稱有漢

烈士沈光書迹數十字刻石許尚謂之鬼書

宋許尚詩 壯士為儒耻捐軀志所甘無名預青史幽憤亦何堪

安公像公為僧泛海而死元時肉身猶存今不知所在

宋許尚詩 浮鉢來滄海幡然厭世塵補陀巖畔月長照定中身

羅漢井在南禪寺宋崇寧中僧普願于此得住世羅漢像寺因以典故各水甘冽宜茶汲者月朔率投以紙錢一

陌明嘉靖十三年僧竹菴浚而甃之

明釋德濱銘 井之陘唯水泠泠止不波今使我心平養之不窮今勿羸其甃終古不改今同其清

呂公樟在本一菴中宋有回先生過之手植樟一本于雲堂後數年復來問章公安在無有知者時樟已枯瘁回見之而笑取瓢中藥一丸瘞諸根下人亦不以屑意爾後樟復榮每葉皆有瓢痕人始悟呂仙也自是雲水生

來必掇其葉以稱奇四方

昔有人患瘡穢甚僕行至橋上見道人枕二瓶睡告之以

故曰無妨第隨我行至院中道人揖樹曰樟先生無恙耶謂患者曰汝但採葉浴瘡當平復耳是歲疫癘大作土人採葉煎服者立愈亂後云

陳必達詩 雲鎖虛堂四壁空呂公會此問樟公如今不見神仙過古樹蒼蒼夕照中

異木嘗見夢商人自稱土地神云祭我令汝宜商自是商

一入歲祠之祠必以夜半

石獸在府東嘗為變怪夜則環市而走遂斷其一足

宋許尚詩 刻鑿知何謂彌年亦有神宵行無足怪一吼亦驚人

雲漢昭回之閣在蘆子浦南宋淳熙十年端明殿學士錢

良臣建以藏宸翰其額係光宗在東宮時書今碑存靜

安寺閣廢

元王逢詩 雲漢昭回夜新登最上頭叢林幾度臘片石百年秋爽氣隨天盡疎雲帶月流身今在析木無暇顧牽牛

講經臺在靜安寺宋嘉定間寺僧仲依築土臺聚其徒講習于此遺址猶存

元楊瑀詩 高僧昔日講經處人去臺荒草木間華表不歸千載鶴至今遺跡鎖空山

湧泉舊志云在靜安寺前晝夜騰沸甃井作亭佳其名曰

應天湧泉亭廢井湮于港中故水類有沸井浜在滬濱東西蘆

浦中間一水相通有數尺特深如井其下二三尺氣稍溫今泉在寺內浜為平陸矣元貢師泰詩 江頭石佛寺中有湧泉亭亭荒鳥雀聚水古虹霓腥元氣瀕地脉汨汨不暫停初疑蟹眼沸復

似冰花零嘗聞有神龍深卧潛炳靈何由作霖雨一洗烽烟清

綠雲洞靜安僧壽寧栖息之所檜竹桐栢環植廬外層陰

疊翠落人衣帽遊者疑為華陽小有之境趙孟頫扁以

是名楊維禎為志

元王逢詩 龍歸驟覺寒鷄遠不知午長年四簷陰颼颼竹疑雨

元釋壽寧辭 萬樾兮森森雲承宇兮陰陰洞有屋兮雲無心我坐石兮鼓瑤琴耶之溪兮華之岳雲之逝兮

吾將曷尋

明孫作詩 綠雲千頃堆琉璃雨洗烟霧生奇姿忽然變滅不可記月色照耀如天衣天衣拂石鏘璫珮萬籟

微音出幽邃藻苻浮空積水明洞中綠雲光破碎綠雲反復為師妍師方宴坐交人天是身如雲我何有雲豈俄爾相周旋人間萬事如轉燭洞亦非空亦非綠此題此歌今已多桑下浮屠不二宿

丹鳳樓在上海縣東北天妃宮宋咸淳八年建三山陳珩

書額元楊維禎有詩後燬相傳樓未燬前一日額忽墜

地羽士置水中洗滌因而得存若有神護之者明萬曆

間里人秦侍御嘉楫擴城樓仍置額其上復為之記

元楊維禎詩 十二湘簾百尺梯飛飛丹鳳與雲齊天
垂紫蓋東皇近地接銀河北斗低笑靨秋空戎馬陣神

燈夜燭海鷄啼婦娥昨報瑤池宴笑指蓬萊水又西
明董紀詩 何年救賜天妃號宮觀岩堯入紫冥龍女

來朝多顯異鮫人作市暗聞腥黃姑渚澗天通海丹鳳
樓高晝隕星近得瑤池王母約蓬萊有路到珠庭 明

張弼詩 扁舟北來海波森丹鳳樓高海天小樓上三
姑共儼然雲鬢花容長不老大姑團扇裁龍綃指揮海

若驅風濤聖人御宇波恬靜歛扇笑看棋相塵二姑潛
機先一着小姑拈子未肯落龍爭虎鬪血玄黃鯨啞蛇

蟠勢回薄金鷄睡熟天下真樓下道人聞剝啄我欲就
枰問一言滄海桑田今幾番孫恩剽賊何緩死崖山忠

義何遠醜弱水仙都果何處欲借青鸞徑騎去五色文
輝園苑花七星劍掛扶桑左攜赤松右洪厓免束冠

裳事章句三姑默默問
不應樓外長川白東注

杏花村在青龍鎮

禹桺堤桺允中大父植萬桺于龍江堤上因名今廢

拂雲亭在青龍鎮治前監鎮魏大年造四面植竹萬竿蒼

翠扶踈游者疑為淇園渭川之境云見張之象百咏題

序

鸚鵡洲在海中金山下山北古海鹽州後淪于海元末潮

齧山北岸下瞰橋井猶鑿鑿有得一碑曰鸚鵡洲界

文翬洲在黃浦中元末始生尋丈許後延廣至數十畝王

逢橋里叟門生共登適鳴雉羣集因以為名

元王逢詩

我來初避地黃浦漸生洲里諺歸材傑天

工障獨流望疑堅壁守醉覺小山浮仙攝金鰲背神迴

白馬頭根盤連厚軸形勢壯遐陬漁倚盲風釣商藏疾

兩舟篠鞭伸玉節荻筍屈紅鈎烟火鮫為市雲霞屨作

樓沙津魚鼓急水柵蟹燈幽良震方先曙吳淞木始秋

老懷龐德隴隱覓謝鯤丘僅御爭先導吾儕試一遊賡

歌清氣合樂志古人曾可

信文翬雉能盟懶性鷗

鶴坡在下沙鎮此地出鶴俗又謂鶴窠

明孫怡詩

歸舟傍南坡波樹雜

嵐氣上有胎禽巢不知育稚未

綾錦墩在盤龍塘上錢全袞種桑之所

石筍灘在下沙捍海塘外抵海三十餘里每二三丈沙內

中有石如筍者彌望潮汐至此勢本悍激自建石筍其

流遂分本名分水港不知何代易以今名

明宋仲雲詩

不見沙頭洗玉瓶間移小艇

弔江靈豪華銷歇今非古依舊春風岸草青

白燕菴在賢游涇袁御史凱墓側里人以凱有白燕詩築

菴祀之遂以為名

迴瀾臺明嘉靖末馮御史恩築在雲間第一橋西

明王衡迴瀾臺詩

荒荒落日照孤墩就可中央立水

門草木半江屯雨氣波瀾平地出山根春秋弔古餘尸

祝我輩臨流次酒尊躑躅暮雲感慨在更將遺恨問平

原放舟郭外市烟飄更上高臺意欲消五月竹林風

抱葉一泓泖水夜分潮空灘月白生魚蟹大野場

登薦黍苗勝地與人俱不朽風流廷尉繼孤標


明馮大受詩

平蕪泔泔水泔泔目送烟霞萬里晴小

雨挾雲歸斷岸亂帆拂柳渡孤城江街睥睨寒星沒海

近樓臺霽色平獨立中流

雄砥柱令人俯仰寄深情



松江府志卷之二十七

終

